

KRISTE KE SEPHIRI SA MODIMO SE SE UTOLLOTŠWEGO



Ke a go leboga, Ngwanešu Neville. Morena a go šegofatše. E no feleng le eme nakwana ge re inamiša dihlogo tša rena bakeng sa thapelo.

² Tate wa Legodimong wa mogau, re batamela Wena gape mosong wo bakeng sa kgaogelo le bakeng sa tlhahlo ya Moya wo Mokgethwa lehono, bjalo ka ge go sele godimo ga rena, gore re swanetše go kopana mmogo mosong wo le go ruta Lentšu la Gago, le gore re tle re tsebe ka fao re ka phelago mo letšatšing le la bjale, le gore ke nako mang ya letšatši ye re phelago ka go yona. Re tla kgopela tlhahlo ye kgethwa ya Gago go dikgopolo tša rena, dipelo tša rena lehono, gore O tla re šupetša go Lentšu le lengwe le le lengwe leo le lego bohlokwa go rena go le tseba; gore O tla bula melomo ya rena ka tokologo, le dipelo tša rena, gape, go amogela, le seo O tla se bolelago go rena, gomme o tla tswalela melomo ya rena go dilo tše di sego tša loka, go tseba gore ke Wena feela a kago go utolla Lentšu la Modimo.

³ Gomme bjale bjalo ka ge ke swanetše go tlogela kereke ye nnyane gonabjale bakeng sa dikarolo tše dingwe tša lefase, ke ba neela go Wena, Morena. Yeo, ke bona pelo, apola ya pelo ya ka, bjalo ka go bolela. Ke bona ba—ba ba tswetšwego go Wena, ka Moya le ka Lentšu la Therešo. Gomme ke a rapela gore O tla ba šegofatša, Morena, le go ba boloka sekgauswi ba tlemagantšwe mmogo ka ditlemo tša lerato la Kriste.

⁴ Šegofatša modiša morategi wa rena, modiši. Re a rapela gore O tla mo tlotša ka Moya wo Mokgethwa, wa Lentšu la Gago, le go utolla go bona le go fepa mohlape.

⁵ Gomme gatee, feela lebakana la go feta, ge O laeditše pono, tabarenekele ye nnyane mo, ka go boloka Dijo, gore go tla tla nako ge se sohle se tla hlokega. Ge re bone Ngwanešu Sothmann le Ngwanešu Wood ba loketše go kgabaganyetša mošola ka go naga ye nngwe, go. . . Eupša O rile, “Boloka Dijo tše fa bakeng sa nako.” Morena, ka tlhomphokgolo ke lekile go dira seo.

⁶ Gomme bjale, mosong wo, ka go thuto ye yeo re nagannego ka yona, ke a rapela gore O tla e tswalela yohle, Morena, go bontšha gore O Modimo, gomme le ke Lentšu la Gago le Therešo ya Gago. E fe, Morena, gore batho ba ke ba iphepe ka lona le go gola go nona, bjalo ka ge go bile, ka go mogau wa Modimo, gore ba tla bona gore ke kgaogelo ye kgolo ya Modimo go rena mo letšatšing le. Šegofatša bohle ba lego gona le bao ba ka ratago go ba gona,

Tate. Gomme hwetša letago go Wenamong, ka gore re e kgopela Leineng la Jesu. Amene.

Morena a šegofatše yo mongwe le yo mongwe wa lena bjale.

⁷ Gomme ke a dumela, feela pele re thoma, re na le lesea le lennyane mo, Collins. Ke kopane le tate feela dinakwana di se kae tša go feta, gomme—gomme o bile le lesea le lennyane a nyakilego le gafelwe. Gomme re nyaka go dira seo bjale, ge Ngwanešu goba Kgaetšedi Collins, yo motee, a tla tliša yo monnyane pele gore re kgone go ba le tirelo ya go gafela bakeng sa moisa yo monnyane yo.

⁸ Go tlogela, le a tseba, gobaneng, go hlola . . . bjalo ka ge ba e le maloko a go botega, ke, a Mmele wa Kriste. Le a hlokomela, ga se ka ke ka re “a tabarenekele.” “A mebele ya Kriste,” mo . . . mmele wo mo, karolo ya Mmele wa Gagwe.

⁹ Gomme ba na le moisa yo monnyane mo ba nyakago a gafelwa. Gomme—gomme wo ka mehla ke mošomo wo ke naganago mosadimogatša wa ka—wa ka o a ntuma ka wona, go swara masea. Uh-huh. Gomme Ngwanešu Neville, ge o ka tla pele, ge o rata.

¹⁰ Leina la gago la pele ke mang, ngwanešu? [Tate o re, “Clyde.”—Mor.] Yo ke Ngwanešu le Kgaetšedi Clyde Collins, ke ngwanešu go ngwanešu wa rena yo bohlokwa fa, Moruti Collins, Willard. Gomme ba bile le go oketšega go nomoro ya boCollins mo, ke a bona, gomme moisa yo monnyane yo mobotse kudu.

¹¹ O na le mengwaga ye mekae, Kgaetšedi Collins? [Mme o re, “Gabotse dikgwedi tše nne.”—Mor.] Gabotse dikgwedi tše nne. Gomme leina la gagwe ke mang? [“Mark David.”] Mark David. Leo ke leina le lekaone kudu. O lebega boka mošemane yo mokaone kudu. E re, ke mohuta wa mošemane yo mogolo, gape.

¹² Bjale ke a tseba bomme fa ba ka thabela moisa yo monnyane yo fa. A ga se mpopiana?

Go lokile, ge re inamiša dihlogo tša rena bjale.

¹³ Tate wa Legodimong, bjalo ka ge tate le mme yo moswa yo ba etla le le lennyane le, mokgobo wo bohlokwa wa nama ya motho woo o filwego go kopano ya bona, o beilwego ka diatleng tša bona bakeng sa go bolokeng Morena Modimo. Ka tlhomphekgo ba tliša Mark David yo monnyane yo mo bakeng sa go gafelwa go Ramaatlakamoka, Yo a filego mošemane yo monnyane yo bohlokwa yo, go phelega mo gobotse le mošemane yo mokaone, ka tlhokomelong ya bona, go godišwa bakeng sa letago la Modimo.

¹⁴ Morena, šegofatša tate le mme. A nke seroto se se tsoge sa se be le selo, ka ntlong, goba legapana le se tsoge la oma. A nke tate a fole le go kgona, Morena, go šoma le go direla moisa yo monnyane dijo; a nke mme a fole le go kgona go di lokiša;

gomme dipelo tša bona di lokišitšwe, Morena, go ruta moisa yo monnyane, go mo godiša kgodišong ya Modimo. E fe, Morena.

¹⁵ Bjale go tšwa matsogong a bona, go tla go a ka, go tla ngwana yo wa go ratega, Mark David yo monnyane. Gomme ke a mo neela, le mogolo wa kereke mo, go Wena, Leineng la Jesu Kriste, bakeng sa bophelo bja tirelo. E fe, Morena. Hwetša letago go tšwa bophelong bja gagwe. A nke a phele bophelo bjo botelele, ebile le go Tla mo ga Morena Jesu, ge seo se thabiša Wena. Gomme, ge go le bjalo, a nke a tle go rwala Molaetša wa Morena Modimo, ka go lebaka le le tlogo. E fe. Mmoloke a phelegile, a thabile, gomme a nke pelo ya gagwe ka mehla e dule godimo e dira dilo tše di lokilego, pele ga Modimo. Leineng la Jesu Kriste, re neela ngwana go Wena, ka kgafelo. Amene.

¹⁶ Modimo a go šegofatše. Modimo a go šegofatše, Kgaetšedi Collins, le mošemane yo mokaone yo, le wena Ngwanešu Collins. Modimo a be le wena.

Ba Tlišeng Ka Gare, rena bohle mmogo:

Ba tlišeng ka gare, ba tlišeng ka gare,
Ba tlišeng ka gare go tšwa mabaleng a sebe;
Ba tlišeng ka gare, ba tlišeng ka gare,
Tlišang ba bannyane go Jesu.

¹⁷ Ke rata seo. Le a bona, ba tliše go Kriste pele diabololo ebile a ka ba le sebaka. Ba šetše ba neetšwe go Yena nako yeo bakeng sa bophelo bja tirelo.

¹⁸ A go na le yo a tsebago ge eba lapa la Dauch, yo mongwe wa bona, o ile tlase lehono, goba aowa, Kgaetšedi Dauch? Ngwanešu Brown, a o mo, Ngwanešu Brown? Ee, ke thabile. Gomme mo . . . Ngwanešu Dauch o sa na le rena? Go a makatša! [Ngwanešu Tom Brown o swayaswaya ka seemo sa Ngwanešu William Dauch—Mor.] Ngwanešu Dauch o nyakile a re tlogetše. Le a bona, re ka se kgone go bolela bontši kudu goba go kgopela bontši kudu, o šetše a le mengwaga ye masomepedi tee go feta nako yeo Modimo a mmoditšego go phela. Yeo ke nako ya bophelo ya mehlang, go feta nako ye Modimo a mmoditšego gore a kgone go phela.

¹⁹ Eupša re bile le pitšo mosong wo mongwe, gore o be a—o be a ehwa, gomme re kitimetše godimo kua. Gomme Morena Modimo ka kgonthe o bile go loka go yena, o mmolokile. Feela, ke nagana o—o komana le go no leta go Tla ga Morena. Eupša, le a tseba, bohle re swarelela go rena seng. Re no . . . Moisa wa kgale o bjalo ka—boka papa go nna fa.

²⁰ Ke mo elelwa a dutše thwi tlase mo ka tabarenekeleng ya kgale, karolo ya kgale, ge a . . . Seetša sela se phadimile go kgabaganya, godimo ga kolobetšo yela ya meetse Leineng la Jesu Kriste, thwi go tšwa fao o tlile. Gomme e ka ba masomeseswai šupa goba masomeseswai seswai a mengwaga bogolo, godimo ga lepara, o tlile thwi godimo mo gomme o rile, “Ke nyaka go ya

thwi ka kua le go kolobetšwa.” Yo mongwe o ile gomme a mo hweletša diaparo. O be a ka se kgone go leta go fihla nako ya go latela; o be a swanetše go tla thwi nako yeo, thwi nako yeo. Kafao ke—ke rata seo.

²¹ O rile, letšatši le lengwe, ke be ke bolela le yena; o rile, “A o nagana ke gabotse bjale, Ngwanešu Branham?”

²² Ke rile, “A o kile wa ya go ngaka bakeng sa tlhahlobo ya mmele?”

O rile, “Ee, mohlomphegi.”

²³ Ke rile, “Ngaka o tla bea disetetosekoupou ka ditsebeng tša gagwe, gomme a di bea pelong ya gago, go bona ge eba pelo ya gago e rethetha gabotse; le motšhene wa pelo wa mohlagase, gomme morago kgatelelo ya madi, teko ya mohlapologo, le go ya pele, didirišwa, go hwetša fao go beng ga gago ga tlhago. Bjale, ka tsela ye a dirago seo, o lebelela morago go pu—pu puku fa, moo bomakgone go dithuto tše tša go fapana ba ngwalago fase, ‘Ge se se direga, se ke se e lego phošo.’”

²⁴ Gomme ke rile, “Bjale, setetosekoupou se nnoši ke nago le sona ke Beibele, o a bona, bakeng sa soulo.” Gomme ke rile, “Ke ya go go fa teko.” Ke rile, “Mokgethwa Johane 5:24, e rile, ‘Yo a kwago Mantšu a Ka.’” Ke rile, “Seo ga e no ba go dula le go Le theetša. Seo ke go Le amogela, o a bona, go Le amogela; o a Le dumela. Se sengwe ka gare ga gago se a go botša Ke nnete. O Le amogetše, o a Le dumela, Ke la gago. ‘Yo a kwago,’ Le šetše e le la gago, ‘Mantšu a Ka, gomme a dumela go Yena yoo a Nthomilego.’ A o dumela seo?”

O rile, “Ke a dira.”

²⁵ Ke rile, “Gona ke tla go botša se Ngaka Kgolo a se boletšego, ‘O fetile go tšwa lehung go ya Bophelong, gomme a ka se sa tla go lahlweng goba kahlolong.’” Ke rile, “Bokgole bjo ke tsebago, go ya ka Dipuku, o tšweletše tlhahlobong.”

²⁶ Mokgalabje yola, wa e ka ba mengwaga ye lekgolo bogolo, a se monna wa kereke le gatee; eupša feela lekga la mathomo Seetša sela se pekentše go kgabaganya tsela ya gagwe, o Se amogetše. Le bona peu yela e kgethetšwegopele e robotšego kua? Uh-huh. Ee, mohlomphegi. Le a bona, ka pela ge Seetša se e ratha, e tla Bophelong thwi ka pela.

²⁷ Bjale, ke a tseba go a fiša lehono, gomme nna, go lebega o ka re go bothata go nna go bitša lena batho mmogo bakeng sa tirelo moo le dutšego le pitlagane ka gare ka mokgwa wo. Eupša efela ke—ke naganne, ka mogau wa Modimo, gore ke tla ba le tirelo ye nngwe pele ke swanetše go le tlogela bohle; lebaka la sehla se sekopana, ke a tshepa.

²⁸ Gomme ke swanetše go ya bjale gosasa bošego, go Chicago, go thoma Laboraro. Ke naganne ke tla fihla fale ka pela gannyane, ge go kgonega, le go khutša gannyane pele ga

mathomo molokoloko wa tirelo. Gomme ke a dumela ba na le yona...Mo, ke be ke e lebeletše thwi mo. E—e kwalakwaditšwe godimo kua. E bitšwa Marengo. . . [Yo mongwe o re, “Marigold.”—Mor]. . .selete, ya, Marigold, Marigold, ya, selete, arena. Marigold Arena ke moo e swanetšego go swarwa, go thoma Laboraro bošego, go kgabola Lamorena. Gomme Full Gospel Business Men e na le difihlolo, gape, ka—ka Mokibelo mosong. Gomme ga ke tsebe feela tlwa moo ba hweditšego seo se kwalakwaditšwe, moo. Aowa. Ka gona Mokibelo mantšiboa ke ka Lane Tech. Ke bona mo e—e kwalakwaditšwe.

²⁹ Bjale, ge o le tikologong ka go lefelo lela, goba godimo kua, e tla ba ya tlwaelo, feela tirelo ya mehleng ya boebangedi boka re na le yona nako efe kapa efe. Melaetša ye mentšintši e tla ba motheong go se sengwe seo se rutilwego mo, gobane fa ke moo re dirago ditheipi tša rena, le a bona. Ntle kua ba ka kgona go nganga. Eupša ge ba hwetša ditheipi di dirilwe go tšwa mo, go tšwa go bona ge ba nyaka go theetša theipi e ka ba efe. E tla thwi go tšwa mo. Ye ke phuluphithi ya rena beng.

³⁰ Kafao ntle fale, ka mehla ke leka go topa go dikologa go se sengwe e sego go teba kudu, gobane bontši bja bona ga ba ne boitemogelo le se se tlogo ka gare. Eupša fa ke ikwela ke ne tokelo go bolela e ka ba eng Modimo a e beago pelong ya ka, go e bolela go tšwa thwi fa. Kafao ditheipi tša rena tšohle di dirilwe go tšwa thwi fa. Le a bona? Gomme ba thwi ka kamoreng kua bjale, le kgona go bona dihlogo tša bona godimo bokagodimo ga galase ya leru ka kua, moo ba dutšego le digatiši tša bona.

³¹ Bjale, gomme ge o nyaka go tla kopanong, re tla thaba kudu go ba le wena. Feela, ge o fihla kua, o sa tsebe feela mo o yago, gobaneng, e no kgokagana le e ka ba mang wa batho ba Full Gospel, goba—goba Ngwanešu Carlson, gomme o tla—o tla go botša gore ke. . .A ka kgona go go eletša, goba Philadelphia Church, goba ye nngwe ya tšona, di ka kgona go go botša thwi mोगwa wa go fihla lefelong.

³² Ka gona ke tla morago Mošupologo wo o latelago mantšiboa, nako ye nngwe, morago ga sekgalela goba mantšiboa. Gomme Labobedi re ya morago Arizona bakeng sa—bakeng sa go bea bana ka sekolong, le go ya pele. Gomme ka gona ga ke tsebe feela tlwa gore ke neng morago gape, ka baka la gore, Morena, ke nyaka A nketellepele feela ka seo ke se dirago.

³³ Selo sa go tlabo kudu se diregile. Le nna nka no. . . Ke a tseba ye e a gatišwa, gomme bokaone ke e bee godimo fa. Gomme thwi ge dipono le tlhahlo ya Moya wo Mokgethwa e sepela, ke rata go ratha feela tlwa ge O sa sepela. Yeo ke. . .Bjale, mo ngwageng wa go feta e bile e tee, thwi go bapa le ye nngwe ya nako ya godimodimo kudu bakeng sa dipono tšeo nkilego ka ba le tšona, ka go bodiredi bjohle bja ka, e bile ngwaga wo wa go feta, wa dilo

tše di diregilego, gore lena batho le a tseba gore e boleletšwepele pele e direga, gomme e diregile feela ka tsela ye e—e boletšego.

³⁴ Bjale, re tla morago mo, le—le go etela. Tlelaemete ka lefelong le, ka kgonthe ga ke e rate, gobane ke . . . go no ntetebanya ka pela ge ke fihla mo. Gomme ke no . . . Nka kgona go tshela ntlhora ya dithabana godimo kua le go tla tlase ka moeding wo, gomme ke mo e ka ba metsotso ye lesome gomme ke na le dišo, ke a babja. Boso, hlogo ya go thutha, se sengwe le se sengwe se lebega go ba sepoko, leswiswi, gomme ke—ke no swanela go tšwela ka ntle ga yona. Le a bona? Gomme letšatši le lengwe ke be ke bolela le mosadimogatša . . .

³⁵ Eupša se se ntlīšago ka gare, pele, se se ntlīšago ka fa, ke lena batho, le a bona, kereke ye. Ke a le botša, go mafelo ohle nkilego ka ya bophelong bja ka, le ke lefelo la ka la go ratega go tla go rera Ebangedi. Gomme go lebega o ka re re ka dira theipi go tšwa mo ye e lego makga a lesome bokaonana go feta e ka ba kae gape. Le a bona? Le a bona, ke ka baka leo ke rego, “Moo Modimo a dirago se sengwe, gona dula thwi le seo.” Eupša ke a nagana, moo selo se segolo se lego, seo e bile nna ke palelwa go ya ntle ka nako ya pele ge A mpiditše, gomme kagona O e dira mohuta wa makgwakgwa go nna ge ke tsena. Go obamela go kaone go phala sehlabelo.

³⁶ Gomme ka gona ke tla be ke etla morago le pele, nako yohle, ke rera ka tabarenekeleng. Gomme lena batho ba le tšwago ka ntle ga toropo, le tla tsebišwa. Billy Paul o tla ba mo, thwi ka ofising, gomme—gomme a ka kgona go fihlelelwa nako efe kapa efe, ka yena. Gomme re tla be re etla morago mo, swarang. . . Gomme ka gona Diphala-fala tše Šupa di tla godimo thwi, Morena ge a rata, Dikotlo tše Šupa tša Mafelelo, le Meruswi, le go ya pele, feela bjalo ka ge re kgona, go hwetša boso bjo bonnyane bja go folafodi, mohlomongwe, goba se sengwe, go le bjalo Morena o a hlahla.

³⁷ Gomme bjale, letšatši le lengwe, go tlang ka gare, go bile le potšišo e ntšhitšwe mabapi le se sengwe, ka ga yo mongwe a mphile tše—tše tšeke, gomme e rile “ka sebele,” tlwa feela go nna, gomme nna ke nnoši, “motšhelo o lefetšwe, mahala,” se sengwe le se sengwe gape. Gabotse, re ile, gomme Billy o tsebile gore ke bile mohuta wa go hloka tšeke yeo, gomme ke . . .

³⁸ O ile le go botšiša baemedi ge eba re ka kgona go e kheša. O rile, “Gobaneng, ke modudi wa Amerika. Gobaneng a sa kgone go e kheša? Le a bona, e re, ‘motšhelo o lefetšwe,’ le se sengwe le se sengwe gape, ‘mahala.’ Modudi e ka ba mang a ka kgona go dira seo.”

³⁹ Kafao gona o ile a se kgone go kgotsofala ka seo, Billy, kafao o ya go akhaonthente wa setšhaba. O rile, “Gobaneng, ka kgonthe, a ka kheša yeo.” O rile, “Ke modudi wa United States.”

40 Kafao, gabotse, o be a sa kgone go nagana gabotse ka seo, kafao o leleditše Merle Miller, yeo ke hlogo ya—ya kopano ya motšhelo ka—ka Indianapolis kua, e be e le baemedi ba rena, gomme kafao Ice le Miller. Kafao, “Nnete, go lokile. Le a bona? Nnete, a ka kgona go ba le tšheke yeo. E—e—e dirilwe go yena, ‘moamogedi feela.’” Nka kgona, ke yo motee feela a ka go e amogela, go ya pele, gomme e ka se kgone go tempša ka sa rena . . .

41 Le a bona, ga ke kheše ditšheke. Seo ke se ba ntshwaretšego sona nako ye nngwe. Yo mongwe o tliša sehlopha sa ditšheke ka gare, gomme a re, “Mo, Ngwanešu Branham,” ka kopanong. Ke be ke tla re, “William Branham, William Branham . . .” Gabotse, mmušo o be o hlokomela tšohle tšeo, nako yohle. Gomme ke be ke di saena go nnamong gomme ke be ke lefa dikoloto ntle kua, eupša ba rile ke kolota motšhelo wa go efoga go yona yohle, go le bjalo, ditolara tše dikete tše makgolotharo. Kafao—kafao gona ke moo ngangano e tlilego.

42 Kafao gona ka pela ge ke bea tšheke ye ka gare, phaa, mo go tla moemedi thwi morago, o rile, “Re tla bula molato wa gagwe gape bjale.” Kafao e e dirile mohuta wa makgwakgwa.

43 Gomme Ngwanešu Lee Vayle a dutšego mo, ke a thanka ka moka go lokile go e bolela, re no . . . O be a tlile tlase, gomme Mobaptist yo mokaone yo wa go rutega mo o bile . . . Ke mo kolobeditše Leineng la Jesu Kriste, mo ka mogobeng letšatši le lengwe, Ngwanešu Lee Vayle. Gomme kafao ka kgonthe ke monna yo mokaone, ngwanešu ka go Kriste. O re reretše fa peleng, gomme wa go hlalefa go rutega kudu, gomme, ntle le seo, monna wa go hlahlwa ke Moya. Ge Seetša se phadimile go mo kgabaganya, o rile o lekile go tšhaba, eupša o be a no se kgone go e dira, kafao ke mo kolobeditše thwi fa mosong wo mongwe. Ga se a kgona go e kgotlelela gape, kafao re nno tla tlase fa le go apara diaparo tša rena le go ya ka gare, gomme a kolobetšwa Leineng la Jesu Kriste.

44 Gabotse, ke naganne, go beng gore o tšere dijo tše kaone tšela tša semoya, mohlomongwe go bolela gannyane nthatana re tla tšea dijo tsoko tša tlhago. Kafao re ya godimo go Blue Boar, gomme ra dula fase, re be re bolela, gomme taba ya tšwelela, “O dumelela bjang batho go bolela ka wena ka mokgwa wola?”

45 Bjale, Ngwanešu Vayle ke yo mongwe wa monna yo mokaonekaone nkilego ka mo tseba, eupša o “no ba ka pela gannyane kudu go seragi,” ka mehla ke mmoditše, o a tseba. Gomme kafao, yena, kafao ke rile . . . Ke a holofela seo se lokile, Ngwanešu Vayle. Kafao o . . . Ke rile, “O se fofe go tlemologa gateete. Dula tuu. Modimo ke Yena yoo a e dirago.”

46 O rile, “Aa, go ka no ba go lokile go wena,” o boletše—o boletše. Eupša, gabotse, o—o . . . ke a dumela ke—ke setswerere kudu go fihla seo e le se a bego a kopana le sona, batho bale ba

ditswerere ba bohlale; kafao o no tseba ka fao a e tšhollelago ka fale, gomme ga ba ne lefelo go ema. Yeo ke phetho.

47 Ka fao ka re, “Lebelela, Ngwanešu Vayle.” Re be re dutše ka Blue Boar. Ke rile, “Dafida, letšatši le lengwe, ka morago ga go ketolwa go tšwa teroneng ke morwa wa gagwe, o tšhabile teroneng, tlhanamelo, Israele e arogane, gomme Dafida o tlošitšwe teroneng ke morwa wa gagwe, gomme o be a etšwa ka toropongkgolo, a lla. Gomme mothaka yo a bego a sa rate molaetša wa gagwe wa letšatši la mafelelo, le a tseba; o be a sa iše felo ka yena; moisa yo monnyane wa kgale, mohuta wa go golofala, a eya mmogo fale, a dira metlae ka yena, gomme o tshwetše Dafida. Gomme mohlapešiši yola o khwamotše tšhoša yela, a re, ‘Ke tla tlogela hlogo ya mpša yela e dutše godimo ga gagwe, yola a tshwetšego kgoši ya ka?’ Dafida o rile, ‘Mo tlogele a nnoši. Morena o mmoditše go dira seo.’ Le a bona? A mo tshwela, a dira metlae ka yena, gomme a mo tshwela. O rile, ‘Morena o mmoditše go dira seo.’” Gabotse, re tseba kanegelo, ka fao e boilego morago. Ngwanešu Vayle o naganne seo se tšere bontši ka moka bja mogau go dira seo.

48 Kafao go se fete go tla morago le go tseba ofising, akhaontente wa setšhaba o leleditše Billy Paul le go mmošša ka se. Kafao Ngwanešu Vayle o ile godimo ntlong le nna. Ge ke sepeletše ka gare, ke rile go mosadimogatša . . . Botelele e ka ba nako ye nngwe morago ga sekgalela. Re ile ka kamoreng. Ke rile, “Ke na le se sengwe go go botša, Hani.”

49 Re sa tšwa go bolela pele ke tloga. O rile, “Bill, ke a tseba gore Modimo o go rometše ntle kua; bohle re tseba seo, eupša ga se A ke a go botša go tla morago. O rile . . . Bjale, ke moo ke tshwenyegago ka gona.”

50 Ke rile, “Gabotse, ke nagana ke bakeng sa gago le bana. Ga go kgathale go nna. Ke ya go Mo hlankela, Morena ge a rata, e ka ba kae ke yago.” Gomme kafao ke sepeletše morago, gomme ke mmoditše ka ga yona ka mokgwa wola. Kafao ke nno retologa go dikologa, ka bea kefa ya ka godimo.

51 Gomme yo mongwe o boletše se sengwe, ka, “Oo, mokgoboketšamotšhelo yo! Re swanetše go ya ntle . . .” Feela mohuta wa go sokaganya se sengwe boka seo.

52 Ke sa nagane ka se ke se boditšego Ngwanešu Vayle, ke rile, “Mo tlogele a nnoši. Mohlomongwe Morena o mmoditše go dira seo.”

53 Ga se ka feta go bolela seo, go fihla Seetša se phadimile lebotong le go ngwala go kgabaganya kua, Ngwanešu Vayle le mosadimogatša wa ka ba dutše kua, “Bowa morago Arizona.” Ka mangwalo a ngwadilwe go kgabaganya leboto, “Bowa morago Arizona.” Yeo ke nnete. Kafao ke ya fa, amene, morago Arizona.

54 Bjale, beke ye e bile beke ya ditšhegofatšo tše kgolo. Re bile le dipoledišanonyakišišo tša sephiri beke ye, tša batho ba ba

bego ba letile ge e sa le go tloga ka *Mahuto A Šupago*. Gomme ga ke belaele eupša ba bangwe ba bona, nnete, ba bileditšwe ka gare go tšwa ka ntle ga toropo, go kgabaganya setšhaba. Eupša mosong pele dipoledišanonyakišišo di thoma, ke dutše ka kamoreng, moya wo Mokgethwa o ntumeletše go ngwala tlwa se sengwe le se sengwe ba bego ba se tseba, se sengwe le se sengwe ba bego ba nyaka go se botšiša, go dikološa dipotšišo feela ka tsela ye ba nyakilego, le go ba botša ditoro tša bona le tlhathollo pele ba ka tsoge ba mpotša.

⁵⁵ Bjale, batho ba ka kamoreng mo, kua. Gomme ke tla ya pele le go ba dira ba bolele. Ba tla re, “Gabotse, Ngwanešu Branham, ke tla *bjalo le bjalo*.”

⁵⁶ Ke rile, “Bjale, elelwang, re kgobokane fa e sego bakeng sa kopanelo. Ga se ra tla mo go kopanela seng sa rena. Go na le potšišo ka monaganong wa gago, ka pelong ya gago, yeo—yeo o thetšitšwego ka go yona gomme ga o tsebe ke eng. Gomme mohlomongwe ke tla kgona, ka thušo ya Modimo, go e dira.”

⁵⁷ Ke rile, “Elelwang, kgošigadi ya Borwa e bile le dipotšišo tše itšego, le yona, ge a tlile go Salomo. Gomme Beibele e rile go be go se selo se utolotšwego goba go utagala go se Salomo a bego a sa kgone go se arabela.” Gomme ke rile, “Yo mogolwane go feta Salomo o fa. Le a bona? Yeo ke nnete. Morena Jesu o tshepišitše, ‘Kae kapa kae mo ba babedi goba ba bararo ba kgobokanego Leineng la Ka, fao Ke magareng ga bona. Gomme selo e ka ba sefe ba ka naganago ka sona, goba go hlologela, gomme—gomme ba tla kgopela, se tla fiwa go bona.’ Gomme bjale potšišo ya gago ke se sengwe o sa tsebego ka sona, se sengwe o sa tsebego mokgwa wa go batamela ka sona, se sengwe o sa tsebego o dire eng ka sona.”

⁵⁸ Gomme ke rile, “Gape, Lengwalo le boletše se, gore, ‘Barongwa ba Modimo ba dikaneditše bao ba Mmoifago,’ kafao ka go lefase le lengwe moo dikwi tše tlhano di sa kwagatšego.”

⁵⁹ Dikwi tše tlhano di no kgokagana le lefase le. Ge o be o se na maikutlo, o be o ka se kgone go kwa selo. Maikutlo a ka se be selo go wena; ao e tla ba lefase le lengwe. Ge o be o se ne pono, se o se lebelelago e be e tla ba lefase le lengwe, o be o ka se tsebe selo ka lona. Kafao dikwi tše tlhano tše ke selo se nnoši seo Modimo a re tlogeletšego sona.

⁶⁰ Bjale go na le se sengwe se bitšwago tumelo. Eupša ka tumelo o sepela godimo ga lelere, gomme mafelelong o ka kgona go fihla godimo kudu go fihla o phuleletša ka lefaseng le lengwe, e lego pono. Fao o ka kgona go bona.

⁶¹ Go no swana le ge o se wa ke wa tseba gore se e be e le eng o be o ikwela ka sekwi sa gago sa maikutlo, o sego wa ke wa se bona; morago mahlo a gago a bulega, o kgona go se bona. E tla ba sephiri sohle go motho yola yo a sa nkago a kgona go bona. E tla ba sephiri go yena, eupša efela yeo ke yona.

62 Gomme ka kua, Morena . . . Pele re fihla mo, go batho go tšwa go kgabaganya naga, mogohle, go tšwa leboa, borwa, bodikela, go tla ka gare bakeng sa dipoledišanonyakišišo tše. Gomme ka pela ge ba fetša go bolela, feela tlwa dipotšišo tše ba tla di botšišago, selo se ba tla botšišago ka sona, ke tla re, “Šetšang mo,” phagamela godimo, gomme fao go be go le seripa sa pampiri ka potšišo ye nngwe le ye nngwe, le go dikologa feela tlwa ka tsela ye ba e botšišitšego, a bego a eya go e botšiša, karabo ya bona tlase fa go potšišo ya bona, feela ka tsela ye e arabilwego. Morena ke yo mogolo. O tseba dilo tšohle. Eupša, efela, go ntšea e ka ba matšatši a mararo go tšwela ka ntle ga sekgalela seo, se e bego e le sona, go kgeilela fase mo go bjalo. Gomme bjale ke naganne go e hwetša, go le bjalo, pele re tloga.

63 Gomme fao go tsela ya maleba, tsela ya kgonthe ya, go motho ka motho. Bjale, fao go dilo tše di ka kgonago go bolelwa.

64 Gomme ge batho ba le mo, ba ba tsebago gore diphiri tša dipelo tše di utolotšwego, tšeo ka go felela di tla . . . Go tla šiiša; go tla hlola bosenyi, go tla dira yo mongwe go thunya yo mongwe, goba se sengwe, ge seo se ka utollwa thwi mo sefaleng ka mokgwa wo, phatlalatša, pele ga setšhaba. Se tla hlola molato wa go swarwa, le se sengwe le se sengwe gape, seo se tla . . .

65 Eupša ge le dutše mmogo ka mokgwa woo, Moya wo Mokgethwa, feela ba babedi ba lena mmogo. Eupša re kwešiša se, gore se ba mpotšišago ke sephiri. Ga ke bolele selo ka sona. Gomme se ke se bolelago go bona, go tšwa go bona ge eba ba nyaka go se bolela goba aowa. Le a bona? Eupša se swanetše go tsebja magareng ga rena, poledišanonyakišišo. Seo se tšea motho, ka nako, gomme a dutše fale go fihla se sengwe le se sengwe se iketlile ka go felela, le a bona, Moya wo Mokgethwa.

66 Gomme ka gona go nagana ka mogau, Moya wo Mokgethwa o mpotša tšohle ka yona, go yo mongwe le yo mongwe, mothalo wohle wa bona, pele ebile ba ka tsoge ba fihla mo; go kgabaganya naga, go tla, batho ba ke sego ka ke ka ba bona ka bophelong. Gomme ke a e ngwala gore ba tsebe, feela setlwaedi go ya ka dipotšišo ka tsela ye ba tla dirago, go e araba.

67 Ngwanešu yo motee o bile le dipotšišo ka peu ya sephente, tšeo ke sa hwetšgo go di araba feela tlwa, gobane seripa sa iri sa bona se sennyane se be se fedile. Ke a holofela gore o e hweditše gabotse, dikarabo go yona, mo lephepeng. Ke . . . O bile le yona e ngwadilwe, gomme ga se a fihla go dikarabo tšohle tša gagwe, kafao ke nno mo fa go ngwala morago, dikarabo godimo ga pampiri. Ge a se a dira, Billy Paul o na le yona. Ke a tseba monna o dutše mo; ke nno mo lebelela feela dinakwana di se kae tša go feta. Kafao ge a—ge a nyaka go hwetša seo, se ngwadilwe godimo ga ntsekana ya pampiri, dikarabo tša gago go potšišo ya gago.

68 Bjale, oo, Morena o lokile bjang! Ke a holofela yo mongwe le yo mongwe o ikwela gabotse. Uh-huh.

69 Gomme bjale a re elelweng, gomme bjale ge ke rapelela disakatuku tše, go gopola Ngwanešu Dauch. Ke ngwanešu yo bohlokwa, gomme re nyaka go mo gopola ka thapelo.

70 Gomme ke—ke bona Ngwanešu Ungren, eupša ga—ga ke kgone go bona Kgaetšedi Ungren kae kapa kae, ge eba o gabotse bjale. Ee, o dutše thwi ntle go tšwa go yena. Nnete. Ya. Ke thabile. Gobane re leleditšwe bošego bjo bongwe, ka go . . . feela taba ya tšhoganetšo ya gagwe le morwedi wa gagwe, Kgaetšedi . . . Ke . . . Motheoga, Motheoga. A kitima go tloga tseleng, gomme feela mogau wa Modimo, goba bobedi ba ka be ba pšhatlagantšwe diripana thwi fale. Gomme šeba ba tla thwi pele kerekeng, ba nametše setimela gomme ba tla pele.

71 Nka se tsoge ka le lebala bohle. Ke a le rata. Modimo o tseba seo. Ke—ke a le rata. Bjang, go kgabaganya naga, go kgabola boso bja go thelela!

72 Ge ke lebelela ngwanešu tsoko fa go tšwa Georgia, le Alabama, le mafelo a go fapana, le Tennessee, le go dikologa, moo ba otelago koloi ya bona go theoga tsela, moo aese, e thelelago, le morago le pele ka mokgwa woo, go tla mo bakeng sa tirelo e tee.

73 Ge ke bile le pitšo yela ya tšhoganetšo go Ngwanešu Dauch letšatši le lengwe, ga se ke lemoge gore Lima, Ohio, e be e le kgole kudu. Feela . . . Ke naganne yeo e be e le go tlola go gonnyane, go tshela, le go taboga. Eupša, nna, ke tlogile fa ka leselaphutiana ka kgonthe mosong wola, ga se ka tsoge ka fihla fale go fihla iri ya pele morago ga sekgalela sela, ke otlela se sengwe le se sengwe—se sengwe le se sengwe magomo a lebelo a tla se dumelelago, gomme go tselalephefo ya tlwaelo. Gomme ke nagana ka fao go lego kgauswi, go ya tlasetlase ka Borwa moo batho ba bangwe ba ba tšwago gona, ntlentle ka Leboa le Bodikela, moo ba tšwago.

74 Ke a le rata, gomme ke ka baka leo ke lekago go hlokofala wa lehu mo.

75 Gomme batala! Ke bona Ngwanešu Creech le bona ba dutše morago fale bjale, le bao ba bilego le nna mengwaga ye yohle le dilo, le ka fao re tlogo godimo mmogo. Ke be ke lebeletše seswantšho sa Mary Jo, ke a dumela e bile mašego a mmalwa a go feta. Feela selo se sennyane nthatana gannyane ge la mathomo re kopana, gomme bjale o nyetšwe, ke a thanka, gomme o ne bana. Ngwanešu Creech le Kgaetšedi Creech, baswa, hlogontsho, le Meda le nna, gomme ke rena ba re pududu le go kobama. Le a bona, go na le se sengwe ka batho boka bao, bao—bao ba go notasetšago. Le a bona, o—o—o nyaka go dula le bona. Le a bona? Go na le se sengwe gape seo—seo ka mehla se dirago monagano wa gago go gogela morago. Go no ba fa bakeng sa mehlala go ba bangwe bao ba lego fa. Baswa le batšofe, re lebeletše pele bakeng sa go Tla ga Morena.

⁷⁶ Kafao mosong wo ke e beile. . . Modimo, ke a dumela, o e beile ka pelong ya ka go ruta thuto ya sekolo sa Lamorena fa mosong wo, Modimo ge a rata, bakeng sa nako ye telele. Ke. . . Gomme bjale, ye e le tirelo ya ka ya mafelelo lebakana le lennyane, bokgole bjo ke tsebago, bo. . .

⁷⁷ Gomme ke nyaka le elelwe gore Ngwanešu Neville fa, o tlogetšwe ka kerekeng, go laola tabarenekele ye, ka tlase ga Moya wo Mokgethwa, gore o tlogetšwe fa, gomme o dumela Molaetša wo le—le go O ruta feela go swana le ge ke dira. Nnete. Gomme nako efe kapa efe o nyakago, o ka bona go swanetše go tla go kwa Ngwanešu Neville, ka kgonthe o tla go dira gabotse, ke ne kgonthe. Ke mohlanka yo mogolo wa Jesu Kriste.

⁷⁸ Ke tsebile Orman Neville ge e sa le ke le mošemane yo monnyane, gomme ga se a fetoga tshetlana e tee, o nno tla kgauswana le Modimo. Ke elelwa ge la mathomo ke mmone go. . . Ke ile ka laletšwa go sefala sa gagwe sa Methodist. Gomme ge ke etla morago mo tabarenekeleng, ke rile, “Letšatši le lengwe, ke tla mo kolobetša Leineng la Jesu Kriste.” Gomme šo yena ka Molaetša bjale, o ya pele, mohlanka yo bogale ka kgonthe.

⁷⁹ Gomme Ngwanešu Neville o ya go kgabola dikgatelelo tše ntši le mahloko a pelo, gore ga a e laetše mo ka tabarenekeleng. Eupša ka gore Morena o ntumelela go ba le pono ye nnyane ka bophelong bja batho, ke tseba se a yago go se kgabola; bontši ka moka bja sona, le a bona. Gomme ka kgonthe o ya ka tlase ga bontši bja katano ya dikgatelelo, le dilo. Gomme lena, lena batho mo, mo swareng godimo boka Joshua le Kalebe ba išitše diatla tša Moshe godimo, ge a tliša Lentšu.

⁸⁰ Ratanang seng, ka godimo ga se sengwe le se sengwe. Ratanang seng. Le se ke. . . Ga go kgathale se diabolo a lekago go se bolela! Bjale bohle le sehlopha se tee se segolo se sebose bjale, eupša elelwang tshebotšo ya ka, le a bona, Sathane a ka se dumelele seo go dula ka tsela yeo. Aowa, mohlomphegi. O tla thunya se sengwe le se sengwe, ge a swanetše go tliša yo mongwe ka gare go mo dira senepša sa gagwe. O tla tliša moswasalatši yo mongwe goba mosedumele ka gare, gomme a mmea fase, le go mo dira go kopanela le lena ka tlase ga setu le dilo, gomme morago o tla thunya mothaka yoo ka mohuta wa dilo tša mpholo, gomme o tla thoma go kgabola kereke ka yona. Le se ke la tšea lehlakore le yona. Le se be le selo go dira le e ka ba eng gape. Le dula thwi le ratana le bose le botho go lena seng. Rapedišang monna yola, gore a phološwe le yena, goba mosadi yola, goba e ka ba mang a lego, nno ba rapedišang. Gomme gomarelanang seng.

⁸¹ Gomme dulang le modiša wa lena. Le a bona, yena ke modiši, gomme le mo feng ditlhompho. O tla le etapele go kgabola, gomme, gobane o beilwe ke Modimo go dira bjalo.

⁸² Bjale a le elelwa seo? [Phuthego e re, “Amene.”—Mor.] Lenaba le tla tla. Gomme ge a dira, nno kgomarelanang

kgauswiuswi kudu mmogo. Gomme yo diabolo a mo šomišago bakeng sa lenaba o tla tšwela ntle goba go tla ka gare le go ba yo mongwe wa lena. Yeo ke phetho.

⁸³ Le se tsoge la ba dihlotswana magareng ga . . . goba—goba go bolela, go itira dihlotswana lenaseng. Re batee. Nka se kgone go re, “Seatla sa ngele, ke—ke go befeletše, ke ya go go tloša gobane ga o seatla se setona.” Ke seatla sa ka sa ngele. Ke nyaka se dule fale. Ebile le ntlhana ye nnyane ya monwana wa ka, ke nyaka e dula thwi fale, karolo ye nngwe le ye nngwe ye nnyane ya mmele wa ka e dule thwi fale. Gomme Modimo o a re nyaka, bjalo ka mmele wa badumedi, go dula thwi tlwa seng sa rena, thwi go rena seng.

⁸⁴ Gomme bjale le na le ditheipi go seo. Le na le ditheipi go se re se dumelago. Le na le ditheipi go boitshwaro ka kerekeng, ka fao re itshwarago renabeng ka kerekeng ya Modimo, ka fao re swanetšego go tla mo mmogo le go dula mmogo ka mafelong a Magodimong. O se ke wa dula gae. Ge Modimo a le ka pelong ya gago, o ka se kgone le go letela wona mabati go bulega ntle mošola, go tsena ka fa go kopanela le banešu. Ge o sa—o sa ikwele ka tsela yeo, gona ke a go botša, ke nako ye o swanetšego go rapela.

⁸⁵ Gobane, re ka matšatšing a mafelelo, moo Beibele e phagamilego, goba, e re hlohleleditšego go—go, “Bontši kudu ge re bona letšatši lela le batamela,” go ratana seng ka lerato la Bokriste le lerato Kgethwa, “go kgobokana renabeng mmogo ka mafelong a Magodimong le—le—le Kriste Jesu,” le go ratana seng. “Se batho bohle ba tla tsebago le barutiwa ba Ka, ge le ratana seng.” Yeo ke nnete. Dulang thwi mmogo.

⁸⁶ Ge ngwanešu, o nagana o phošo gannyane, goba kgaetšedi, e re, “Morena, o se tsoge wa ntesa ka tsoge ka ba le modu wa kgalako o tabogela godimo, gobane o tla—o tla mo ama, gomme o tla tloša Kriste thwi go tšwa bophelong bja ka.” Diesiti tšela tša mpholo tša kgalako, le mona, le lehloyo, tšeo di tla no tšea Moya wo Mokgethwa thwi go tloga go lena. Go tla Mo raka go tloga tabarenekeleng fa. Go tla bolaya Moya wa Modimo, goba go O rakela kgole go tloga fa, go gobatša modiša wa lena. Go tla dira se sengwe le se sengwe. Le a bona? Le se ke la dira seo.

⁸⁷ Lena no kgomaganang bokgauswana bjoo mmogo kudu. Gogelang godimo . . . Tšeang lepanta, bjalo ka ge ngwanešu a pakile, modiredi fa bošegong bjo bongwe, ka go ba le tšhasepere, go e bona ka ponong. Feela, ditšhasepere tšela godimo ga tlhamo yohle ya Modimo. E no mo gogela pele, swinella godimo, sepelelang thwi godimo kgauswi seng sa lena. Ratanang seng sa lena, go le bjalo. Bolelanang gabotse seng, bolelang dilo tše botse ka lena seng, gomme morago Modimo o tla le šegofatša.

⁸⁸ Bjale mosong wo, Morena ge a rata, ka thušo le mogau wa Gagwe, ke na le sehlopha sa dipotšišo tše ntši mo, tša Mangwalo,

a ke re. Gomme bjale pele re Le batamela. . . Ke a nagana ke kwele bagatiši ba kwatlametša ka kua. Re ya go tliša Molaetša bjale, ka mogau wa Modimo.

Pele, lentšu la thapelo.

⁸⁹ Morena Jesu, go bolela le mmele wo wa Kereke, gore ba swanetše go swara mmogo ka seatla sa Modimo sa go se fetoge, Gomangkanna ya bona, Lentšu; go ba sebotša, bjalo ka ge Paulo a seboditše mohlape wa gagwe, gore, “go tla ba diphiri tše di tlogo go tsena ka gare.” O Modimo wa go swana lehono bjalo ka ge O bile nako yela, gomme lenaba lela le a swana. A nke kopanelo ye le ditlemo tša lerato ka mehla di phele magareng ga batho ba, ka go Kriste Jesu.

⁹⁰ Thuša, mosong wo, Morena, ge re bala Lentšu. A nke Moya wo Mokgethwa o Le utolle go rena, gore Kereke e ke e hlongwe ka botlalo ka go “Tumelo yeo e kilego ya fiwa bakgethwa,” go ba swara. Gomme a nke, bjalo ka ge O file pono mengwaga ye mengwe ye mebedi ya go feta, “go boloka Dijo,” tše kaone, merogo ya go lebega go phelega ye ke e bonego ka ponong, e bolokwa mo ka tabarenekeleng ye, a nke rena lehono re amogele seroto se se tletšego Tšeo (E fe, Morena.), goba, morwalo wa theipi: gore Le tla utolla Jesu Kriste go rena ka iring ye re phelago, go re fa maatla a go swarelela, maatla a semoya bakeng sa mošomo woo o letšego pele. E fe, Tate.

⁹¹ Šegofatša ba, bana ba Gago. Ba ka mo mosong wo go tšwa dikarolong tše ntši tša go fapana tša setšhaba. Wa go fiša, moso wa go hlaba, eupša efela re ikwela Bogona bja Moya wo Mokgethwa, ka go sohle se.

⁹² Re nagana ka John Wesley, le Calvin, le Sankey, le Knox, Finney, le ba bantši ba bale, ebile ntle le sefehlamoya sa mohlagase, moo batho ba dutšego ka diholong, le mphufutšo o kitima go theoga difahlego tša bona. Basadi, ba apešitšwe gabotse le go apara, ba dutše ka go batheeletši le go tšwa sethito go fihla diaparo tša bona di kolobile, ba theeditše Lentšu la Modimo, ba fepa disoulo tša bona. Bjale, re a ikwela, Morena, gore ba khutšong felotsoko mošola, ba letile go Tla ga Morena.

⁹³ Re boloke mmogo, Tate. A nke Moya wo Mokgethwa o re hlahle le go re šupetša. Re fe bophelo bjo botelele bja tirelo go Wena. Re fe Molaetša wo mogolo wo mosong wo gore re letetše go tšwa go Lentšu la Gago, gore Le ye go pelo ye nngwe le ye nngwe. Dira dipounama tše di bolelago, Morena, di bolele Therešo. Dira pelo ye e kwago e none go amogela Therešo, gomme a nke Le gole ka go mehlare ye megolo ya Bophelo bjo Bosafelego, go ba dietša tše di phadimago le diepistola tša go balwa ke batho bohle; ba ke ba tsebe gore Jesu Kriste o tsogile go tšwa bahung gomme o phela magareng ga rena. Re dire re tlale lerato kudu le kenywa ya Moya go fihla banna le basadi ba bangwe, bašemane le basetsana ba kgona go bona dipoelo tša Bophelo bja Kriste di sa phela ka

go rena, ka morago ga mengwaga ye dikete tše pedi go tloga go tiragalo ye kgolo. E fe, Tate, go hlompha Wena. Re kgopela Leineng la Jesu Kriste. Amene.

⁹⁴ Bjale ke nyaka go bala a mangwe go tšwa Mangwalong. Gomme ke a tshepa bjale gore le na le diphensele le dipampiri tša lena, le se sengwe le se sengwe, komana.

⁹⁵ Gomme, Ngwanešu Neville, o dutše tuu. Ke ya go no apola jase ya ka. Yeo ke . . . [Ngwanešu Neville o re, "Seo se lokile. Amene."—Mor.] Ke . . . Ntshwareleng go apoleng jase ya ka, eupša go—go borutho gampe godimo mo.

⁹⁶ Bjale ke nyaka le phetle go Puku ya Bakolose, tema ya 1 ya Bakolose. Gomme ka gona ge re bala ye, go thoma ka . . . Ke nyaka lena, ge le eya gae, go bala tema yohle ya Bakolose ba. Eupša ke nyaka le bale mosong wo, le nna, go tloga go temana ya 15, ya 29, go akaretša.

⁹⁷ Gomme bjale e nong go kgotlelela ka mo le kgonago, ka gore ke ikwela gore ka go se mo, ge Modimo a ka nthuša, go tla utolla le go tliša ka monaganong wa lena dilo tšohle tše dingwe tše tšeo ke boletšego ka tšona gohle go kgabola matšatši a tabarenekele; gobaneng ke boletše se ke se boletšego, gomme gobaneng ke dirile se ke se dirilego. Se ke gobaneng.

⁹⁸ Bjale go tloga go temana ya 15.

Yo e lego seswantšho sa Modimo yo a sa bonwego, leitšibolo la sebopiwa se sengwe le se sengwe:

Ka gore dilo tšohle di hlotšwe ke yena, tšeo di lego legodimong, le tšeo di lego lefaseng, tša go bonwa . . . tša go se bonwe, ge eba ke diterone, . . . ditaolo, . . . mebušo, . . . maatla: dilo tšohle di hlotšwe ke yena, le bakeng sa gagwe:

Gomme o pele ga dilo tšohle, gomme dilo tšohle di gona ka yena.

Gomme yena ke hlogo ya mmele, kereke: yo a lego mathomo, leitšibolo go tšwa bahung; gore ka go dilo tšohle a be wa pele.

Ka gore go kgahlile Tate gore ka go yena go be botlalo bjohle go dula—go dule botlalo bjohle;

⁹⁹ A nke ke bee kgatelelo ye nnyane go yeo gape, temana ye ya 19.

Ka gore go kgahlile Tate gore ka go yena go dule botlalo bjohle;

Gomme, go direng khutšo ka madi a sefapano sa gagwe, ka yena go boelanya dilo tšohle go yenamong; ka yena, ke re, ge eba ke dilo lefaseng, goba dilo legodimong.

Šetšang moo poelano yela e ilego.

Gomme lena, bao dinako tše dingwe le bego le arogane le manaba ka monaganong wa lena ka mediro ye mebe, lena bjale o le boelantše

Ka mmeleng wa nama ya gagwe ka lehu, go le neela le le ba bakgethwa . . . ba go se solege . . . ba amogelegago pele ga gagwe:

Ge le tšwelapele ka tumelo le tsemilwe le go dudišega, gomme le sa šuthe go tloga go kholofelo ya ebangedi, ye le e kwelego, gomme ye e reretšwego sebopša se sengwe le se sengwe se lego ka tlase ga legodimo; yeo nna Paulo ke dirilwego modiredi;

Yo bjale ke hlalalago ka go metlhako ya ka go lena, le go tlatša godimo seo se tlemilwego . . . ka morago ga marato a Kriste ka . . . nama bakeng sa mmele wa gagwe, e lego kereke:

Kafao ke dirilwe modiredi, go ya ka lebaka la Modimo bjo ke bo filwego bakeng sa lena, go phethagatša lentšu la Modimo;

Sona sephiri se se bego se utilwe go tloga lebakeng le go tloga go meloko, eupša bjale se dirwa go bonagala go bakgethwa ba gagwe:

100 Gomme ke nyaka go bala temana yela gape.

Sona sephiri se se bego se utilwe go tloga go mabaka le go tloga go meloko, eupša bjale se dirwa go bonagala go bakgethwa ba gagwe:

Go bona Modimo a tla tsebišago se mahumo a letago la sephiri se e lego magareng ga Bantle; e lego Kriste ka go lena, kholofelo ya letago:

Yo re mo rerago, re sebotša motho yo mongwe le yo mongwe, le go ruta motho yo mongwe le yo mongwe ka bohle bjohle; gore re ke re neele motho yo mongwe le yo mongwe a phethagetše ka go Kriste Jesu:

Kafao le nna ke katanago, ke katana go ya ka mediro, ye e šomago ka go nna ka maatla.

101 Bjale bakeng sa sehlogo ke nyaka go tšea go tšwa fale, se bakeng sa sehlogo, go se theeng godimo ga Beibele ka moka, eupša ke nyaka re thaetlele ye: *Kriste Ke Sephiri Sa Modimo Se Se Utollotšwego*. Kriste e le sephiri sa Modimo se utolotšwe! Bjale, ke e tšere bjalo ka thuto ya sekolo sa Lamorena, gore bohle re kgone go bala mmogo le—le go ba le kopanelo ye mmogo.

102 Bjale, sephiri sa Modimo sa sephiri, O bile le sona pele lefase le thoma. Bjale, morago ka go karolo ya morago ya monagano wa Modimo, go be go le se sengwe seo A bego a leka gomme o be a eya go se fihlelela, gomme O bile le maikaelelo go se direng, gore a itire Yenamong go hlagišwa. Gobane, sa pele, e bile go be go se

ngwedi, naledi, athomo, molekule, goba e ka ba eng. O be a le Modimo. Eupša Yena tlwa o be a se Modimo ka nako yeo, gobane *Modimo* ke “selo sa go rapelwa,” gomme go be go se selo go Mo rapela.

¹⁰³ Kafao, ka monaganong wa Gagwe wo mogolo, O nyakile ditholanakgopolo tše go hlagošwa. Gomme ka go Yena go be go le lerato; ka go Yena go be go le go ba Tate; ka go Yena go be go le go ba Morwa; ka go Yena go be go le go ba Mophološi; ka go Yena go be go le go ba Mofodiši. Gomme ka moka ditholanakgopolo tše kgolo tše re di bonago di šetše di hlagošitšwe, di be di le ka go Modimo.

¹⁰⁴ Kafao, kgopolo ya ka, selo sa pele A se dirilego e bile Barongwa. Gomme morago ba Mo rapetše, gomme seo se Mo dirile “Modimo.” Gomme O thomile go tloga fao. Bjalo ka go Melaetša ya go feta ke lekile go e hlaloša, go e ripaganya. Gomme bjale, nako yeo, ge Barongwa ba thoma go Mo rapela, e be e le pele ga ge go be go ka ba molekule lefaseng. Go be go se selo. Go be go le leswiswi gohle. Go be go se letšatši, goba go se ngwedi, go se dinaledi, go se selo, nako yeo O be a le Modimo. Bjalo ka ge A botšišitše Jobo, “O be o le kae ge Ke bea metheo ya lefase,” le a bona, “ge dinaledi tša moso di opela mmogo, barwa ba Modimo ba goelela ka lethabo?” Le a bona? “Bjale, o be o le kae?” Le a bona? Yeo e be e le moragorago pele ga lefase.

¹⁰⁵ Bjale, Modimo o bile le morero le sephiri se se utilwego. Gomme seo ke se ke nyakago go bolela ka sona go Kereke mosong wo, sephiri se se utilwego sa Modimo seo A bilego le sona ka monaganong wa Gagwe pele lefase le ka tsoge la thoma, le ka fao gore se itatolla ka bosona thwi tlase go iri ye ya bjale ye re phelago ka go yona. Le a bona? Gona le tla kwešiša ka go hlaka nako yeo, le a bona, pele, ke a dumela, se se dirilwego.

¹⁰⁶ Sephiri se segolo sa Modimo, sa ka fao, ke sephiri. O se bolokile e le sephiri. Ga go yo a tsebilego selo ka sona. Ebile le Barongwa ga se ba se kwešiša. Le a bona, ga se A se utolla. Ke ka lebaka leo, ka tlase ga sephiri sa rena sa bošupa, ge Lehuto la Bošupa le butšwe, go be go le setu. Jesu, ge A be a le lefaseng, ba nyakile go tseba O be a tla tla neng. O rile, “Ga se. . . Ebile le Morwa Yenamong ga a tsebe e ya go direga neng.” Le a bona, Modimo o na le sohle se go Yenamong. Ke sephiri. Gomme ke ka baka leo go bego go le setu Legodimong lebaka la sekgala sa seripa sa iri, gomme medumo ye šupa e kwatšša digalontšu tša yona, gomme Johane ebile o be a ileditšwe go e ngwala, le a bona, go Tla ga Morena. Seo ke selo se tee A sego a be a se utolla le bjale, ka fao A tlogo, le O tla tla neng. Ke selo se sebotse gore ga A dire. Aowa.

¹⁰⁷ O laeditše goba o se utolotše ka go sekai se sengwe le le se sengwe se se lego ka Beibeleng. Kagona, Beibele ka moka ke kutollo ya sephiri sa Modimo ka go Kriste. Hmm! Beibele ka

moka ke tlhagišo ya nepo e tee yeo Modimo a bilego le yona, morero o tee A nyakilego go o fihlelela ka go Beibele ka moka. Gomme ditiro tšohle tša—tša badumedi ka Beibeleng di bile ka sekai, go hlagiša se nepo ye kgolo ya Modimo e lego, gomme bjale ka go letšatši le la mafelelo O e utolotše le go e bontšha. Gomme thušo ya Modimo, re tla e bona thwi fa mosong wo, se Morena a bilego le sona ka monaganong wa Gagwe gohle go bapa, gomme o se hlagišitše.

¹⁰⁸ Kagona, le kgona go bona tlhaloso ye kgolo ya se se bilego go tseba se, gomme morago gwa lekwa go se tliša go batho. Le a bona? Gomme ka gona ga o . . . Ga se ka ya ka botlalo go leka go Se hlaloša bjalo ka ge Modimo a se utolotše go nna.

¹⁰⁹ Bjale, ge le nyaka go maraka se. Ke na le mafelo a mantši ke nyakago go bala go tšwa go wona. Gomme bjale ka go—ka go Puku ya Mokgethwa Luka, tema ya 24 ya Mokgethwa Luka, re hwetša gore ke . . . Ke ba babedi ba baapostola mo tseleng go ya Emause. Gomme Jesu o gatetše ntle, ka morago ga tsogo ya Gagwe, gomme ba be ba le tseleng ya bona—ya bona go ya godimo Emause, ba eya go bapa le tsela, ba nagana le go bolela, le go lla, ka baka la lehu la Gagwe—la Gagwe, le ka fao ba Mmonego a tlaišega ka se ba bego ba se gopola e be e se boleng le gatee; ba tšere Morena wa bona gomme ba Mmapotše. Gomme—gomme ba be ba eya mmogo kua, ba lla.

¹¹⁰ Gomme O gatetše ntle go tšwa lehlakoreng la tsela le go thoma go bolela le bona ka Kriste. O rile, “Oo, mašilo le ba go tšwafa go kwešiša. A ga le tsebe gore baprofeta bohle le Dipesaleme . . .” Le a bona, O be a dira eng? A itsebiša Yenamong go baapostola ba, gore baprofeta bohle ba, le Dipesaleme tšohle, le se sengwe le se sengwe, e be e le Yena, a hlagišitšwe. Le a bona?

¹¹¹ Gomme bjale lebaka ke sa nkago ka tšea go rera mosong wo, e bile ka gobane, ke naganne, go ruteng, re tla e kwešiša bokaonana go feta go no tšea sehlogo le go tabogela godimo ga sona. Re tla no e ruta.

¹¹² Bjale, O be a bolela gore Dipesaleme tšohle le baprofeta bohle ba boletše ka Yena. Gabotse, fao, kagona, seo se bontšha gore Testamente ya Kgale yohle, Testamente ye Mpsha yohle, le Dipesaleme tšohle, moopelo, dipina tšeo di opetšwego, di opetšwe ka Yena.

¹¹³ Tšeang Pesaleme ya 22, gomme le e opeleng, gomme le e bapetše le moso wa papolo. Le a bona, “Modimo wa Ka, Modimo wa Ka, gobaneng O Ntlogetše? Marapo a Ka ohle, a Ntsepetše. Ba hlabile maoto a Ka le diatla tša Ka.” Efela, dilo tšela tšohle fale, bona ba opela Pesaleme yela tlase fale ka tempeleng, le go bapola yena Yena. Le a bona? Le a bona, baetapele ba bagolo bale ba bodumedi, banna bale ba bagolo, barutiši bale ba bagolo, gomme efela ba fougaditšwe kudu, bao ba bego ba bala baprofeta

gomme ba be ba opela dipina, le go dira bosenyi bjo ba rilego ba tla bo dira.

Selo sa go swana se a direga mosong wo!

114 Bjale theetšang sekgauswi, gobane. . . Bjale ebile ga ke ye go bea šedi e ka ba efe go se sešupanako sela se se boletago. Ke nyaka gore le hwetše se. Le a bona? Ke nyaka lena, le se hwetše. Le a bona? [Phuthego e a hlalala gomme e re, “Amene.”—Mor.]

115 Kafao le kgona go bona fa, motheong, mo mathomong, wona monagano wo Modimo a bilego le wona ka monaganong wa Gagwe, O o utile go dirutegi tšela tšohle. Gomme. . . Feela palo, palo ye e hlaotšwego e kgethetšwegopele, batho ba ba kgethetšwegopele, e bile bona ba nnoši bao ba se kwelego. Gomme bjale phetlang morago Lengwalo tlase go kgabola lebaka la baprofeta, gomme le bone ge eba e be e se selo sa go swana. Le a bona?

116 Bjale, gomme Jesu fa a ba šupetša go baprofeta le Dipesaleme, O rile bohle ba boletše ka Yena. Le a bona? Gomme fa barutiši ba ba Bajuda, borabi, dingaka tša molao, diprofesa, ba dirile tlwa boka ba dirile pele.

117 Bjale hlokomelang, gape, O rile, “Phetlang Mangwalo, ka gore Ke Wona a pakago ka Nna.” Phetlang Mangwalo, Mangwalo, Mangwalo ka moka. Ke leka go dira eng? Go le bontšha gore Beibele ye ke selo seo se nepilego.

118 Letšatši le lengwe, ke eme ka kamoreng ya sepetlele, ke bolela, kgaetšedi o nkgopetše go hlaloša ka dikerekemaina, gobaneng re be re le—re be re le kgahlanong le dikerekemaina, le batho tsoko ba kerekeleina.

119 Le a bona, e swanetše go tla morago go Lentšu, gobane Lentšu ke Modimo. Le a bona? Gomme Jesu a bega go swana mo, gore Lentšu ke Yena. O ka se kgone go dira Lengwalo go ikganetša ka Bolona. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme, Lentšu, le dirilwe nama!” Le a bona?

120 Bjale mo O re, “Phetlang Mangwalo, A paka ka Nna. Ka go Wona le nagana gore le na le Bophelo bjo Bosafelego,” gomme seo ke therešo, “gomme Ke Wona a beago bohlatse ka Nna. Gomme Ke bea bohlatse bja Wona. Gomme ge Ke sa dire mediro ye e tshepišitšwego gore Ke tla e dira, gona le se Nkwe. Eupša ge Ke dira mediro, gomme le ka se kgone go Ntumela, dumelang mediro, gobane e paka gore Yena ke Lentšu.” Oo, go lebega o ka re e ka se kgone go ba pepeneneng ye e itšego. Le a bona? Go lokile. Bjale, “Phetlang Mangwalo.” O rile Moshe le melao yohle, le go ya pele, le baprofeta, le Dipesaleme, ba boletše ka Yena. Gomme, gape, O rile Mangwalo a paka ka Yena.

121 Yena ke kgwegkgweggolo ya Beibele ka moka. Ge o bala Beibele, gomme o sa bone Kriste ka go temana ye nngwe le ye

nngwe ya Yona, eya morago gomme o E bale gape. Le a bona? Ge o sa kgone go bona Kriste ka go temana ye nngwe le ye nngwe ya Beibele, gona o E bala gape, gobane o fošitše se sengwe. Beibele ke Kriste. Yena ke Lentšu. Ge o bala, “Mathomong Modimo o hlotše,” Kriste šole. Le a bona? Se sengwe le se sengwe. . . Go tloga go seo, go ya go “Amene” ka go Kutollo, ke Lentšu le lengwe le le lengwe le paka ka Jesu Kriste.

¹²² Ke ka baka leo dipuku tše di okeditšwego tšeo ba di bitšago *Puku ya Bobedi ya Daniele*, le pu—pu *Puku ya Maccabees*, di oketša phekathori le dilo boka tšeo, le a bona, ga se e bolelwe ka Lengwalong. Le a bona? Ga e be morero le ka moka ga Yona. Ga go lefelo la go bea phekathori ka kua. Ga go na lefelo go bea poelano ya bakgethwa, le dilo. Ga go na lefelo ka fale bakeng sa seo. Ga go lefelo la kerekeleina. Ga go lefelo la—la dithutotumelo ka ntle ga—ga Beibele. Le a bona? Kafao ge le bona dilo tšela, di—di no se tle ka seswantšhong. Gomme ke ka baka leo batho ba okeditšego tšeo, gomme ba na le mararankodi a bona—a bona—a bona a saga ohle a hlakahlakane. Le a bona? Ga ba kgone go e lokiša, “go swana maabane, lehono, le go ya go ile.”

¹²³ Eupša, ge selo se beilwe mmogo gabotse, go na le seswantšho ka moka sa go wa le mpshafatšo. Seswantšho ka moka sa tlhologo, gomme polane ka moka ya Modimo e utolotšwe thwi ka go Jesu Kriste. Amene! Seo ke seswantšho sohle se dutše mmogo, mothalo le khona ye nngwe le ye nngwe ye nnyane. Go no swana le. . . Bjale, ga ke re go nyefola ka se, eupša go no swana le go bea mararankodi a saga mmogo.

¹²⁴ Ke ka baka leo re nago le diswantšho lehono tše di lebegago go šiiša. O re, “Re badumedi,” gomme kgomo e fula bjang godimo ntlhoreng ya mohlare. Ga e šome. Moo ke ge ba re, “Ya, O ka tšela ye nngwe le ye nngwe, eupša feela ya ye e itšego. . . O a swana maabane, lehono, le go ya go ile, tšohle eupša selo se rilego.” Le a bona? Gona o senya seswantšho sa gago.

¹²⁵ Beibele e rile O a swana! Mokgethwa Johane 5, goba Mokgethwa Johane 14:12, O rile, “Yena,” yena, mang kapa mang, “yo a dumelago go Nna, mediro ye Ke e dirago o tla e dira le yena.”

“Gabotse, yeo e be e le ya lebaka le lengwe.”

¹²⁶ Fao o na le seswantšho sa gago sa phošo gape. O na le monna a thea dihlapo ntle ka leganateng, bakeng sa hlapi, ka go sehlopha sa lešabašaba la go fiša mo go sego hlapi. Le a bona? Le a bona, o swanetše go mo tliša morago moo a theago dihlapo, ka Galelia, moo go nago le hlapi ye ntši, le a bona. Le a bona?

¹²⁷ O—o swanetše go dira seswantšho se lebege gabotse. Ke seswantšho se segolo sa Modimo. Gomme go na le tšela e tee feela o tla se bonago, gore ge o bona Jesu Kriste. Beibele ka moka šeo. Yena ke kgwegkgwegolo ya Beibele.

128 Bjale le a lemoga gore le lengwe la mafelo a mo le ka kgona go tšea sehlogo, gomme go no ba bothata go moreri go homola. O lebega o ka re o nyaka go tšwelapele a eya le yona, eupša o swanetše go boela morago go se re se rutago.

129 Yena ke kgwekgweggolo ya Beibele. O be a le ka go baprofeta. O be a le ka go Dipesaleme. O be a le ka go histori ya Beibele. Beibele ke Puku ya seprofeto. Ke Puku ya histori. Ke Puku ya lerato. Ke Puku ya—ya dipina. Ke Puku ya Bophelo. Gomme ka kua o hwetša Kriste. O be a le ka go baprofeta. O be a le ka go Dipesaleme. O be a le ka go histori. Gomme gape Yena, ka Beibeleng, ke dilo tše di tlogo. Kafao, O be a le pele le go fihla morago. Seo se Mo dira eng gona? “Wa go swana maabane, lehono, le go ya go ile.”

130 Gomme o lahlela se sengwe ka Kua, seo ga se Mo dire “wa go swana maabane, lehono, le go ya go ile,” Ngwanešu Lee, o ya kae? O na le seswantšho sa go befa fao. Ka gore, O be a le histori, le a bona, gomme Yena ke Moprofeta. Yena ke Dipesaleme. Yena ke se sengwe le se sengwe. Gomme ge o sa kgone go Mo dira se sengwe le se sengwe, le go swana, moo, seswantšho sa gago se lebega boka eng? A le a e bona? [Phuthego e re, “Amene.”—Mor.] Go lokile.

131 Ke Yena selo! O be a le baprofeta. O be a le ka go bona. O be a le ka go Dipesaleme. O be a le ka go histori, gomme Yena ke dilo tše di tlogo, “wa go swana maabane, lehono, le go ya go ile.” Bahebere 13:8, ge le e ngwala fase. O swanetše go ba, gona, O swanetše go ba hlogo, ge seo e le se A lego sona. Gomme re a e dumela, a ga re? [Phuthego e re, “Amene.”—Mor.] Ka gona, ge A le seo, gona O swanetše go ba kgwekgweggolo ya polelo ya rena, ya go nagana ga rena, ya moopelo wa rena, ya mesepelo ya rena. [“Amene.”] O swanetše go ba kgwekgweggolo ya bophelo bja rena. Ge A le kgwekgweggolo ya Beibele, gomme Beibele e ka go rena, gona O swanetše go ba kgwekgweggolo ya se sengwe le se sengwe re se dirago, go bolela, go bona go nagana; e swanetše go ba Kriste. A yeo ke nnete? [“Amene.”] Go lokile.

132 Ge e sa le, re nagana se, ge e sa le A dirilwe—a dirilwe Hlogo ya “dilo tšohle,” go rena. Bakolose e boletše bjalo mo. Ke Yena Hlogo ya “dilo tšohle,” go rena. Ka gore O dirilwe. . . bakeng sa rena, e lego re sengwa “dilo tšohle.” O re, “Go reng ka modiradibe?” O dirilwe go ba Moahlodi wa modiradibe ge a sa E amogele. O dirilwe letago go modumedi yo a E amogelago. Kafao fao, selo, “dilo tšohle di dirilwe ke Yena, le bakeng sa Gagwe.”

133 Gomme go tšea bošego, go hlagiša letago la mosegare. Go tšea sebjana sa go se hlomphege, go hlagiša le—le lerato le tlhokomelo bakeng sa sebjana sa go hlomphega. Go tšea mosadi yo mobe, yo a ka aparago diaparo tša bohlaswa le—le go rekiša maitshwaro a gagwe, go hlagiša bokwala bja wa go hlomphega mohumagadi wa mmapale. Le a bona? Go tšea moradia le lehodu, ka go monna,

go hlagiša bommapale bja modumedi wa kgonthe, Mokriste wa kgonthe. Go tšea moikaketši, go laetša modumedi, se a lego sona.

¹³⁴ Kafao, “Dilo tšohle di dirilwe ke Yena.” Gomme ge e sa le A dirilwe dilo tšohle. . . a dirilwe, bakeng sa rena bohle, dilo tšohle di diretšwe, ke Yena. Ka gona, ka gore yeo ke therešo, re swanetše go dira boitsebišo bja rena (bo swanetše go ba) le Yena. Re swanetše go tsebagatšwa, renabeng, le Yena, gobane O tsebagaditše Yenabeng le rena. Re swanetše go tsebagatšwa le Yena. Bjang? Ka go phelela Yena; e sego feela boipolelo.

¹³⁵ Batho ba bantši kudu ba tšea boipolelo, ba re. . . Ke re bo fihlile lefelong le bjale. A o Mokriste? “Ke nna Momethodist.” Gabotse, tšeo ke ditsela tše telele go beng, go itira wenamong go tsebja bjalo ka Mokriste. Gabotse, lebelelang se Mamethodist ba se dirago. “Ke nna Mobaptist.” Gabotse, lebelelang se Mabaptist a se dirago. “Ke nna Mokatoliki.” Lebelelang se ba se dirago. Le a bona?

¹³⁶ Eupša tsela e nnoši o ka kgonago gabotse go ba Mokriste ke go Kriste go itsebagatša Yenamong ka go wena. Ka fao re nago le tše dingwe, lebola kua! Ke a holofela yo mongwe le yo mongwe godimo ga theipi o hwetša seo, gape. Le a bona? Le a bona? Le a bona?

O re, “Ke nna Mopentecostal.” Seo ga se re selo.

¹³⁷ Ke Kriste a tsebagatšwa ka go wena. Moo ke ge A go lemogile.

O re, “Ke boletše ka maleme.” Bodiabolo ba a dira, le bona.

¹³⁸ “Ke goeditše.” Bomohammedan, Buddha, le se sengwe le se sengwe se a goelela. Maindia ba goelela go tantshi ya noga. Le a bona? Nnete. Bohle ba a dira. Ditumelothoko, dihlopha, le se sengwe le se sengwe gape, ba a goelela le go goeletša. Ba a goeletša le go goelela papading ya baseball.

¹³⁹ Eupša ge Kriste a tsebagatšwa ka go wena, a itsebiša ka Boyena, gona o bjalo ka Kriste. E lego, lentšu *Mokriste* le ra go swana le “Kriste.” Boitsebišo bja gago šebo. Go lokile. Bjale, gomme ka ge A le boitsebišo bja rena, gona re swanetše go tsebagatšwa le Yena, ka go phelela Yena.

¹⁴⁰ Hlokomelang, Modimo o bile le morero momenwagararo ka go sephiri se segolo se sa sephiri. Modimo, ka go sephiri se segolo sa Gagwe se A bilego le sona pele lefase le thoma, O na le morero momenwagararo ka go sona. Gomme bjale se re nyakago go ya godimo ga sona, mosong wo, ke, morero momenwagararo ke eng? Le a bona? Bjale, ke a dumela, ka thušo ya. . . ya Modimo, Yo a lego gona, gomme O—O tla e bontšha go rena. Bjale, ge A bile le morero momenwagararo wo, re nyaka go hwetša se e lego morero momenwagararo wo.

¹⁴¹ Selo sa pele e bile, gore, Modimo o nyakile go ikutolla Yenamong go batho.

142 O be a ka se kgone go e dira bjalo ka Jehofa Modimo yo mogolo Yo a khupeditšego sekgoba sohle, nako, le Bokagosafelego. A be a ka se kgone. Ke yo mogolo kudu go ka tsoge a utollwa go batho, gobane go tla ba sephiri kudu. Sephedi se segolo sela se ka se tsoge sa thoma bjang. . .gore morago ga ge o ile mošola wa ntikodiko ya makgolo a dibilione le ditrilione le ditrilione tša mengwaga ya sekgala sa seetša, le pele ntle ka go mohlokamagomo, go ya ka go Bokagosafelego, le Sebopiwa se segolo e bego e le sohle seo, gomme go le bjalo ke sona.

143 Eupša se A bego a nyaka go se dira, O be a rata botate, ka gore O be a le Tate. Gomme tsela e nnoši yeo A ka kgonago go bo hlagiša e be e le go ba Morwa, Motho. Ke ka baka leo Jesu a bego a fela a re, “Morwa wa motho.” Le a bona, ba be ba sa tsebe se A bego a bolela ka sona, bontši bja bona. Eupša bjale le a e hwetša? [Phuthego e re, “Amene.”—Mor.] Le a bona? O be a nyaka go itlhagiša ka Boyena. Woo e be e le wa Gagwe, wo mongwe wa merero memenwagararo ya Gagwe, e be e le go itlhagiša Yenamong, go itsebagatša Yenamong le batho, go ikutolla ka Boyena ka go Kriste.

144 Sa bobedi, go ba le lefelo la pele ka Mmeleng wa Gagwe wa badumedi, ke gore, Monyalwa wa Gagwe, gore A ke a phele ka go batho.

145 Bjale, O kgonne go dira seo ka go Adama le Efa, eupša sebe se ba arogantše, kafao bjale go ile gwa swanela go ba tsela ye nngwe go e bušetša morago gape. Oo, nna! Oo, ge ke. . .Ye, ye e humile, go nna, feela ebile go nagana ka yona. Le a bona? Le bona se morero wa Modimo o bilego? Bjale gobaneng A se a no boloka Adama le Efa ka mokgwa wola? Ka gona O be a ka se tsoge a kgona go hlagiša botlalo bja Gagwe, tholanakgopolo ya Gagwe ya go tlala. Gobane, A ka be a bile Tate fale, yeo ke therešo, eupša gape Yena ke Mophološi. O re, “O tseba bjang O be a le?” Ke Yena, gobane ke bile le boitemogelo. Le a bona? Le a bona? Yena ke Mophološi, gomme O ile a swanela go hlagiša seo. Gomme O be a ka kgona bjang go se dira? Feela ka Kriste. O be a ka kgona bjang go ba Morwa? Feela ka Kriste. O be a ka kgona bjang go ba Mofodiši? Feela ka Kriste. Le a bona, dilo tšohle di tatagane ka go Motho o tee yola, Jesu Kriste. Oo, nna! Ge ke—ge ke. . .

146 Ge ke nagana ka yona, ke—ke no bona dikerekemaina di feta go tloga go lefelotiragalo, le se sengwe le se sengwe gape se no ya, le a bona, ge ke bona morero wo mogolo wa Modimo. A ikutolla ka Yenamong, gomme a na le, pele, go ikutolla ka Boyena ka go Kriste, “botlalo bja Bomodimo ka lebopo la mmele.” Gomme, ka gona, go tliša “botlalo bja Bomodimo mmeleng” ka go batho, gore A kgone go ba le mafelo a pele, bookamedi, boetapele.

147 Wo mongwe, bošego, ge o se wa hwetša theipi, ke rerile mo bošego bjo bongwe, ka “Mogolegwa wa Jesu Kriste.” Paulo,

mogolegwa! Le a bona? Ge Modimo a go fihliša go ba mogolegwa wa Gagwe, gona o ka se kgone go dira selo eupša se Moya o rego dira. Paulo, ka mahlale a gagwe a magolo ohle, o rutile. . . o rutilwe ke Gamaliele go ba moprista yo mogolo goba rabi, letšatši le lengwe. Gomme o be a na le ditlhologelo tša godimo. O be a le ka bohlae monna yo mogolo, maatlataolo a magolo, monna yo mogolo ka setšhabeng. Eupša o ile a swanela go dira sehlabelo nthatana ye nngwe le ye nngwe ya yona, le a bona, go ba karolo ya Lentšu, go hlagiša Jesu Kriste. O tsebile se e bego e le go se bolela. . .

148 O be a na le kgopolo ya go ya ka godimo ga lefelo le lengwe, baena ba bangwe ba be ba mmiditše, eupša o ileditšwe ke Moya go dira thato ya gagwe mong. Oo, ge—ge batho seripa sa semoya ba ka kgona go topa seo! Le a bona? O be a ileditšwe go dira thato ya gagwe mong. O be a ka kgona feela go dira. . . “Moya o a nkhanetše.” Le a bona? O be a le mogolegwa go Kriste.

149 Ka gona, mmolelelamahlatse yo monnyane yo letšatši le lengwe, yo a mo tsebilego, Paulo o tsebile o be a ne maatla go lelekela diabololo yola ntle, eupša o kgonne feela go e dira bjalo ka ge Modimo a e dirile. Letšatši ka morago ga letšatši o ile a mo latela, a goelela ka morago ga gagwe, eupša letšatši le lengwe Moya wa mo fa tumelelo. Ka gona a mo kgalema, moya wo o bego o le ka go yena. Le a bona? O be a tseba gore e be e le eng go ba mogolegwa.

150 Moshe, mahlale a gagwe, o ile a swanelwa ke go a loba gore a hwetše Kriste, go ba mogolegwa. Ka gona ge Modimo a hweditše lefase lohle le rothothilwe go tšwa go yena, le monna yohle wa gagwe yo maatla yo a bego a le yena, le go ema ka Bogoneng bja Pilara yela ya Mollo letšatši lela, o ile a hwetšwa a no hloka polelo. Ebile ga se a ke, ga se a ke a kgona go bolela, o boletše. Modimo o bile le mogolegwa nako yeo. Le a bona? O ka se leke ka morago ga go puruputša ga gago mong. Ka gona Modimo o ile a swanela go tlatša monna yo, goba, go mo tlatša ka maatla go lekanela gore a kgone go ya tlase kua.

151 Gomme o rile, “Morena, ke boditše Farao se O se boletšego, gomme a ka se se dire.”

152 O rile, “Gona tšea le, lepara la gago,” Modimo a bolela, leo ke Lentšu la Modimo, “eya ntle kua gomme o šupe go leba Bohlabela, gomme o bitše dintšhi.” Gomme dintšhi tša tla ka tlholog, ka gore O be a na le mogolegwa wa yoo Farao a ka se kgonego go lefa ka selo. Ga go yo mongwe gape a bego a ka kgona go mo retolla ga go tsela. O be a le mogolegwa wa go felela ka diketaneng tša Lentšu la Modimo, a tlemilwe feela go O RIALO MORENA.

153 Oo, ge Modimo a ka kgona go Mo hweletša bagolegwa ka mokgwa woo! Bjale, moo ke ge A kgona go hlagiša mafelo a pele, le a bona, O—O na le monna, goba motho, gore a se tsebe

selo eupša Kriste. Le hwetša se ke se rago? [Phuthego e re, “Amene.”—Mor.] Go lokile. Seo ke sa bobedi.

154 Sa pele, go itlhagiša Yenamong ka botlalo, Modimo ka go Kriste.

155 Sa bobedi, go ba mafelo a pele, ka se, ka Kerekeng ya Gagwe, e lego Mmele wa Gagwe, Monyalwa, go fihla A kgona go ba le lefelo la pele go itlhagiša Yenamong ka bona. Go lokile.

156 Gomme, sa boraro, go bušetša Mmušo go leemo la wona la maleba, leo le welego ka sebe ka Adama wa pele, morago go moo A sepetšego ka go foleng ga mantšiboa, le batho ba Gagwe, a boletše le bona, a kopanetše le bona.

157 Gomme bjale sebe le lehu di be di ba arogantše go tloga go Bogona bja Gagwe le tlhagišo yohle ya Gagwe. A le a e bala? Pele ga motheo wa lefase, go hlagiša dikgopolo tšohle tša Gagwe—tša Gagwe—tša Gagwe, se A bego a le sona.

158 Ka fao, ge Motrinithi e ka ba ofe mo o ka no itokolla ka bowena motsotso, o ka kgona go bona gore Tate, Morwa, le Moya wo Mokgethwa ga se Bomodimo ba bararo. Ke ditholanakgopolo tše tharo tša Modimo wa go swana. Le a bona, ke tlhagišo. Tate, O be a le, o nyakile go ba Tate, O be a le Tate. O be a le Morwa. Gomme Yena ke Moya wo Mokgethwa. Gomme Tate le Moya wo Mokgethwa ke Moya wa go swana. A ga le bone? Le a e hwetša? [Phuthego e re, “Amene.”—Mor.] E sego Bomodimo ba bararo. Diabolo o le boditše tšona dilo, go dira morapeladiswantšho go tšwa go lena. Le a bona? Ke Modimo yo motee a hlagišitšwego ka go ditholanakgopolo tše tharo. Go ba Tate, go ba Mophološi, go ba Morwa, go ba Mofodiši, le a bona, ke ditlhagišo tša Gagwe.

159 Ke nyaka go ba lebopong feela gannyane nthatana gore ebile le batho ba ba theeditšego theipi ba tla hwetša kgopolo, ba ba kgonago go bona. Go tla ntšea go dikologa, go dikologa sešupanako sela, feela ye nngwe le ye nngwe ya dithuto tšela. Eupša ke a holofela ke e dira go hlaka go lekanela gore le ka kgona go bona se ke tlogo go sona. Le a bona?

160 Modimo, o hlagišitšwe ka go Jesu Kriste, Yo a bego a le bobedi Tate, Morwa, le Moya wo Mokgethwa, “botlalo bja Bomodimo mmeleng.”

161 Bjale “botlalo bja go felela bja Bomodimo mmeleng” bo dula ka Kerekeng ya Gagwe, mafelo a pele. Tšohle tše Modimo a bego a le tšona, O di tšholletše ka go Kriste; gomme tšohle Kriste a bego a le tšona, di tšholletšwe ka Kerekeng, badumedi.

162 E sego kerekeleina! Re tla tla go seo metsotsong e se mekae, gomme go tla se tloša go tšwa monaganong wa gago go ya go ile, le a bona; go le laetša se se hlalago seo, ka thušo ya Modimo, ge A ka no e dumelela go rena.

163 Morero wa Gagwe ke eng bjale? Go itlhagiša Yenamong bjalo ka Morwa, le a bona, gomme, bjale, gore ka go Yena go ke go dule

“botlalo bja Bomodimo mmeleng.” Ke nna, ke na le Bakolose e letše mo, thwi pele ga ka. Le a bona? Gore, gohle go kgabola Lengwalo, seo ke se morero wa Modimo o bilego. Ka gona, ka Bophelo bjo bja Morwa yo, sefapano sa Gagwe, “Madi,” e a bolela mo, “a sefapano sa Gagwe,” gore A ke a boelanye go Yenamong Mmele, Monyalwa; e lego Efa, Efa wa bobedi. Gomme Modimo o e fa ka sekai, boka A dirile Moshe le bohle ba bona. Selo sa go swana A se dirilego ka go Adama le Efa, go fa sekai, gore ba be ba le Kriste le Monyalwa. Yena ke Adama wa bobedi; Kereke ke Efa wa bobedi.

¹⁶⁴ Gomme ge feela Efa wa bobedi a itšimeletša kgahlanong le Lentšu, a ga a dire selo sa go swana Efa wa pele a se dirilego? [Phuthego e re, “Amene.”—Mor.] Go leka go re, “Gabotse, e be e le sa lebaka tsoko le lengwe.” Gomme re tla tla go seo mo metsotsong e se mekae, ge eba O boletše gore e be e le bakeng sa lebaka le lengwe. E ka kgona bjang go ba lebaka le lengwe, ge A “swana maabane, lehono, le go ya go ile”?

¹⁶⁵ Eupša Modimo o rerile seo gomme “a se uta go mahlo a ba tlaologanyo le ba bohlale, gomme a se utolla go masea a a kgethetšwegopele” ao a bego a kgethetšwepele go se amogela.

¹⁶⁶ Ke ka lebaka leo, šetšang tlase go kgabola lebaka, neng le neng ge Seetša sela se rathile ba bangwe, ba be ba tla Se gana, gomme ba Se tima. Gomme dihlafele tše kgolo le bona baprista ba bagolo ba eme fale, go bile le borabi go tšwa go barutiši ba bagolo le maatlataolo, go swana le ba go fapana, go swana le Nikodemo le bona, monna yo a nathilego ka pasari, gomme ga se a kgone le go Se kwešiša.

¹⁶⁷ Gomme go be go le baprista bale ba bagolo ba eme ntle fale, le borabi ba ba rutilwego ka go Lentšu lela. Nna, ba Le tsebile, ka bohlale! Gomme O rile, “Ke lena ba tataaweno, diabolo, gomme le tla dira mediro ya gagwe.” Naganang ka yona, banna ba bakgethwa, o ka se kgone go bea monwana wa gago felo bophelong bja bona, goba bophelo bja tatago bona, goba bophelo bja tatemogolo wa bona, goba bophelo bja rakgolokhukhu-khukhu-khukhu-khukhu-khukhu-khukhu. Ge ba dirile, ba hwile ka dihlong, ba be ba kगतlwa ka maswika go iša lehung. Eupša mo go eme Jesu, a bitša sehlopha sela, “sehlopha sa bodiabolo,” batho ba bodumedi.

¹⁶⁸ Bjale, oo, kutollo ye kgolo bjale! Bjale go bušetša morago leloko la Gagwe, go tliša morago. . . Bjale, O ile a swanela go ba dira ba lahlege. Le a e kwešiša? O ile a swanela go ba dumelela go dira sebe, go ba bea go tokologo ya maitshwaro. . . O—O be a ka se kgone go ba diriša sebe, gomme a šala e le Modimo, gomme morago a ba otlala bakeng sa se sengwe A ba dirilego go se dira.

¹⁶⁹ Eupša ge A bea motho go bodirišani le Yena, gona o dumeletše motho a dire bjalo ka moemedi wa tokologo ya maitshwaro, le a bona, selo sa go swana A go tlišitšego lehono.

Le a bona? Le a bona? O dira ka tsela efe kapa efe o nyakago; o moemedi wa tokologo ya maitshwaro. Kafao, kagona, ge A beile wa pele ka mokgwa woo, O swanetše go bea wa bobedi ka mokgwa woo, O swanetše go bea yo mongwe le yo mongwe ka mokgwa woo, goba O dirile phošo lefelong la pele. Le a bona? Eupša yo mongwe le yo mongwe o godimo ga motheo woo wa go swana.

170 Bjale hlokomelang, go tlišeng seo morago; le go dumelela monna yola go dira seo, le go tseba gore o tla se dira, o tsebile o tla se dira. Eupša se dirile eng? Se pealaditše kgopolo ya Gagwe bjalo ka Mophološi. Gomme morero ka moka gona o tlogetšwe ka go Jesu Kriste, go ba. . . Modimo ka Yenamong go tšea kotlo ya molao wa Gagwe Mong, lehu, go hwa, go lopolla mosadi yo a lahlegilego ka go Mo gana.

171 Ge Efa a tlogile go Lentšu, o tlogile go molekani wa gagwe. Gomme ge kereke e tloga go tšwa go Lentšu, go ya go kerekeleina, o gana le go dira mabootswa le lefase la bohlae bja motho, a gana maatlataolo a Lentšu la Modimo. Seo se kwagala go hlaka? [Phuthego e re, “Amene.”—Mor.] Beibele e rile, “Go dira mabootswa a semoya.” Lentšu le lengwe le le lengwe ka Beibeleng, le le gannwego, goba ge tlhathollo ye nngwe le ye nngwe ya maitirelo e beilwe go Lona, ka go felela e a gana le go dira bootswa kgahlanong le Modimo yo e lego Monnamogatša wa gago. Seotswa ga se tsoge sa tsena Mmušong wa Legodimo, re tseba seo. Le a bona? Bjale, le a bona, seo ke se Efa a se dirilego lefelong la pele.

172 Bjale hlokomelang gape, bjale, morero momenwagararo wa Gagwe ke eng? Go iponagatša Boyena ka go Jesu Kriste; go tla ka Mmeleng, ka Jesu Kriste, go ba wa pele; go (eng?) go bušetša morago Edene, go tliša morago seo se lahlegilego. Seo e bile selo se nnoši go tšwa lenaneong. Dilo tšohle ka moka tša Gagwe di be di le lenaneong.

173 Eupša O ile a swanela go dumelela, go bea motho godimo ga moemedi wa tokologo ya maitshwaro, go wa, gore A be Mophološi, go pealatša se se lego ka go Yena, le a bona, tholanakgopolo ya Gagwe ya Mophološi. Selo se sengwe se be se swanetše go lahlega. Gomme sona selo, monna yola o wele gomme a lahlega, O bile Mophološi wa seo, a tšea molao wa Gagwe Mong. Gomme O be a ka se kgone go e dira bjalo ka Jehofa yo mogolo yola a khupeditšego sekgoba sohle, nako; le a bona, O be a ka se kgone go e dira. Gomme O ile a swanela go ba Motho. Gomme O tšere leloko le motho yo a lahlegilego, amene, gomme a ba Motho: Modimo, a dirilwe nama!

174 Haleluya! Le nagana ke thantshetšwe; eupša ga ke dire. Se sengwe ka gare!

175 Modimo o bile, go tšwa go Modimo, go ba nna, go tšeela sebe sa ka godimo ga Gagwe, gore A ke a ntire Yena, amene, morago go

morero wo mogolo wa Gagwe wa barwa le barwedi ba Modimo, gobane Yena ke Tate wa Gosafelego. Tholanagopolo yeo e be e le ka go Yena, le a bona, ka fao yeo e be e swanetše go pealatšwa.

¹⁷⁶ Bjale le bona morero momenwagararo ka moka? Le a bona, go itlhagiša Yenamong, O nyaka go ba. . . Bjale, le—le lefase le lahlegile, bjale O swanetše go itlhagiša Yenamong ka go Motho, go ba Mopholoji, ka poelano ya Madi go tšwa sefapanong sa Gagwe. Bjale, O ile a swanela go ba seo, go hwa, gore a phološe le go itliša ka Boyena morago ka Kerekeng, go ba le mafelo a pele ka Kerekeng ya Gagwe.

¹⁷⁷ Bjale elelwang, e ka se kgone, gomme e ka se ke, gomme e ka se tsoge ya ba, gomme ga se ya ke ya tsoge ya ba, kerekeleina! O swanetše go ba le mafelo a pele, gomme Yena ke Lentšu. Amene! Thutotumelo e ka ba efe e ka kgona bjang go lahlwela ka Kua? Ke. . . e fetola kereke go ba mmalegogwana, go tšea mantšu a motho e ka ba mang a thutotumelo e ka ba efe goba kerekeleina e ka ba efe. Ka pela e marakilwe, ka go Kutollo 17, bjalo ka seotswa le bommalegogwana; Kereke ya Katoliki ya Roma e lego seotswa, gomme Maprotestant e lego bommalegogwana. E hlaka tlwa bjalo ka ge motho e ka ba mang a ka e bala. Re tlile go kgabola Mabaka a Kereke, gomme le kgona go bona seo ka go ditheipi tšeo—tšeo ge le e kganyoga. Tlwa. Gona, e ka ba eng yeo e itšoenago yonamong le thutotumelo ka ntle ga Beibele, ke seotswa pele ga Modimo. Gomme o dirile selo sa go swana Efa a se dirilego; o tlogile go Lentšu, e lego Kriste. Oo, nna! Go lokile.

¹⁷⁸ Bjale re bona sephiri sa Gagwe A bego a se utile ka monaganong wa Gagwe pele ga motheo wa lefase. Bjale a le ka no rata go bala ye nnyane ya se? A re nong go e bala. A le na le nako ye ntši? [Phuthego e re, “Amene.”—Mor.] Re tla—re tla e bala. Bjale a re nong go phetla bohle, feela bakeng sa palo e tee, go le bjalo, go Puku ya Baefeso, gomme a re thomeng go te—te tema ya 1 ya Baefeso, go bala. Gomme bjale ge thuto ya sekolo sa Lamorena e eya pele bjale, ka go ponagalo ya mamenwagararo ya Kriste, a re baleng.

Paulo, moapostola wa Jesu Kriste ka thato ya Modimo, . . .

¹⁷⁹ Bjale šetšang, ga se ya ngwalelwa go lefase, eupša:

. . . go bakgethwa ba ba lego ka Efeso, le go babotegi ka go Kriste Jesu:

¹⁸⁰ O tsena bjang ka go Kriste Jesu? Ka go tšoena kereke? [Phuthego e re, “Aowa.”—Mor.] Ka Tswalo! “Ka Moya o tee,” Bakorinthe ba Pele 12, “bohle re kolobeletšwa ka Mmeleng o tee.” Le a bona?

¹⁸¹ Go lokile, bao ke bona a bolelago le bona. Seo ga se sa lebišwa go lefase la ka ntle. Re ka se kgone go bolela le modiradibe ka se, gobane ga a tsebe selo ka sona. Paulo ga se a e lebiša go

badiradibe. O rile, “Se ke go Sehlopha sela—sela—sela fale seo se lego ka go Kriste Jesu.”

Mogau o be go lena, le khutšo, go tšwa go Modimo Tate wa rena, le go tšwa go Morena Jesu Kriste.

A go šegofatšwe Modimo le Tatago Morena wa rena Jesu Kriste, yo a re šegofaditšego ka ditšhegofatšo tšohle tša semoya (kae?) ka mafelong a legodimong ka go Kriste:

182 “mafelo a Legodimong.” Oo, ke duma bjang nkabe ke na le nako! Mo ke na le yona e marakilwe thwi mo ka Beibeleng ya ka, ka mafelong a Legodimong, mafelong a Legodimo ke eng. *Mafelo a Legodimong*, feela nakwana, ke “maemo a modumedi ka go Kriste,” le a bona, “moo modumedi a emego ka go Kriste,” ka mafelong a Legodimong.

Go ya ka mo a re kgethilego... (theetšang sekgauswi)... a re kgethilego ka go yena pele ga motheo wa lefase,...

183 O re kgethile neng? “Pele ga motheo wa lefase,” ge sephiri se segolo sa Gagwe se se utilwego, sephiri sa Gagwe se segolo.

... O re kgethile ka go Kriste pele ga motheo wa lefase, gore re be ba bakgethwa le go hloka bosodi pele ga gagwe ka (eng?) lerato:

Go beng (eng?) a re kgethetšepele ka go peo ya bana ka Jesu Kriste go yenamong, go ya ka kgahlego botse ya thato ya gagwe,

184 “Kgethetšewepele!” Sephiri seseo. Yena, pele ga Kriste goba e ka ba eng gape e kilego ya ba lefaseng, le bona sephiri sa Gagwe se segolo, gore O kgethile Monyalwa. Go tsebeng Efa o tla wa, go tloga go se dumeleng Lentšu, go tsebeng gore o tla wa; eupša O tla kgetha Monyalwa yo a ka se wego, yo a ka swarelelago go Lentšu lela go sa kgathale se lefase ka moka le swanetšego go se bolela ka Lona. Ba tla swarelela go Lentšu lela! Ba kgethetšewepele go ema kua, “peo ya bana ka Jesu Kriste,” o kgethetšepele Kereke go bjo bogolo bjola, boemo bja letago!

185 Bjale le bona sephiri sa Gagwe? Go dira eng? Go bušetša Efa yo a welego, bjalo ka ge a be a le seswantšhopele sa Kereke. Gomme bjale hlokomelang, ge Modimo a butše lehlakore la Adama le go ntšhetša Efa ntle, ka nama le madi a gagwe mong; gomme a aroganya moya wa gagwe go tloga go bonna le bosadi, go ya go bosadi, gomme a o bea ka go Efa. O tšere kgopo go tšwa ka tlase ga lehlakore la gagwe, gomme a dira Efa go tšwa go yona; kafao Modimo o dirile selo sa go swana, a tšea go tšwa lehlakoreng la Kriste, Madi le meetse. Gomme Kriste ke Lentšu, le go tšea Lentšu le go dira Kereke ya Gagwe, Efa; le a bona, morago go Yenamong gape, a lopolotšwe ka Madi ao a

tšwago Mmeleng wa Gagwe. Le a e bona bjale? [Phuthego e re, "Amene."—Mor.]

¹⁸⁶ Sephiri se segolo sa Modimo bjale se phuthollwa, seo se bego se utilwe ge e sa le go tloga go theweng ga lefase, eupša se swantšhitšwepele tsela yohle go theoga. Bjale šetšang, re hwetša gore, gore O—gore O dirile seo. Gomme fa ka go Baefeso, le mafelo a mangwe a mantši, eupša yeo e tla le fa go lekanela go . . . Bjale, go theoga go kgabola mabaka, ka go nokologa O be a utolla sephiri se. A le kgona go bona bjale? Bjale, go theoga go kgabola . . .

¹⁸⁷ O dirile bjang . . . ? Go diregile eng ka go seswantšhopele bjale? O butše lehlakore la Adama gomme a tšea karolo ya nama ya gagwe, e bego e le Adama, go dira Efa. Monyalwa o swanetše go ba Lentšu, ka gore Yena ke Lentšu. A ka se kgone go ema go dithutotumelo. A ka se kgone go ema go kerekeleina. A ka se kgone go ema go boitshwaro bjo bobotse. O swanetše go ema a nnoši go Lentšu, ka gore Ke karolo ya Lona. O tšerwe go tšwa go Kriste. Le a bona?

¹⁸⁸ Gomme go ba le nnete, gore, Tlhatlogo yohle bjale: Luther e be e le karolo, Wesley e be e le karolo, baprofeta e be e le karolo. Ge ba se—ba se karolo . . . Feela ka go kutollo yeo ba bego ba e dira, mmele, maoto, menwana, matsogo, le go ya pele, go fihla Hlogo (ye re fihlago go yona mo metsotsong e se mekae), le a bona, yeo e dira Tlhatlogo ka moka. Ke Mmele wa Lentšu, e lego Kriste. Amene!

¹⁸⁹ Ka ntle ga Leo, o lahlegile. Ga ke kgathale o lokile bjang, goba se tswalano ya gago e lego, goba se kopanelo ya gago e lego, goba se mokgatlo wa gago o lego, o lahlegile, ka ntle ga Lentšu leo go beng ka go wena.

¹⁹⁰ "Ge le dula ka go Nna, Lentšu, Lentšu la Ka le dula ka go lena, gona kgopelang se le se ratago," gobane wena le Lentšu le a swana. O na le mafelo a pele. O na le pušo. O—o mogolegwa go Yena. Lefase le hwile. Ga o sa na le selo gape . . . Le bona batho ka moka ba phela ka tsela ye ba dirago, eupša efela ga o e dire. O mogolegwa. O rwešitšwe joko le Yena. "Joko ya ka e bonolo." O rwešitšwe joko le Kriste, le Lentšu la Gagwe. "Ke dira seo feela se . . . se thabišago Tate. Gomme ge le sa kgone go dumela gore Ke nna Yena, gona dumelang Lentšu." Go phethagala kudu! Hlokomelang.

¹⁹¹ Hlokomelang bjale, go theoga go kgabola mabaka, O be ka go iketla a dumelela se ntle, ka go nokologa a utolla sephiri, ka baprofeta le ka dikai. Bjale re ka no ya pele go seo, gomme, go itlhaģiša Yenamong.

¹⁹² O itšweleditše ka Boyena ka go Moshe. Lebelelang Moshe. O tswetšwe ka nako ya tlhomaro ya bana. O be a tswaletšwe go ba molokolli. O be a utilwe ka mahlakanokeng, feela boka Jesu a

tšeešwe tlase ka Egepeta. O tšwetše ntle. O ile godimo thabeng, a bowa morago le melao.

¹⁹³ Jesu o ile godimo thabeng, thero ya Gagwe ya mathomo, Thero godimo ga Thaba, a tla morago fase le melao. “Le ba kwele ba re, bona ba bogologolo, ‘O se ke wa dira bootswa.’ Ke re go lena, mang kapa mang a lebelelago mosadi, go mo kganyoga, o dirile bootswa.” Mofi wa Molao, Moprista, Kgoši, Moetapele, feela tlwa!

¹⁹⁴ O itšweleditše ka Boyena ka go Josefa, a tswetšwe magareng ga kerekeleina, baena ba gagwe. Ba mo hloile, ntle le lebaka, gobane o be a le wa semoya. O bone dipono. Modimo o be a ne yena. O kgonne go hlatholla ditoro. Gomme bana babo ba mo hloya. O ile a rekišwa ka e ka- . . . ke baena ba gagwe, gabotse ka diripana tše masometharo tša silibere. Feela tlwa boka A rekišitšwe ke Judase Iskariote, yo mongwe wa baena ba Gagwe, ka diripana tše masometharo tša silibere. O lahletšwe ka mokoting gomme a swanela go be a hwile. Yeo ke nnete. Tate le bona ba boditšwe gore o be a hwile. Gore o lahletšwe ka mokoting wo; o rotošitšwe, gomme o ile go seatla se setona sa Farao.

¹⁹⁵ Ka kgolegong, ka fao a tlaišegilego kua! Gomme—gomme go bile ba babedi ba phološwago. . . Motšheledi le mopaki, yo motee wa bona a lahlega gomme yo motee a phološwa, ke ra gore. Gomme mo—mo motšheledi. . . Yo motee wa bona o lahlegile gomme yo mongwe a phološwa. Feela bjalo ka sefapanong, ge A be a le ka ntlong ya Gagwe ya kgolego, ya go kokotelwa sefapanong bakeng sa dibe tša rena, go ba Mogolegwa, lehodu le tee le lahlegile gomme le tee le phološitšwe. Le a bona, feela tlwa.

¹⁹⁶ Ka gona o bile ka seatleng se setona sa Farao, kgoši ye a e lorilego, yo a bilego le pono gore o be a tla dula maotong a kgoši, gomme maatlataolo ohle ka Egepeta a filwe yena. Pono ya gagwe e ile ya swanela go tla go phethega. A ka no ba a ithutile ka yona, makga a mantši, ge a be a sa le ka go—ka go kgolego yela tlase kua. Maledu a gagwe a godile, le go ya pele, eupša o ithutile yona. Letšatši le lengwe pono ya gagwe e ile ya swanela go tla go phethega.

¹⁹⁷ Le ge e dikadika, e swanetše go direga! Bjalo ka ge ke boletše bošegong bja go feta, goba bošego pele, Laboraro bošego mo ka tirelong. Le a bona, e swanetše go direga. Ge Modimo a bolela bjalo, e swanetše go direga. Ke moprofeta yo a hlatsetšwego, gomme e swanetše go tla go phethega, ka baka la gore ke Lentšu la Modimo.

¹⁹⁸ Gomme Lentšu le tla feela go moprofeta. Lentšu *moprofeta* le ra “moutolli wa Lentšu le Lekgethwa le le ngwadilwego,” go swana le ge e dira “mmolelelapele,” le a bona, goba “mmoni.” Hlokomelang. Gomme mmoni, ka fao, yo le tsebago o bolela

pele, o hlatsetšwa ka Bokgethwa ka go bonelapele, gomme go tla go phethega. “Ge go na le yo motee yo e lego moprofeta, a ka bolelago le lena gomme a le botša dilo tše di itšego di ya go direga. Gomme ge e sa direge, le se mo theetše. Eupša ge e ka direga, gona Ke na le yena. Bokaone le mmoife, gobane Ke na le yena, le a bona.” Seo ke tlwa. Go na le bohlatse, fao moo o tsebago ge eba ke Therešo goba ge eba ga se yona.

¹⁹⁹ Modimo o bolela morago ka Lentšu la Gagwe, go batho ba Gagwe, ka batho. Le a bona, Modimo o bolela feela ka motho. “Ke nna Morara, lena le makala.” Morara ga o enywe kenywa. Makala a bolela, a enywa kenywa ya Morara. Hlokomelang, ka mehla go bile ka tsela yeo.

²⁰⁰ Bjale re hwetša Josefa, gona, gore ge go se motho a kgonago go kgwatha goba go tla go Farao ntle le pele go bona Josefa. “Ga go motho a ka tlogo go Tate, feela ka Morwa.” Gomme ge Josefa a tlogela terone, ba leditše diphalafala, “Letolo le lengwe le le lengwe le kobilwe! Josefa o tla pele!”

²⁰¹ Letago! Gomme letšatši le lengwe letolo le lengwe le tla kobega, gomme leleme le lengwe le le lengwe le tla ipolela, ge A tlogela Terone ya Tate wa Gagwe, le a bona, go tla pele. Yo mongwe le yo mongwe o tla bea bohlatse gore Yena ke Morwa wa Modimo. E ba gore o . . . Go thari kudu nako yeo. E dire bjale.

²⁰² Bjale re lemoga seo ka dikai, re ka kgona go tšea ebile le Dafida, bjalo ka ge ke boletše lebakana la go feta, a tloga teroneng ya gagwe, a gannwe ke batho ba gagwe; a eya godimo thabeng ye e swanago, Thaba ya Mehlware, ge a eya bokagodimo kgolegong ya gagwe. O be a eya ntlong ya gagwe ya kgolego gobane o be a gannwe ke baena ba gagwe le batho ba gabo. O ile godimo, a lla. Woo e be e le Moya wa Kriste ka go yena, go ganwa, ge a lebeletše godimo ka godimo ga Jerusalema gomme a lla, gomme a re, “Jerusalema, ke ga kae Ke . . .” Kgoši ye e gannwego. Mengwaga ye makgolo a seswai moragorago, Morwa wa Dafida o eme Jerusalema, godimo fale ka godimo ga Jerusalema, gomme o gannwe, gomme o lletše Jerusalema, gomme o rile, “Bjale iri ya gago e tliile.” Yeo ke nnete. Le a bona?

²⁰³ Dilo tšela tšohle di Mo kaile, feela ka sekai, eupša efela sephiri se be se utilwe. Bona banna ba be ba sa tsebe se ba bego ba se dira. Ba tsebile feela gore ba be ba hlahlwa ke Moya go dira se sengwe. Bjale, go e swara morago ka matšatšing a mafelelo, bakeng sa kutollo ye kgolo. Eupša, go e hlagiša, go itlhagiša Yenamong ka go Moshe, le Dafida, le Josefa, le Eliya, le go ya pele go theoga go kgabola. Lena . . . re ka tšea yo mongwe le yo mongwe wa baprofeta bale, le go tliša maphelo a bona ntle le go bo bontšha bo hlagišitše Jesu Kriste ka phethagalo, tlwa. Efela, a se tsoge a fa sephiri sa Gagwe ka botlalo; a letile go e dira e tsebje mo matšatšing a mafelelo bjalo ka ge A tšepišitše, ba e

letile go kwešišwa ka botlalo, le a bona, pele A ka e hlagiša. Ge A boletše selo ka moka . . .

204 Gobane, Beibele e ngwadilwe ka diphiri. Jesu o lebogile Tate bakeng sa yona, le a bona, gore E ngwadilwe ka diphiri.

205 Bjale, go Tla ga Morena go ka sephiri. Ga re tsebe O tla neng, ka fao A tlogo, eupša re a tseba O etla. Le a bona? Gomme ka fao diphiri tšohle tša Modimo di be di letetše letšatši le la mafelelo. Ka morago ga ge e šetše e feditšwe, ka gona O a utolla le go laetša se A se dirilego. Oo, nna! Ga se a ke a neela sephiri sa Gagwe ka botlalo.

206 Go no swana le se, go bapetša Mahuto a Šupago. Bjale, ge Modimo a šomišitše Martin Luther bakeng sa go tšwela ntle bakeng sa kereke yela ya mathomo goba lebaka lela la kereke, gomme ge A šomišitše John Wesley, gomme ka go iketla O ba tlišitše ntle, gomme o be a utolla ka go bona lebaka lela la kereke. Ge re . . . ge e eya morago go kgabola Beibele bjale le go hwetša ntle. Eupša ka matšatšing a mafelelo, lebaka le e bego e le selo se segolo kudu, leo A boletšego ka lona fa le go bontšha Medumo yela ye Šupago. Gomme *Look* le *Life* kga- . . .

207 Kgatišobaka ya *Life* nako yeo e rwele Ntikodiko yela ya Leru le Seetša kua lela ba sa kgonego go le kwešiša, gomme ga ba e tsebe le bjale. Eupša fa go botša, “Eya fale gomme o lete bakeng sa diphiri tše go utollwa,” gomme fa dikgwedi pele e direga, gomme ka gona e diregile tlwa ka tsela ye A rilego e tla dira. A le hlokometše ka go seswantšho sela? Ebile le Morongwa yola go la go ja, ge a be a diragala, a etla tlase, ka diphego tša gagwe morago le hlogo ya gagwe e dutše ka mathoko, šeo yona thwi *fale* ka seswantšhong, feela tlwa. Dikgwedi pele e direga, e boletšwe mo, gore, “O ya go tliša Mmele wa badumedi mmogo; go utolla, go tšea wona mafelelo a go lahlega.”

208 Mo go tla Luther go kgabola, o rerile feela tokafatšo, a no rotla ka lebakeng lela. O be a sa tsebe se lebaka le bego le le sona. Mo go tla Wesley go kgabola, gomme a rotlela lebaka la gagwe go kgabola. Le a bona? Mahlogedi a mantši a tšwa go yona, dikereke tše dingwe di tsoga. Morago mo go tla Pentecost, e rotla, gomme ba kगतlofaditše gomme ba ya thwi morago ka lehung gape; ge re tla fihla go yona mo metsotsong e se mekae, thwi morago ka go “lehu.”

209 Gomme morago go tla kutollo ya sephiri, go utolla se e bego e le ka sona. Moo, dithuto tše dinnyane tše, boka Luther a tlišitše katikasema le se sengwe le se sengwe gape; gomme Wesley o tlišitše *se*, *sela*, le *se sengwe*, le dilo tše dingwe tše; gomme morago Pentecost e tlišitše mokgatlo feela go swana, le “Tate, Morwa, kolobetšo ya Moya wo Mokgethwa”, le dilo; e sa tsebe phapano e ka ba efe, gobane . . . Ka gona go tla morago ka matšatšing a mafelelo le go topa diphiri tšohle tše le go e hlaloša ka go hlaka, go e utolla. Gobaneng? Ke matšatši ohle a mafelelo

ge sephiri se segolo se seo Modimo a bilego le sona ka pelong ya Gagwe se utollwa.

210 A le a e hwetša? [Phuthego e re, “Amene.”—Mor.] Ge o šitwa, etla morago go theipi ye gape. Ga ke tsebe ke tla ba le lena boteletšana bjo bokae. Elelwang, ye ke Therešo, ya O RIALO MORENA. Ke Therešo. Ke Lengwalo.

211 Go swana le diphiri tše šupago tša Mahuto a šupago a mafelelo, diphiri tša wona. Mahuto a be a šetše a kgaotšwe, gomme lebaka le lengwe le le lengwe le be le theogile, gomme fao ba be ba tlogetše go šwalalana mo gontši. Gomme Modimo, a sa rate gore Le šwalalane, O tla morago le go topa dilo tšeo, dithuto tšeo ba di thomilego, le go e tliša pele ntle le go utolla selo ka moka. Selo sa go swana A se dirago bjale ka go utolla sephiri sa Kriste, ka fao A bilego morero mumenwagararo wa Modimo bakeng sa Kereke! Oo, nna! Go Mo dumelela ntle. Utolla!

212 *Utolla*, Webster o re, ke go “Dira go tsebja. Go dira go tsebja, gomme, gagolo,” Webster o re, “ka go Therešo Kgethwa,” seo *kutollo* e rago. *Kutollo*, ke tsela ya Kriste ya go itira Yenamong go tsebja go Kereke ya Gagwe.

213 Bjale re ya go re, “Bjale, Ngwanešu Branham, o no bolela se.” Bjale, re ka se bolele, go no *bolela* se.

214 Bjale hlokomelang, O itirile ka Boyena go tsebja go Petro. Bjale ge le nyaka go maraka se, gomme re. . . Ge le nyaka go e bala, re tla—re tla e bala, ge le nyaka, ka go Mokgethwa Mateo 16:15 le 17. Ke tla e tsopola. Ge ba etšwa Thabeng ya Phetogelo, O re, “Batho ba re Nna Morwa motho ke Mang?”

215 “Ba bangwe ba re, oo, ba nagana O ‘Eliya,’ gomme ba bangwe ba re O ‘yo mongwe wa baprofeta,’ ‘Jeremia,’ goba ba bangwe ba bona.” Eupša seo ga se se A se botšišitšego.

216 O rile, “le nagana Ke nna Mang bjale?” Bjale Kereke šele A bolelago le yona. Le a bona?

“Motho o nagana Ke nna eng?”

217 Lehono, “Ke rafilosofi; bodumedi bjo bja leago. O be a le monna wa go loka. Re dumela thuto ya gagwe e lokile. Ke thuto go phelwa ka yona. Ke nagana gore e tla re dira bohle bokaonana, ge re dirile. Re swanetše go ba le dikereke tša rena, tša rena—tša rena bjalo.” Yoo ke Santa Claus, boka kanegelo ya Santa Claus.

218 Ga se ditlhagišo tša kereke tsoko yeo re swanetšego go hlagiša se sengwe. Ke bophelo bjo o sa bo phelego ka bowena, eupša O tla ka go wena gomme o phela ka Boyena, gomme o ba mogolegwa; go motho e ka ba mang yo bohlale le gatee. O etwapele ke Moya. Gomme o tseba bjang?

219 Bjale, o re, “Nka no tseba ke be ke lahlegelwa ke monagano wa ka. Mohlomongwe motho yo a lahlegelwago ke monagano wa gagwe o dira seo.”

220 Eupša ge o na le monagano wa Kriste, Kriste o itlhagiša Yenamong ka wena, go laetša gore ke Yena gomme e sego. . . ga se wa lahlegelwa ke monagano wa gago.

221 Batho ba bangwe, ka tlase ga phoro ya dilo, ba ya ntle gomme ba gafa. Gabotse, seo, re a tseba seo ke phošo. Yoo ke diabololo a lekago go ekiša selo sa kgonthe pele se fihla fa, le a bona, ka mehla bofora. Le a bona?

222 Eupša monna wa kgonthe ke go loba dikgopolo tša gagwe mong le go nagana ga gagwe mong! E sego go tla godimo ka bofofu ka mokgwa woo. Aowa, mohlomphegi. O tla godimo ka dikwi tša gago tša maleba, gomme Kriste o go tšeela godimo le go itlhagiša ka Boyena. Gomme bjale, go lefase, o motho wa segafa.

223 Bjale, ge o gafa, gabotse o a gafa, gona ga se gona. . . diabololo a ka se go tšeela ka go taolo ya go felela. O tla go dira o dire se sengwe le se sengwe kgahlanong le Lentšu le.

224 Eupša ge Kriste a go tšeela godimo, O tla hlagiša Lentšu lela thwi ka wena, gobane ke Yena. Yena ke Lentšu! Le a bona? Gomme ka gona le kgona go bona tlhagišo ya Kriste. E sego phoro tsoko ya mohuta tsoko, eupša Kriste wa kgonthe wa mmapale a itlhagiša Yenamong thwi ka wena. Go botse bjang!

225 Bjale šetšang. O rile, “lena le re Ke nna Mang?” O botšiša Kereke, ba Gagwe ba lesomepedi. Go tšwa go dimilione tša letšatši leo, O botšišitše lesomepedi, Kereke ya Gagwe.

Ka go dimilione ka matšatšing a Noage, O botšišitše ba seswai. Uh-huh. Le a bona?

226 Gomme O rile, “Bjalo ka ge go bile matšatšing a Noage, go tla ba bjalo ka go tlang ga Morwa wa motho, le a bona, moo disoulo tše seswai di phološitšwego.”

227 Ga ke re go ya go ba ba seswai ba phološwego bjale. Bjale le se ke la hwetša seo sohle ka phošo. Ga se nke ka bolela seo. Ga ke tsebe ke ba bakae ba lego, ba yago go phološwa ka go seo, gore yeo ke. . . nakwana yela ya mafelelo go—go Hlatloša sehlopha se sennyane sela. E tla ba sehlopha se sennyane, ke tla le botša seo. “Ka gore kgoro ke ya tselameetse, gomme tsela ke ye tshese, eupša ke ba ba sego nene ba ba tlogo go e hwetša.”

228 Eupša ge Mmele wo mogolo o rekototšwego go kgabola mabaka ohle o etla godimo, gona yeo e ya go ba terone ye kgolo fale! Kutollo 7 e a e hlagiša, “Palo ye kgolo, ye go sego motho a ka kgonago go e bala,” go kgabola mabaka ohle e tlile godimo, bona ba ba sepetšego ka Seetšeng sa Beibele bokgole bjo E utolotšwego go bona. Gomme bjale re a tseba gore Wesley o bile le Seetša se sentši go feta ka mo Luther a dirilego. Re a tseba Pentecost e phadile Wesley. Le a bona? Nnete, e a dira.

229 Gobane, ka go iketla e nno lokolla, bjalo ka ge e dirile tlase ka baprofeta, le go ya pele, go fihla ka phethagalo e dirwa go tsebja, “Bomodimo mmeleng ka go Kriste.”

230 Gomme bjale Kriste ka Kerekeng o no dirwa go tsebja. Selo ka moka ke kutollo ya Modimo, go tšeela Efa morago go leemo la gagwe la maleba gape le Monnamogatša wa gagwe. Hlokomelang, gomme Modimo ke Monnamogatša wa Kereke, gomme Kereke ke Monyalwa wa Gagwe.

231 Bjale, Petro, ge a biditše, o rile, “Wena o Kriste, Morwa wa Modimo yo a phelago.”

232 Bjale šetšang. “O wa lehlogonolo wena, Simone *morwa Jona*,” o re, go rago, “morwa wa Jona.” Le a bona? “O wa lehlogonolo wena, gobane nama le madi ga se tša tsoge tša utolla Se go wena. Ga se wa tsoge wa ithuta Sona go tšwa sekolong tsoko. Eupša Tate wa Ka yo a lego Legodimong o Se utolotše go wena.” Hlokomelang se A se boletšego go yena, “Godimo ga leswika le. . .” Yoo ke Petro, Peu ye e kgethetšwegopele ya Modimo ye e amogetšego Seetša se, le go fiwa dikgonyo go ya Mmušong. “Godimo ga leswika le la kutollo ya gore Jesu Kriste ke Mang,” Yena ke wa go tšala, Modimo yo a bonagaditšwego. “Godimo ga leswika le. . .” E sego Tate, Morwa, le Moya wo Mokgethwa; gomme Yena e le Motho wa bobedi. “Godimo ga leswika le Ke tla aga Kereke ya Ka, gomme dikgoro tša hele di ka se tsoge tša E šišinyetša fase, di ka se tsoge tša fenya kgahlanong le Yona.” Le a bona? “Ke tla aga Kereke ya Ka godimo ga leswika le,” kutollo ya Jesu Kriste.

233 Lebelelang, Kriste ka go lena go Mo dira bogare bja Bophelo bja kutollo. Le a bona? Bophelo bja Kriste ka go wena bo Mo dira bogare bja kutollo. Kriste, ka Beibeleng, o dira Beibele kutollo ye e feletšego ya Kriste. Kriste ka go wena o go dira kutollo ye e feletšego ya selo ka moka, le a bona, se Modimo a lekago go se dira.

234 Tswalo ye mpsha ke eng gona? O tla re, “Gabotse, Ngwanešu Branham, Tswalo ye mpsha ke eng?” Ke kutollo ya Jesu Kriste ka sebele go wena. Amene! Le a bona? E sego o tšoenne kereke, o šišintše seatla, o dirile se sengwe sa go fapana, o boletše thutotumelo, o tshepišitše go phela ka—ka mkgwa wa melawana. Eupša Kriste, Beibele, Yena ke Lentšu le le utolotšwego go wena. Gomme ga go kgathale se e ka ba mang a se bolelago, se se diregago, ke Kriste; modiša, moprista, e ka ba eng e ka bago. Ke Kriste ka go wena, yeo ke kutollo yeo Kereke e agilwego godimo ga yona.

235 O re, “Gabotse, ke nna Molutheran. Ke nna Mobaptist. Ke nna Mopresbyterian.” Seo ga se re se tee, ga se re [Ngwanešu Branham o thwantšha monwana wa gagwe—Mor.] seo go Modimo, e sego selo, e sego go thwantšha ga monwana wa gago.

236 Ke eng? Ke Kriste a utollwa, gomme Yena ke Lentšu. Gomme ge Lentšu le utollwa, Le itlhagiša Lonamong. Le a bona? Woo ke morero wa Modimo go Jesu Kriste, e be e le go itlhagiša Yenamong, go tšea melao ya Gagwe Mong le go phela ka melao

ya Gagwe, go amo- . . . le go phethagatša molao wa Gagwe, ka lehu. Gomme Kriste, Modimo, o hwile nameng, gore a ahlole sebe nameng, gore A ke a tliše go Yenamong Monyalwa wa letago, a lopolotšwego morago, yo a tla dumelago feela ka go Lentšu la Modimo; gomme e sego go Le fetolanya, boka Efa a dirile, bakeng sa dikgopolo tša bohlae tša motho. Le a e bona? Yeo ke kgopolo ya Kriste. Yeo ke kgopolo ya Modimo. Tswalo ye mpsha e utolla se.

²³⁷ Gomme ge motho a re o tswetšwe gape, gomme a leka go bea ditshepišo tše tša Kriste, ka go matšatši a a mafelelo, go lebaka tsoko le lengwe, go Mo dira Kriste maabane eupša e sego lehono, gona monna yola goba motho yola o bile ka go—go phoro ka Sathane. Gomme ge monna yola a bolela gore o dumela Leo, gomme ga le iponagatše ka bolona ka yena?

²³⁸ Jesu o rile, ka go Mareka 16, “Maswao a a tla latela bona ba ba dumelago; ka go lefase lohle, le go lebaka le lengwe le le lengwe.” Go lelekela bodiabolo ntle, le go bolela ka maleme, le—le diponagalo tšohle tše kgolo tše tša dimpho tšeo di tla latelago, gore, “di tla dira!” E sego, “di ka *no ba*; di *swanetše*.” “Di tla dira!” Gomme magodimo le lefase di tla feta, eupša Lentšu la Gagwe le ka se ke.

²³⁹ Kafao ke Kriste a itlhabiša Yenamong ka go motho ka motho, ge eba o bohlae goba ge eba ga a—ga a tsebe boABC ba gagwe. Seripa sa baapostola ga se ba e tseba, yeo ke nnete, eupša ba tsebile Kriste. Ga se ba ke ba lemoga Petro le Johane, ba tseba gore ba be ba le ka ntle ga seminari ye e itšego. Ba rile, “Ba lemogile le go lemoga gore ba be ba na le Kriste,” ge ba fodišitše monna wa segole, le a bona, kgorong. Ba tsebile ba—ba be ba na le Kriste.

²⁴⁰ Tswalo ye mpsha ke Kriste, ke kutollo. Modimo o utolotše go wena sephiri se segolo se, gomme seo ke Tswalo ye mpsha. Bjale o ya go dira eng ge o tliša sehlopha sela sohle mmogo? moo kutollo e lego kwanong ka go phethagala, gomme Modimo a e hlagiša ka Lentšu la Gagwe ka ditiro tša go swana, dilo tša go swana tše A di dirilego, go dira Lentšu go bonagala. Oo, ge Kereke feela e ka be e tsebile maemo a yona! E tla dira, letšatši le lengwe. Ka gona, Tlhatlogo e tla tloga ge e tseba se e lego sona. Bjale hlokomelang.

²⁴¹ O re, “Ngwanešu Branham, eupša seo—seo ga se. . .” Oo, ee, ke yona, le yona. Ke Therešo.

²⁴² A le hlokometše? Paulo ga se a ke a tseba Jesu, nameng. Paulo ga se a ke a Mo tseba. Tsela e nnoši yeo Paulo a Mo tsebilego e bile ka kutollo, ka pono. A yeo ke nnete? [Phuthego e re, “Amene.”—Mor.] Paulo o tsebile Jesu feela ka kutollo, feela boka Petro a dirile.

²⁴³ Petro o Mmone nameng, eupša ga se a Mo tseba ka nama, gobane Jesu o boletše bjalo. “Nama le madi ga se tša e utolla go wena. Le bophelo bja Ka Mong ga se bja e utolla go wena. Eupša

Tate wa Ka yo a lego Legodimong o utolotše selo go wena,” gore Yena ke Lentšu la Modimo, “gomme godimo ga leswika le Ke tla aga Kereke ya Ka.” Petro ga se a Mo tsebe ka nama. Monna o sepetše, gomme a Mo kgwatha, le se sengwe le se sengwe gape.

²⁴⁴ Paulo o bile le se sengwe se segolwane go feta e ka ba ofe wa baapostola a dirile. Le a bona?

²⁴⁵ Ba rile, “Gabotse, ke—ke na le bontši bja kutollo go feta wena, Paulo, gobane, o a tseba, ke sepetše le Yena. Ke ile go thea dihlapa le Yena, letšatši le lengwe. Ke Mo kwele a bolela. O dutše ka sekepeng le nna, gomme gabotse o mpoditše, ‘A re yeng godimo mo gomme re thee dihlapa ka lefelong le, gomme re tla hwetša hlapi ye ntši.’ Gomme re e dirile.” Le a bona? Le a bona? “Re Mmone a dira dilo.”

²⁴⁶ Eupša Paulo o Mmone morago ga ge A hwile, a bolokilwe, a tsogile gape, le go itlhagiša ka Boyena ka go Pilara ya Mollo yeo e etilegopele bana ba Israele. Go tsebeng. . . Paulo, go beng Mojuda, a ka be a se a ke a bitša seo “Morena” ntle le ge a bone tlhagišo, O be a le morago, wa go swana maabane le go ya go ile. O rile, “Paulo,” ka mantšu a mangwe, “Ke nna Modimo wa go swana lehono yoo ke bilego maabane. Ke nna yo, ka Seetseng sa go swana, Pilara ya Mollo ye Moshe a boletšego le yona, ka sethokgweng se se tukago.” Ga go makatše o kgonne go aroganya molao go tloga go mogau, godimo ka go Puku ya Bahebere; o kopane le Pilara yela ya Mollo ya go swana. O rile, “Ke nna Jesu, Yo o mo hlomerego.”

²⁴⁷ Gomme šo Yena lehono, ka mokgwa wa go swana, ka Pilara ya Mollo ya go swana, a itlhagiša Yenamong le go itlhatsela Yenamong go swana, go utolla sephiri sa Modimo se se bego se utilwe go tloga go theweng ga lefase. Le a e bona?

²⁴⁸ Paulo o Mo tsebile feela ka—o Mo tsebile ka kutollo. Petro o Mo tsebile ka kutollo.

²⁴⁹ O sepetše le Yena, a bolela le Yena. Kagona, o ka dula ka go Lentšu le. Bjale, ke sa tšo bolela gore O be a le Lentšu. Bjale, serutegi se ka kgona go dula fase le go bala Lentšu lela go fihla a kgona go no tlema monagano wa gago godimo ka tsela e ka ba efe, le a bona, ge a nyaka go e dira, gobane ke setswerere, sehlalefi. Hwetša moprista wa Katoliki, goba, e sego bontši bjalo ka seo, bjalo ka wa kgonthe yo mokaone, moithutamodimo yo a hlahlilwego ka Beibeleng. Ngwanešu, Mobaptist, goba Mopresbyterian, goba se sengwe, o tla go dira o nagane gore ga o tsebe selo, le a bona, ge go etla go bolela. Eng? Le a bona, ka gore o Mo tsebile ka nameng, Lentšu. [Ngwanešu Branham o phaphatha Beibele ya gagwe—Mor.]

²⁵⁰ Eupša tsela e nnoši o phološwago ke ka go Mo tseba ka kutollo!

²⁵¹ Ge nka kgona go tšea, nka kgona go tšea thuto ya Presbyterian le go tlema lena Pentecostal go fihla le sa tsebe. Nka

kgona go tšea thuto ya Baptist le go laetša lena Mapentecostal milione wa dilo tše le sa tsebego selo ka tšona. Yeo ke nnete, eupša yeo ga se yona. Yeo ga se Kereke ya Gagwe. Yeo ga se Kereke ya Gagwe.

²⁵² Kereke ya Gagwe ke Yenamong a utolotšwe, (Amen! A le a e bona?) le go hlagišwa ke Lentšu ka Bolona, gore Yena ke Modimo. Le a bona?

²⁵³ O ka kgona bjang go re, “Tate, Morwa, le Moya wo Mokgethwa,” gona, gomme wa kolobetšwa ka go yona? Bahetene! Nnete! O ka bolela bjang gore o tseba Jesu Kriste, Yena ke Lentšu, mola, ga go Lengwalo ka Beibeleng, ga go lefelo moo e ka ba mang a kilego a kolobetšwa leineng la “Tate, Morwa, Moya wo Mokgethwa”?

²⁵⁴ Gomme lena—gomme lena batho ba Jesus-Only, le no šomiša leina “Jesu” bakeng sa kolobetšo! Ka sebele ke tlwaelane le boJesu ba bane goba ba bahlano, nnamong. Kafao le bona se dikerekemaina tša lena di le hlahlelago ka go sona? Leo ke leswiswi, tlhagišo ya Kaine, yo a tlišitšego dikenywa sebakeng sa madi. Le a bona?

²⁵⁵ Eupša kutollo e tla ka Madi, le a bona, ka Jesu Kriste, Yo a lego Madi a Modimo, Madi a go hlola ka popelong ya Maria. Gomme Paulo o Mo tsebile ka kutollo. Ke ka mokgwa wo re Mo tsebago lehono, ke tsela e nnoši o ka kgonago go Mo tseba. E sego go re, “Ke nna Momethodist.” Seo ga se re selo. “Ke nna Mobaptist.” Seo ga se re selo. “Ke nna Mokatoliki.” Seo ga se re selo. Eupša ka kutollo, gore Modimo o utolotše Lentšu go wena! Yena ke Lentšu. Gomme Lentšu, ka fao o tsebago Le utolotšwe, Le phela Lonamong le go itlhagiša ka Boyena ka wena. Oo!

²⁵⁶ Dikereke kgale di lebetše kutollo ye kgolo yela. Yeo ke nnete. Kutollo ya Therešo, ba e lebetše. Ba ile go . . .

²⁵⁷ Bjale, ge Luther a tsogile, o be a le monna yo mogolo. O bile le kutollo ya letšatši leo. Eupša go diregile eng? Sehlopha sa boRicky se tsene ka gare, mekoto ya meriri ya mpapatla, bjalo ka ge re e bitša lehono, le boRicketta, le bohle ba bona, ba fihlile tikologong fale. Gomme—gomme—gomme, selo sa pele le a tseba, se gona.

²⁵⁸ Tlhagišo yeo. Ge feela o—feela o tsebile dipalopalo tša Beibele, le go tseba se *Elvis* goba—goba *Ricky* go se rago, go Lengwalo! Uh-huh. Go no swana le, gobaneng Jesu. . . O re, “Ga go selo go leo, leina la gago.” Ga go? Leina lela le ka kgona feela go tla ka go matšatši a a mafelelo, bakeng sa batho ba ba matšatši a mafelelo.

²⁵⁹ Gobaneng Jesu a fetoletše leina la Abram go Abraham, gona, Sarai go Sarah? Gobaneng A fetoletše Saulo go Paulo? Gobaneng A fetoletše Simone go Petro, le go ya pele? Le a bona, ka kgonthe le ra se sengwe.

260 Leina lela ga se le kgone go bolelwa go fihla letšatši le. Ke ka baka leo re nago le selo se sa hele re nago naso lefaseng lehono, ka baka la dilo tše bjalo. Moloko ka moka wa batho o senyegile. O—o ile, le a bona, gomme ke ka lebaka leo go lego.

261 Hlokomelang bjale, o be a lokile, o be a le ka matšatšing a gagwe, Luther, gomme o bile le kutollo; eupša ka pela ge a tlogile, lebelelang se ba se dirilego. Wesley o bile le molaetša; lebelelang se o se dirilego. Mapentecostal a kgale a pele ba bile le molaetša; lebelelang se ba se dirilego. Ba na le sehlopha sa banna mmogo, go no swana tlwa le selo sa go swana seo . . .

262 Modimo, ka mogau, o rometše Israele Pilara ya Mollo, moprofeta, sehlabelo, le go ipontšha ka Boyena magareng ga bona, le go ba ntšha ka Egepeta, go kgabaganya Mawatle a Mahubedu. Gomme ba nyakile molao, gore ba kgone go ba le bahlomphegi ba bagolo, ba ka kgona go ba le se sengwe go dira ka go yona. Gomme ba dirile eng? Ba tlogetšwe ka lešokeng lebaka la mengwaga ye masomenne, go tlaruma, gomme ga go le o tee wa mokgatlo wola o kilego a ya ka kua.

263 Kalebe le Joshua, ba babedi feela ba ba emeletšego gomme ba rilego, “Re kgona go e tšea, go lebelela go Lentšu la Modimo.”

264 Yo mongwe le yo mongwe wa bona o hwile ka lešokeng. Gomme Jesu o rile ba be ba ile ka Gosafelego, thwi, morago ga ge A bontšhitše ditšhegofatšo le maatla a Gagwe ka go mabaka a bona; boka Luther, Wesley, le go ya pele. A O dirile?

Ba rile, “Botatawešo ba ja mana ka lešokeng.”

265 O rile, “Gomme bona ba, yo mongwe le yo mongwe, hwile.” Ke gore, go arogana ka Gosafelego go tloga go Modimo. Ditoto tša bona di senyegile ka lešokeng. Le a bona? “Ba hwile. Eupša Ke nna Borotho bja Bophelo bjo bo tšwago go Modimo Legodimong.” Ga se ba kgona go e bona. Ba nno se kgone go e bona.

266 Go lokile, kereke e e lebetše kgale. Ba amogetše molaetša wa bohlale, dihlahlefi, boleloko, tsebo, sebakeng sa kutollo ya Therešo ya Lentšu.

267 Bjale lebelelang fa, ba a bolela lehono. A o a dumela gore Modimo o re romile go ya ka lefaseng lohle, le go fodiša balwetši, le go rera Ebangedi, le go lelekela bodiabolo ntle? “Oo, oo, ee, ke a nagana ke nnete, eupša . . .” Le a bona?

268 Mohumagadi, a bolela le nna letšatši le lengwe, o rile, “Gabotse, dikereke tšohle di kwanong.”

269 Ke rile, “Ga go e tee ya tšona ka kwanong le ye nngwe.” Makatoliki šeale ba eme fale. Ke rile, “Go reng ka wena? O Momethodist gomme yoo ke Mokatoliki, a le kwanong seng sa lena?” Ke rile, “Mopapa yo o tla go ba kopanya mmogo, seo ke selo se sebotse go batho bohle ba mohuta woo.”

270 Eupša Kereke ya Modimo ga e na selo go dira le yona, ga go selo. Se tšwa go sehlopha ka moka. Uh-huh. Nnete. Ee, mohlomphegi.

271 Le nyaka go kopanya yeo mmogo, gomme yo motee o dumela go *se sengwe* gomme yo mongwe; Methodist e tšea go fafatša, Baptist e tšea go karabetša, gomme bobedi bja bona ba gana Moya wo Mokgethwa ka botlalo bja Wona bja maatla. Ba rile, “Re amogetše Moya wo Mokgethwa *ge* re dumetše.”

272 Beibele e rile, “A le amogetše Moya wo Mokgethwa *ge e sa le* le dumetše?” Phapano šeo. Le a bona? Yeo ke nnete. Le a bona?

273 Gomme ba re, “Ke rena kereke ya Katoliki. Re thomile ka pela. Re dirile *se*.” Mamethodist ba re, “Re theilwe godimo ga Beibele.”

274 Jesu o rile, “Maswao a a tla latela bona ba ba dumelago.” Bjale e kae? Uh-huh. Le a bona? Ya. “Mediro ye Ke e dirago le tla e dira le lena,” se bopša se sengwe le se sengwe, motho yo mongwe le yo mongwe yoo a Mo dumelago. Bjale e kae? Ao ke Mantšu a Gagwe. “Magodimo le lefase di tla feta, eupša Lentšu la Ka le ka se tsoge la palelwa.” Bjale e kae? Le a bona? Oo, e no laetša!

275 Ke eng? Ke seemo sa motswako. Lebelelang mo, o tšea thoro ye kgolo ye kaone ya lehea ye e tswakilwego, gomme o tšea lehea lela la motswako, ke lebele le lebotse. Eupša o a le bjala, o hwetša eng? Lehlaka le lennyane le tla godimo ka mokgwa *wo*, gomme la fetoga serolwana le go šošobana. Yeo ke tsela ye kerekeleina ye nngwe le ye nngwe e lego, ge e le motswako, ka mantšu a motho a hlakane le Mantšu a Modimo. E tla tla godimo go maswao le matete, le se Jesu a se boletšego ka go dumela Lentšu, gomme e fetoga serolwana, gomme ya re, “Re ka se kgone go Le amogela,” gomme ya ya morago.

276 Feela boka tšona ditlhodi tše dingwe tšohle di dirile tšeo di ilego godimo le go lebelela Kanana. Ba tlile godimo kua gomme ba rile, “Oo, re lebega boka ditšie thoko ga bona! Re ka se kgone go ba tšea! Baamaleke ba tla dira, bohle ba, se ba yago go se dira!” Gomme ba ile morago.

277 Gomme Kalebe le Joshua, ka go ba motswakohlwahlwa, amene, ka Lentšu la Modimo, ba tsebile Modimo o rile, “Ke le fa naga yela.” Ba rile, “Re ka godimo ga go kgona go e tšea!”

278 Go ya le gore o tswetšwe kae. Ge o tswetšwe ka Lentšu la Modimo, Lentšu la Modimo ke la mafelo a pele ka Kerekeng ya Gagwe. Seo ke se A se hwetšego. Woo ke morero wa Gagwe, gore A kgone go fihlelela, go ba le lefelo la pele la Gagwe go šoma ka Kerekeng ya Gagwe. A nke Lentšu la Modimo le phadime pele, pele, ga go kgathale se e ka ba eng gape e bogegago boka sona. Ga ke kgathale ge dihlafeleli di bolela *se, sela, se sengwe*, ga se ne selo go dira le Lona. Lentšu la Modimo le boletše bjalo, gomme re ka godimo ga go kgona go e tšea!

279 “Ge nka rera seo ka kerekeng ya ka,” modiredi o mpoditše, o rile, “ke tla be ke rerela dikota tše nne ka kerekeng.”

280 Ke rile, “Ke tla rerela tše.” Ee, mohlomphegi. Lentšu la Modimo le boletše bjalo. Re ka e dira. Modimo o rile e dire. Amene!

281 Oo, ya, ba itshwarelela bonabeng ka se. Le a bona? Ke ka baka leo ba foufetšego go Molaetša wa nako ya bofelo, matšatši a a mafelelo, ge Modimo a inetefatša Yenamong. Ba leka go Le bea bjalo ka mohuta tsoko wa ramemoya, goba ba bangwe, oo, (ke tla e bitša eng?) kgopolo tsoko, bofora, goba se sengwe ka mokgwa woo. Le a bona, ba—ba leka go Le dira se sengwe seo Le sego sona.

282 Go no swana le ge ba dirile ge A be a le mo, ge Jesu a be a le mo, ba Mmiditše “Beletsebubu; mmolelelamahlatse,” bjale ba re ke mohuta wa go swana le go bala monagano. Le a bona? Ge, ba a tseba gore A ka kgona go ema kua le go lebelela godimo ga batho le go hlatha tšona dikgopolo tše di lego ka pelong ya bona. Beibele e boletše bjalo.

283 Gabotse, a Baheberere tema ya 4 ga e dire, e re, “Lentšu la Modimo le a phela le bogale go feta tšhoša ya magalemabedi, gomme le kgona go hlatha tšona dikgopolo tša monagano”? Gomme O be a le Lentšu leo. Gomme ge Lentšu leo le le la lefelo la pele ka go motho, selo sa go swana se direga gape, ka gore ke Lentšu! Amene! . . . Le bona ka fao o ka thitšwago godimo ga se go tloga bjale go ya pele. Fao e pepeneneng ka go phethagala. Le a bona? Go lokile.

284 Ke ka baka leo ba foufetšego, go swana le ge go bile ka matšatšing a Kriste a bego a le lefaseng. Oo, nna! Ba thekesela ka tsela ya go swana. Ba rile, “Ke Beletsebubu. Bele- . . .” Ba bone A ka kgona go e dira, kafao ba rile, “O no ba . . . O tswetšwe ngwana wa hlaba, le mohuta wa moisa wa learogi. O nno swarwa ke diabololo tsoko. Ke—ke Mosamaria godimo kua, gomme o na le diabololo ka go yena. Ke ka mokgwa wo a dirago seo.”

285 Jesu o rile, “Ke tla le lebelela bakeng sa seo,” le a bona, go bitša Lentšu la Modimo, mediro ya Modimo, moya wo mobe. O rile, “Ke tla le lebelela bakeng sa seo. Eupša letšatši le lengwe Moya wo Mokgethwa o tla tla, gomme lentšu le tee kgahlanong le Wona le ka se tsoge la lebelelwa, le ka go lefase le goba lefase le le tlogo, goba Letšatši le legolo lela. Le ka se lebelelwe.” Kafao, le a bona, seo se ngwadilwe molaleng ka Lengwalong.

286 Kafao ge batho ba etla go Letšatši lela, ga go kgathale ba bohlale bjang, le ka fao ba lego ba kerekeleina ye kgolo, e ahlotšwe. Ba swanetše go ba! Ba rogakile Moya wo Mokgethwa, ba O bitša “mopshikologimokgethwa” le se sengwe gape seo se bilego le leina la go se be bose, goba se sengwe boka seo. Gomme Kereke ya Modimo e ile ya swanela go e rwala nako yohle.

287 Ebile le Paulo, pele ga Agrippa, o rile, “Ka tsela ye e bitšwago ‘*bohlanya*,’” go rago “go tshereana,” “yeo ke tsela ye ke direlago Modimo wa botate.” Moithuti yo mogolo yola wa bohlale o ile a swanela go tla lefelong leo, “ka tsela ye e bitšwago ‘*bohlanya*.’”

288 Gobaneng? E be e utollotšwe go yena. Pilara yela ya Mollo e lekeletše pele ga gagwe, e rile, “Ke nna Jesu, Modimo yo mogolo yo a bego a le ka lešokeng mošola le Moshe. Ke nna Yena, gomme go thata go wena go raga kgahlanong le diotledi.”

289 Ka gona Paulo a eme fale, a tseba gore bophelo bo be bo le kotsing, o rile, “Ka tsela ye e bitšwago ‘*bohlanya*,’ ke ka tsela ye ke direlago Modimo wa botate.” E be e bitšwa seo. Ka baka la gore e utolotšwe go yena seo Therešo ye kgolo ya Kriste e bego e le sona.

Gomme lehono, batho ba re, “Ke kerekeleina.”

290 Ke Jesu Kriste, Tswalo ye mpsha, e utolotšwe ka go wena, gore Yena o ne mafelo a pele, gore A kgone go hlagiša Mantšu a Gagwe. Gomme eng kapa eng A e tshepišitšego ka matšatšing a a mafelelo, A ka kgona go e tliša go phethega, ka Mmele wa Gagwe ge A šoma. Amene! E no ba tlwa Lentšu la Modimo le dirilwe go bonagala. Hlokomelang. Go lokile.

291 Go swana le ka matšatšing a Kriste, Modimo o swere sekgonyo go kutollo ye ya Kriste, Yenamong. Le dumela seo? [Phuthego e re, “Amene.”—Mor.] Dikolo tša thutamodimo di ka se tsoge tša E hwetša. Jesu o boletše bjalo. Ge le nyaka go e bala bjale, ka go Mokgethwa Mateo 11:25 le 27. “Ke a Go leboga, O Tate, Modimo wa magodimo le lefase, gore O fihlile se go mahlo a ba bohlale le ba tlišaologanyo, gomme wa se utolla go masea ao a tlogo go ithuta.” Le a bona? Le a bona? Ga ke kgathale. . .

292 Lebelelang bona dirutegi tša letšatši leo, Bajuda bale, banna ba bakaone kudu, mekgatlo ya bona ya Bafarisei, Basadutsei, le Baherodian, le e ka ba eng ba ka bago. Le a bona? Mekgatlo yohle ya bona ye megolo, gomme Jesu o rile, “Le foufetše; le hlahla sefofu. Jesaya o boletše gabotse ka lena, ‘Le na le ditsebe, gomme ga le kgone go kwa; le mahlo, gore ga le kgone go bona.’ Gobane, Jesaya o boletše se ka Moyeng, kagona Modimo wa Legodimo o foufaditše mahlo a lena. Le dira boka Efa a dirile, go amogela lehlakore la bohlale, gomme ga le tsebe selo ka Moya wa Modimo. Kagona, a bohle ba ka se wele ka moleteng, bobedi moetapele le sefofu, le bona?” Moetapele o tla wa le sefofu, ka baka la gore le yena o foufetše. Moetapele o a wa, yo a foufetšego, a hlahlago sefofu, bobedi ba wela ka moleteng.

293 Gomme Modimo a nnoši o swere sekgonyo se! O hlagišitše selo sa go swana ka go Lengwalo la go feta fale nakwana ya go feta ge ke le badile, ge A rile, “Batho ba re Nna Morwa wa motho ke mang?”

294 Gomme Petro o rile, “Wena o Kriste, Morwa wa Modimo yo a phelago.”

295 O rile, “O wa lehlogonolo wena Simone, morwa wa Jona. Nama le madi ga se tša tsoge tša utolla se go wena. Tate wa Ka yo a lego Legodimong! Godimo ga kutollo ye mo, e nnoši, Ke tla aga Kereke ya Ka. Dikgoro tša hele di ka se tsoge tša fenyā kgahlanong le yona.” Le a bona? Bjale le a bona?

296 Kafao kagona ga go sekolo, ga go baithutamodimo, ga go dithuto tša Beibele magareng ga sekolo e ka ba sefe, ba ba tsebago e ka ba eng ka Lona. Ga ba kgone go tseba selo ka Lona. Ga go kgonege go bona go tseba e ka ba eng ka lona. Modimo o utile dikwi, tša go Le tseba, go tloga go bona barutiši ba ba kgethilwego le se sengwe le se sengwe gape.

297 Ke ya sebele, taba ya motho ka motho le motho, gore Kriste o utolotšwe go bona.

298 Gomme ge o re, “O utolotšwe go nna,” gomme morago Bophelo bjo Kriste a bo tšweleditšego mo ka Beibeleng, Bophelo bjola bja go swana bo ka go Yena, ga bo itšweletše Bjonamong ka go wena, gona o na le kutollo ya go fošagala.

299 Ge ke bea bophelo bja lefodi ka go bophelo bja mohlare wa pšere, o tla enywa mafodi a pšere. “Le tla ba tseba ka dikenywa tša bona.” Nnete tlwa. Gomme ge la pele . . . o bea mohlare ntle, morara wa terebe, gomme wa tšweletša mokgotho wa diterebe; lehlogedi la mathomo o le ntšhago, le tlišitše diterebe, la go latela le tlišitše diswiri, gomme la go latela le tlišitše dipšere, la go latela le tlišitše diapola, go na le mohuta wa taba ye e hlomeseditšwego ka kua, ye e rwelego bophelo bja yona mong. Kerekeleina ye nngwe le ye nngwe e tla enywa bophelo bja yonamong. Eupša ge morara wola wa setlogo o ka tsoge wa hloga lehlogedi le lengwe, o tla enywa diterebe boka o dirile lekga la mathomo.

300 Gomme ge Bophelo—Bophelo bja Jesu Kriste bo ka tsoge bja tšweletša mmele wo mongwe wa badumedi, bo tla enywa kenya yeo bja pele bo dirilego. Ba tla ngwala Puku ya Ditiro ka morago ga yona, gobane Bo tla swana, Bophelo bja go swana. Le bona se ke se rago? O no se kgone go tloga go yona. Ke Bophelo bja Kriste ka go wena, bo hlabetšwe ka go wena, ke Moya wo Mokgethwa ka Bowona o phela Bophelo bja Wona ka wena.

301 “Baetapele ba difofu ba difofu!” Hlokomelang, Modimo o swere sekgonyo se, a nnoši. Ga go moithutamodimo a ka go botšago; ga Se tsebje. Se utilwe go bona. Ga ba tsebe selo ka Sona.

302 Kafao dikolo, ge o re, “Ke na le Ph., LL.D.,” o dira feela . . . Go nna, gomme, ke a dumela, le go Modimo le go modumedi e ka ba ofe wa therešo ka kgontho, seo se ra gore o no ba bokgole bjoo kudu, o no boela morago. Modimo ga a tsebje ka thuto. Ga a tsebje ka mokgwa wa go Le hlaloša.

303 Modimo o tsebja ka bonolo le ka kutollo ya Jesu Kriste go motho wa go se rutege kudukudu. Le a bona? E sego

thutamodimo ya gago. Ke kutollo ya Jesu Kriste. “Godimo ga leswika le Ke tla aga Kereke ya Ka.” Ga go maswika a mangwe a amogetšwego, ga go dilo tše dingwe di amogetšwego, ga go leswika le lengwe la Moroma, ga go leswika le lengwe la Protestant, ga go sekolo se sengwe, ga go selo se sengwe, eupša tlwa go kutollo ya Jesu Kriste ka Tswalo ye mpsha. O tswalwa ka kua, gomme O lahlela Bophelo bja Gagwe Mong, gomme bophelo bja gago bo ile. Gomme Bophelo bja Kriste bo itšweletša ka Bobjona ka wena, ga mafelo a pele, go batho; gore ba bona bjona Bophelo, le mediro, le maswao, le matete, ao A a dirilego, a dira selo sa go swana ka wena. Ka ntle ga fao, ka moka ga yona ebile ga se ya biletšwa go, le gatee. Šetšang kutollo ye kgolo ya Modimo e tatologa!

³⁰⁴ Ka go hloka kutollo ye ke gobaneng re ne dikarogano tše dintši tša go fapana magareng ga rena, le dikwero tše dintši kudu. Karogano ye ntši kudu magareng ga rena, ke ka gobane batho ba hloka kutollo yeo. Le a bona, ba hloka kutollo yeo, barutiši.

³⁰⁵ Paulo, ka morago ga kutollo ya gagwe ye kgolo ya Kriste, o rile, ka go Bakorinthe ba Pele, tema ya 2. Eba le nnete go bala yeo ge o e ngwala fase. Šetšang! Oo! O rile, “Ga se ka tsoge ka tla go lena ka bohlale.” Lebelelang monna yola yo a bilego le bohlale, goba, lebelelang monna yola a bilego le pasari, “Ga se ka tsoge ka tla go lena ka wona mohuta wa mantšu.” Bakorinthe ba Pele, tema ya 2 ya Bakorinthe ba Pele. Oo, ke duma . . .

³⁰⁶ Gabotse, a re nong go e bala. Ka fao . . . A le kgona go ema motsotso gomme a re baleng feela temana goba tše pedi? [Phuthego e re, “Amene.”—Mor.] Ke tla no rata go e bala gore le—le se be kga— . . . Go tla hwetša ebile batho mo theiping go retologela morago go yona, go le bjalo, go ba fa sebaka.

³⁰⁷ Bakorinthe ba Pele, tema ya 2. Theetšang moapostola yo mogolo yo mo, Paulo, mohlanka wa bohlale wa Modimo. A re lebelelang mo.

. . . Nna, Paulo, *ge ke etla go lena, ga se ka tla ka bokgwari bja polelo . . . ya bohlale, go le tsebiša bopaki bja Modimo.* Ga se ka ke ka re ke—ke nna Ngk. *Semangmang.* Le a bona?

Ka gore ke ikemišeditše go se tsebe selo magareng ga lena, ge e se Jesu Kriste, gomme yena mmapolwa.

Gomme ke be ke na le lena ke fokola, le ka poifo, le ka go roromela kudu.

. . . *polelo ya ka le—le kgopelo ya ka e be e se ka mantšu a go gokagoketša a bohlale bja motho, eupša ka tšhupetšo ya Moya le maatla . . . ya ma maatla.*

³⁰⁸ Fao, le a bona, šeo Ebangedi. Le a bona? Jesu o rile, “Eyang ka lefaseng lohle gomme le rere Ebangedi.” Ga se a re,

“Eyang le rute.” O rile, “Eyang le rere.” Ka mantšu a mangwe, “Bonagatšang maatla, gomme maswao a a tla ba latela.” Go no ruta ga go e dire. Go tšea Moya wa kgonthe ka Bowona o bonagatša maswao a. Le a bona? Theetšang se.

Gore tumelo ya lena e se ke ya ema ka bohlale bja batho, eupša ka go maatla a Modimo.

³⁰⁹ Oo, nna! Le a bona, go fetola monna! E sego ka go se nka kgonago go se hlaloša go tloga, le go re, “Ga A swane,” mola A swana. Ge ke dira seo, se a laetša, go nna, se—se. . . Ka nnete, monna o mpotša gore, o tla ntaetša ga a na kutollo, kutollo ya mamenwagararo ya Modimo. Le a bona? Bjale, gomme. . .

Golebjalo ka bofokoding. . . magareng ga lena bao ba phethagetšego: efela e sego ka bohlale bja lona lefase, eupša bja bakgoma ba lefase le, bjoo bo sa holego:

Eupša re bolela bohlale bja Modimo ka. . . sephiri, (le a bona, sephiri sa Modimo sa mamenwagararo) le bohlale bjo bo utilwego, bjo Modimo a bo beilego pele ga lefase go letago la rena:

Bjo go sego yo motee wa bakgoma ba lefase le a bo tsebilego: ga go yo motee wa baprista, borabi—borabi. . . (ntshwareleng). . . goba eng kapa eng, a tsebilego eng kapa eng ka bjona; ka gore ge nkabe ba bo tsebile, ba ka be ba se ba bapola Morena wa letago.

³¹⁰ O rile, “O phošo ka borabi le bareri fale.” Ke mang a Mmapotšego? Uh-huh.

³¹¹ Oo, pele le pele le pele, re ka kgona go ya. E baleng, le a bona, pele, go boloka nako, gobane re no ba. . . E sego go ba thari gabjale, eupša re no ba le bontši fa go bolela ge Morena a ka re thuša. Bjale, go hloka se, bjale. . .

³¹² Gomme Paulo, monna yo mogolo yo wa bohlale, ga se a ke a leka go hlagiša mareo a gagwe a magolo a thutamodimo godimo ga batho. Ka go kokobela o amogetše Lentšu la Morena, gomme o phetše Lentšu gore Le hlagišitše ka yena. O phetše bomodimo kudu—kudu go fihla ba bone Jesu Kriste ka go yena, kudu bjalo, go fihla ba nyakile sakatuku sa gagwe, go se tšea le go se bea godimo ga balwetši. Bophelo bja Kriste šebo.

³¹³ Bjale šetšang ba bangwe ba re, “Oo, gabotse, le a bona, Eliya o dirile seo, kgalekgale, o beile lepara la gagwe; eupša, oo, ao e be e le matšatši a Eliya.” Bjale, lefase le naganne seo. Baprista ba bohlale le dilo, le dikereke tša letšatši leo, ba naganne seo.

³¹⁴ Eupša go bona badumedi, ba tsebile go fapana. Ba bone kutollo ya Kriste yeo e bego e le ka go Eliya, selo sa go swana se bilego ka go Paulo, go hlagiša mohuta wa go swana wa Bophelo, gobane o be a le moprofeta. Le a bona? O boletšepele dilo tše di diregilego tlwa ka tsela ye di bego di le, gomme ba tsebile gore e be e le boitsebagatšo bja Modimo bja moprofeta. Gomme

ba tsebile gore o be a le moprofeta wa Modimo. O be o ka se kgone go ba šikinya go tloga go yona, le gatee. Ebile le ge ba bone Petro a bolelelapele dilo tšela tšeo di diregilego, ba rile, “E no dumelela moriti wa gagwe go feta godimo ga ka.” Amene! Yeo ke Kereke. Bao ke bona ba e dumelago. Ee, mohlomphegi. E utollotšwe ke . . .

315 Gobaneng Paulo a rile, “Gobane ke—ke ne Ph., LL.D., go ya pele, ba a ntumela? Aowa,” o rile, “Ke lebetše dilo tšela tšohle, bohlale bja motho,” o rile, “bo ile bja swanela go hwa, gomme ke Mo tseba ka maatleng a tsogo ya Gagwe, seo ke se ke tlogo go lena go sona, ka tšhupetšo ya maatla a Modimo?”

316 E be e le eng? Go dira Jesu Kriste wa go swana maabane, lehono, le go ya go ile. Mediro ya go swana ye Jesu a e dirilego, Paulo o dirile sa go swana. Gomme ba bone Modimo, Tate yo mogolo yo a laeditšego ka sethokgweng se se tukago, o E laeditše go Paulo, gomme še E be e laetšwa.

317 Gomme O a swana ka go lebaka le lengwe le le lengwe. Mokgwa momenwagararo wa Modimo, “maabane, lehono, le go ya go ile.” Eng? Molopolodi; ka Kerekeng ya Gagwe; maemo a pele mo Mmušong wo o tlogo. Amene! Le a e bona? Feela ka phethagalo ka fao e kgonago go ba!

318 Oo, hlokomelang! Moya wo Mokgethwa ke Moutolli a nnoši wa kutollo ye Kgethwa ya Kriste. Ga go sekolo se ka kgonago go e dira. Ga go serutegi se ka kgonago go e dira. Ga go motho, a rutegile gabotse bjang, a le bomodimo bjang, goba e ka ba eng gape, ga go motho a ka kgonago go e dira.

319 Nka tsetsemetša thata fa. Ke ba bakae e lego Bakriste, ba tswetšwego gape; phagamišang diatla tša lena, le tladišwego ka Moya wo Mokgethwa? Go lokile. Re ya fa gona. Go lokile. Hlokomelang.

320 Gomme O tla e dira feela go bakgethelwapele. Yeo ke tlwa. “Bohle Tate a Mphilego ba tla tla, gomme ga go motho a ka tlogo ntle le ge Tate a mo file go Nna pele.” Le a bona?

321 Lebelelang bona baprista, ba re, “Monna yo ke Beletsebubu. Yena ke mmolelelamahlatse. Yena ke diabolo.”

322 Gomme mokgekolo yo monnyane yola a sepela tikologong kua, a phela le banna ba tshela; o be a phela le ba bahlano, gomme o bile le wa boselela nako yeo. Gomme Jesu o rile, “Sepela o tšee monnamogatša wa gago, le tle mo.”

O rile, “Ga ke ne monnamogatša.”

323 O rile, “Ee, o na le batshela. O bile le ba bahlano, gomme yo o dulago le yena bjale ga se monnamogatša wa gago.”

O rile, “Mohlomphegi!” Eng? Seetša sela se rathile Peu yela.

324 Ge Se rathile bona baprista, ba rile, “Monna yo ke mmolelelamahlatse.” Le a bona, ga go Bophelo fao. Motswako,

go tla godimo bokgole bja mokgatlo, eupša o hwile go tloga fao go ya pele.

³²⁵ Eupša mosadi yo e be e se motswako. O rile, “Mohlomphegi, ke a bona!” Ke kgonagone go bona mahlo a gagwe a magolo a mabotse a phadima godimo ka mokgwa woo, megokgo e kitima go theoga marama a gagwe. O rile, “Mohlomphegi, ke a bona gore O Moprofeta. Ke lebeletše Mesia. Gomme ge Mesia yola a etla, O tla dira sona selo se sa go swana. O tla re botša dilo tše.”

O rile, “Ke nna Yena.”

³²⁶ O Morena! O tlogetše pitša ya gagwe. “Šo Yena! Etlang, bonang Monna yo a mpoeditšego dilo.” E be e le eng? Seetša sela se rathile Peu yela. Bophelo bjola bo be bo le fao. Bo tliile pele.

Selo sa go swana lehono!

³²⁷ Eupša moithutamodimo o tla re, “Bjale ema motsotso feela. Ke tla hwetša ge eba *Semangmang*, Modiša Moody o rile, goba . . .”

³²⁸ Modiša Moody o swanetše go dira eng ka se, letšatši le? Modiša Moody o phetše ka letšatšing la gagwe, eupša e sego bjale. Nnete. Luther o phetše ka letšatšing la gagwe, eupša e sego ka letšatšing la Wesley. Wesley o phetše ka letšatšing la gagwe, e sego ka letšatšing la Pentecost. Pentecost e phetše mo letšatšing la bona, eupša ba kgolekgole go tloga go Ye mo iring ye. Re mo iring ya mafelelo. Kgonthe.

³²⁹ Mekgatlo ya bona, le dikgogakgogano, go netefatša gore ga Le gona. Lentšu ga se la ke la hlatselwa ka go nepagala; feela ka maatleng a Lona. Dipeu, dikerekemaina . . . Gomme ba be ba dira kerekeleina, morago ba bea tšona dipeu tša kgale tša ngwang wa seloka ka gare le korong yela ya mmapale; di hwile thwi. Puno e ile go ngwang wa seloka, thwi, mebetlwa le dinnete, uh-huh, le a bona, e ile morago go woo. E hwile thwi ntle. Morago ba lemile tšhemo gomme ba thoma gape, ba bjala Dipeu tsoko tša kgonthe, gomme tše dingwe tša tšona tša rotoga, e Ē kgamile ntle.

³³⁰ Eupša ka gona, Modimo o rile, ka matšatšing a a mafelelo O tla tliša batho ba ba hlatswitšwego ka Mading a Gagwe, gomme ba be ba kgethetšwepele go ba kua. Ba swanetše go ba gona. Modimo o boletše bjalo. Gomme E tla utolla . . . Gomme lona leswao, “Ke tla be- . . .” Maleaki 4, le se a tla se dirago, “go bušetša morago gape,” go tliša morago, ka matšatšing a mafelelo, dilo tše kgolo tše A di tšhepišitšego, di tla tliša kutollo. Ke eng go . . . O swanetše go dira eng, Maleaki 4? E be e le go tliša morago Tumelo ya botate, go bana. Le a bona? Yeo ke nnete, go tliša selo sela sa go swana, Pilara ya Mollo ya go swana, ka gare go lefelotiragalo; maswao a go swana, matete a go swana, Jesu wa go swana; go Mo dira wa go swana, go Mo rera go swana, go Mo hlatsela wa go swana maabane, lehono, le go ya go ile.

³³¹ “Ke tla bušetša,” go rialo Morena, “mengwaga yohle yeo seboko sa Methodist, le seboko sa phatakalala, le Baptist, le Katoliki; gomme tšona diboko tšohle di kokona Tumelo yela—yela,” go fihla e eba kutu ya kerekeleina moo go sego dipeu di šetšego ka fale. “Eupša Ke tla bušetša gape,” go rialo Morena, “mengwaga yohle.” Eng? “Maswao ohle le matete ao ba a tlogetšego. Ke tla e iša thwi morago go Mohlare wola wa setlogo gape, gomme Ke tla E bušetša,” o rialo Morena. Moprofeta yoo e be e le moprofeta yo a hlatsetšwego. Mantšu a gagwe a swanetše go tla go phethega. Amene.

³³² Moya wo Mokgethwa, o nnoši, ke Moutolli wa kutollo ye Kgethwa ya Kriste, gomme o bile ka go mabaka ohle. Elelwang, mabaka ohle! Lentšu la Morena le tlile go mang? Moprofeta, a nnoši. Yeo ke nnete. A yeo ke nnete? Gomme moprofeta o be a swanetše go hlatselwa, pele. E sego ka gobane o rile o be a le moprofeta; gobane o be a tswetšwe moprofeta, gomme o netefaditše go ba moprofeta, gomme se sengwe le se sengwe a se boletšego se be se le tlwa go Lentšu gomme sa tla go phethega, gona se sengwe le se sengwe gape se lese se sepele. Le a bona? E bile, Lentšu la Morena le tlile feela ka Moya wo Mokgethwa. Beibele e rile, “Banna ba kgale, ba šušumetšwa ke Moya wo Mokgethwa, le a bona, ba ngwadile Lentšu.”

³³³ Lebelelang. Johane Mokolobetši o be a ka se tsebe Jesu ge nkabe e be e se ka gore Moya wo Mokgethwa o Mo šupile. A ke nnete? [Phuthogo e re, “Amene.”—Mor.]

³³⁴ Johane Mokolobetši, moprofeta yola yo mogolo yoo a tlogo pele, gomme o rile, “Go ne yo Motee o eme magareng ga lena thwi bjale. Gomme Monna wa mehleng o eme mo felotsoko, yoo ke Kwana ya Modimo.” Johane o rile, “Morago ke beile bohlatse. Ke beile bohlatse. Ke bone Moya wa Modimo, Moya wo Mokgethwa, o theoga go tšwa Legodimong bjalo ka leeba, gomme O ile godimo ga Gagwe. Gomme Segalontšu se rile, ‘Yo ke Morwa moratwa wa Ka Yo Ke kgahlwago ke yena.’”

E be e le eng? Moya wo Mokgethwa o rile, “Ke tla Mo šupa.”

³³⁵ Yeo ke tsela e nnoši o tla Mo tsebago lehono, tsela e nnoši o tla hwetšago kutollo semenwagararo ya Modimo, ke bakeng sa Moya wo Mokgethwa. Gomme tsela e nnoši e ka tsogego ya ba, ke o kgethetšwepele go e bona. Ge e sa dire, o ka se tsoge wa e bona. Ge o se wa kgethelwapele go e bona, o ka se tsoge wa e bona; gobane Seetša sela se ka phadima gomme o tla tloga le go dira metlae ka sona, le go se hlathollela thoko, ka kgopolo tsoko ya bohlae. Mola yena Modimo, Yenamong, a iponagatša Yenamong le go e netefatša, le a bona, eupša, ge go se godimo ga lena go e bona, le ka se e bone.

³³⁶ Modimo ga se a no re, “Ke tla kgetha yo motee *yo*, ka kgetha yo motee *yola*,” eupša O tsebile ka wa Gagwe... Lebaka A kgonngo go kgethelapele, gobane Yena ke mohlokamagomo,

gomme O—O tseba se sengwe le se sengwe... Yena ke mohllokamagomo, kafao kagona O tsebile se sengwe le se sengwe. O tsebile bofelo, gomme a kgona go bolela bofelo go tloga mathomong. Yena ke Modimo. Ge A ka se kgone go dira seo, Yena ga se Modimo. Ee, mohlomphegi. Yena ke mohllokamagomo. Go lokile.

³³⁷ Johane o be a ka se tsoge a Mo tseba, aowa, mohlomphegi, mola Moya wo Mokgethwa o se ke wa šupetša. Le bona ka fao Modimo a utago sephiri sa Gagwe go ba godimo, dirutegi le se sengwe le se sengwe? Lebelelang, yo mongwe le yo mongwe wa bona batho o re... mo bonolong o e utolla go yo A mo kgethetšegopele go e bona. Lebelelang mo! Ba bangwe ba eme kgauswi gomme ga se ba ke ebile ba bona leeba, ga se ba ke ba kwa Segalontšu, ka gore se rometšwe feela go Peu yela e kgethetšwegopele. Kgethetšwepele! Ka kgonthe, o be a kgethetšwepele!

³³⁸ Gobaneng, Jesaya, mengwaga ye makgološupa le lesomepedi pele a tswalwa, ka Moyeng, o phagamile godimo go tšwa go dikwi tše tša setho, gomme a re, “Go na le segalontšu sa yo a goelelago ka lešokeng, ‘Lokišang tsela ya Morena, gomme le dire ya Gagwe...’”

³³⁹ Ka gona, ge Jesaya a kgonne go e bona, a Maleaki o be a ka se kgone go bona selo sa go swana bakeng sa moprofeta wa mafelelo yo a kgethetšwegopele, go tswalela ga baprofeta bohle ba Testamente ya Kgale, yola yo mogolo... moprofeta yola yo mogolo a emego fale mo bofelong bja lebaka? Le a bona? O re o kgethetšwepele. Ka kgonthe, o bile. Maleaki o mmone, le yena.

³⁴⁰ Jesu o rile, “Ge le ka kgona go e amogela, yo ke yo a boletšwego, ‘Ke roma motseta wa Ka pele ga sefahlego sa Ka,’ Maleaki 3, ‘go lokiša tsela pele ga Ka.’” Le a bona? Nnete, o be a kgethetšwepele go bona molaetša wola. Ga go makatše ge a kgonne go lebelela ka kua gomme a bona Leeba lela le etla fase, Seetša sela se bego se le ka lešokeng le Israele, se etla, se sepelela tlase.

³⁴¹ Modimo ka Boyena, a re, “Yo ke Morwa moratwa wa Ka Yo Ke kgahlwago ke go dula ka go yena.” Modimo le motho ba e ba Batee.

³⁴² “Ke beile bohlatse,” Johane o rile, “Ke Mmone, motswalwanoši wa Tate. Ke nna hlatse ya yona.” Amene!

³⁴³ Ke lena bao. Bonolo! Ka moreri wa kgale, tatagwe; tatagwe e be e le moithutamodimo yo mogolo, le a tseba, o tšwa sekolong. Go lebega o ka re nkabe a ile morago go kerekeleina ya tatagwe. Yeo e be e ka se be thato ya Modimo.

³⁴⁴ Ge Modimo a mo kgwathile tswalong ya gagwe morago kua, gomme o amogetše Moya wo Mokgethwa dikgwedi tše tharo pele a tswalwa. Ee, mohlomphegi. Ge Maria a ile godimo kua, gomme Johane yo monnyane o be a le dikgwedi tše tshela bogolo, ka

popelong ya mmagwe, gomme ga se a ke. . . Tšona digoba tše dinnyane ga se nke tša šutha le bjale. Gomme Maria o be a boifa. . . Digoba tše dinnyane di be di gola, eupša o be a sa kgone go kwa bophelo, Elisabetha, mmagwe, a ke re. Gomme ge Maria a etla godimo le go mo tlimarela, le go mo gokara, a bea matsogo a gagwe, a bea diatla godimo ga gagwe. Le a bona? Gomme o rile, “Modimo o boletše le nna, gomme ke ya go ba le Lesea, le nna.”

“A wena le Josefa le nyalane?”

“Aowa.”

“Maria, se se ka ba bjang?”

345 “Moya wo Mokgethwa o tla nkukamela, gomme go tla hlolwa ka go nna. Gomme ke tla bitša Leina la Gagwe ‘Jesu.’ O tla ba Morwa wa Modimo.”

346 Gomme ka pela ge Lentšu lela ‘Jesu’ le boletšwe, Johane yo monnyane o thoma go tshela, le go goelela, le go taboga go dikologa ka popelong ya mmagwe.

347 O rile, “Morena Modimo a šegofatšwe! Gobane mme wa Morena wa ka o tšwa kae?” Mmago Morena wa ka! Oo, nna! “Mmago Morena wa ka o tšwa kae? Ka gore, ka pela ge tumedišo ya gago e etla ka ditsebeng tša ka, lesea la ka le tshetše ka popelong, ka lethabo.”

348 Ga go makatše ga se a nyaka seminari, se sengwe go mo tlwaetša ka sengwe, se sengwe. O be a na le mošomo wo bohlokwa. O be a le monna wa lešoka, o ile ntle ka lešokeng le go leta. Modimo o mmoditše ntle kua, o rile, bjale, le go utolla go yena. Oo, kutollo ya gago šeo gape! “Gomme Ke tla go botša Yo A lego. O moprofeta. Lentšu ke la gago. O a tseba o mang. O swanetše go tla.” Seo se araba potšišo go tšwa Lamorena la go feta. Le a bona? “O a tseba o mang, Johane. Ikhomolele wenamong; o se boleme selo. Eya pele ntle kua. Gomme ge o bona yo Motee yo, go tla ba leswao le le tšwago Legodimong, bjalo ka Seetša, leeba le tla tla fase. Yoo e tla ba Yena ge o Mmona.”

349 Ke ka lebaka leo, ge Jesu a sepeletše ntle ka meetseng, Johane o lebeletše godimo gomme o bone leeba lela le etla fase, o rile, “Bonang Kwana ya Modimo! Yena šole! Ke Yena yoo a tla tlošago sebe sa lefase.”

350 Jesu o sepetše thwi go otlologa ntle ka meetseng, go yena. Wona mahlo a mabedi a Johane a kopane le wona mahlo a mabedi a Jesu. Ba be ba le bomotswala ba bobedi, ka nama. Maria le Elisabetha ba be ba le bomotswala ba pele. Mahlo a bona a kopane seng sa bona. Go be go le Modimo le moprofeta wa Gagwe, amene, ba eme fale.

351 Johane o rile, “Ke hloka go kolobetšwa ke Wena. Gobaneng O etla go nna?”

352 Jesu o rile, “Lesa go be bjalo bjale, eupša, elelwa, kagona go a re swanela go phethagatša toko yohle.”

353 Gobaneng Johane a e dirile? Gobane O be a le Sehlabelo. Johane e be e le moprofeta, o tsebile; gomme Sehlabelo se swanetše go hlatswiwa pele Se neelwa. Oo! Oo! Gomme o Mo dumeletše, gomme o Mo kolobeditše.

354 Gomme ge a dirile, bonang, Magodimo a bulegile, oo, nna, gomme leeba lela la tla fase godimo ga Gagwe, gomme Segalontšu sa re, “Yo ke Morwa moratwa wa Ka Yo Ke kgahlwago ke go dula ka go yena.” King James e a e bea, “ka go Yena Ke kgahlwago ke go dula.” Kafao e no ba tsela e ka ba efe o nyakago go e retolla go dikologa, selo sa go swana, “dula ka gare,” goba . . . “Yo ke Morwa moratwa wa Ka yo Ke kgahlwago ke go dula ka go Yena,” goba, “go dula ka go yena,” e ka ba efe o nyakago go e bea, selo sa go swana. Go lokile.

355 Re a bona nako yeo e be e utollotšwe go yena. Ba bangwe ba eme fale ga se ba kwe selo ka yona. Moya wo Mokgethwa, o nnoši, o a e utolla.

356 Go swana le ge A ikutolla Yenamong go Paulo, Peu ye nngwe ye e kgethetšwegopele.

357 Go be go le Paulo a eya go dikologa, a ka no ba a rile, “Ge nka swara sehlopha sela, ke tla ba kgeiganya diripana, gobane ke nna Ngk. Saulo. Ke tla godimo ka tlase ga Gamaliele. Ke tšwa go Moody Beibele . . .” goba yo mongwe, le a bona. “Nna, ke nna serutegi. Ke tseba se ke bolelago ka sona. Ke tla kgeiganya sehlopha sela sa bapshikologibakgethwa diripana. Gomme ke a go botša, tate yo mogolo yo mokgethwa, o no mpha tumelelo go ya tlase fale, gomme ke tla golega yo mongwe le yo mongwe wa bona badiralešata tlase kua. Dilo tšohle tše tša phodišo Kgethwa, re tla e emiša.”

A le bea ka potleng ya gagwe, a re, “Ke tseleng ya ka go theoga.”

358 Gomme letšatši leo, nna, e ka ba ka iri ya lesometee mosegare, se—se Seetša se phadimile ka sefahlegong sa gagwe, gomme o wetše lefaseng.

359 Gobaneng? O be a le Peu ye e kgethetšwegopele. Modimo o rile, “Ke mo kgethile. Ya. Gomme Ke ya go mo laetša dilo tše kgolo tše a tla di tlaišegago bakeng sa Leina la Ka. Ke tla mo romela go Bantle, le go mo nyenyefatša ka tsela ye nngwe le ye nngwe ba ka kgonago go—go gobošwa, eupša efela o tla rwala Leina la Ka.”

360 Paulo o ile tlase, nako yeo, go fihla a hwetša dilo tšohle tša gagwe tša bokereki di ripilwe go tloga go yena, tlase ka lehlakoreng la morago la leganata, lebaka la mengwaga ye meraro le seripa. Tlase kua ka Arabia, go fihla a ithutile Lentšu, gomme Lentšu la ba yena. Gomme a ba mogolegwa; šo o tla morago ka diketane tša lerato! “Boitemogelo bjohle bja ka bja seminari bo ile! Ke nna mogolegwa go Jesu Kriste. Amene!

Filimone, ngwanešu wa ka, ke nna mogolegwa wa Jesu Kriste. Ke kgona feela go bolela le go bolela se A mpotšago.”

³⁶¹ Modimo o hloka bagolegwa lehono bao ba tla ikgolegago ka bowena go thato ya Gagwe, go Lentšu la Gagwe.

³⁶² Seo ke se Paulo a bilego. Ga go kgathale o ithutile bohlale gakaakang, o tsebile Modimo ka kutollo. Ee, mohlomphegi. Bohlale bo ile tsela yohle go tšwa kgwebong nako yeo, ge kutollo e etla; yeo, godimo ga leswika Kereke e agilwe. Ee, mohlomphegi. Hlokomelang, o be a le Peu ye e kgethetswego pele.

³⁶³ Moya wo Mokgethwa, o nnoši, o go bontšha ke Yena Mang. Ga go motho; ba tla go dira “Tate, Morwa, le Moya wo Mokgethwa,” le se sengwe le se sengwe gape, go tšwa go yona. Le a bona? Eupša Moya wo Mokgethwa o tla Mo utolla bjalo ka ge Morena Modimo wa Legodimo a dirwa go bonagala, gore seo ke, oo, Yena!

³⁶⁴ Bjale hlokomelang. E sego baprofeta, e sego dikgoši, e sego selo gape; eupša mo, lekga la mathomo, Modimo o utolotšwe ka go Kriste, ka botlalo bja Bomodimo mmeleng, ka nameng ya motho. Yeo ke kutollo. Oo, nna! Ke ya go le opelela temana bjale:

Ditšhaba di a thubega, Israele e a tsoga, (A ba a dira?)

Maswao ao baprofeta ba a boleletšegopele;
Bantle (kereke ka go kerekeleina,) matšatši a
bona a badilwe, ka tšhitišo ya letšhogo;
“Boang, O bašwalalanywa, ga lena beng.” (O
ragelwa ka ntle ga bona.)

Letšatši la topollo le kgauswi,
Dipelo tša batho di palelwa ka letšhogo;

³⁶⁵ Metlae yohle ya bona ya Hollywood ga e le khupetše. Boka mošemane yo monnyane a letša molodi, a eya go feta serapa sa mabitla bošego. Le a bona?

Tlatšwang ka Moya, mabone a lena a gotetše le
go bonagatša,
Lebelelang godimo! Topollo ya lena e kgauswi.

Baprofeta ba maaka ba a aketša, Lentšu la
Modimo ba a le gana,
Gore Jesu Kriste ke Modimo wa rena; (Yeo ke
nnete.)

Moloko wo o gana kutollo ya Modimo,
Eupša re sepela moo baapostola ba gatilego.

Letšatši la topollo le kgauswi,
Dipelo tša batho di palelwa ka letšhogo;
Tlatšwang ka Moya, mabone a lena a gotetše le
go bonagatša,
Lebelelang godimo! Topollo ya lena e kgauswi.

³⁶⁶ Hwetša kutollo, ngwanešu. Moloko wo, o gana kutollo ya Modimo! Le a bona? Baprofeta ba maaka ba dira seo. “Le tla ba tseba ka dikenywa tša bona.” Bona ke—bona ke motswako. Ba tswakane ka go mokgatlo; sebakeng sa Lentšu la Modimo, kutollo ya Modimo e ikutolla Yenamong ka Kriste, Yo e lego Lentšu. Oo, nna!

³⁶⁷ Re ka kgona go ema mo, eupša ge . . . go tla gape ge ke bowa morago, ge le nyaka. Bjale go na le . . . Le nyaka go ya pele, seo se tšwa go lena. [Phuthego e re, “Amene.”—Mor.] Go lokile. Feela gannyane . . . Ke tla potlaka, kafao, eupša go tšea nako go lekanela gore le tla . . . Le ne nako ye nngwe go khutša, morago ga se. Go lokile.

Go swana, hlokomelang, Peu yela e kgethetšwego pele!

³⁶⁸ Moya wo Mokgethwa, o nnoši, o go bontšha Yo A lego; ga go baprofeta goba dikgoši tša Gagwe. Gomme fa Modimo o bonagaditšwe nameng. Botlalo šebo. O utolotšwe ka go felela le go dirwa go tsebja go lefase. Oo, nna!

³⁶⁹ Lebelelang godimo ga Thaba ya Phetogelo, ge bopaki bja Modimo Yenamong, “Yo ke Morwa moratwa wa Ka. Ekwang Yena!” Fale go be go eme Moshe a emela molao. Fale go be go eme Eliya a emela baprofeta. Eupša O . . . Ba fetile, gomme O rile, “Yo ke Morwa moratwa wa Ka. Mo kweng!” Go bile ba bararo ba emetšwe fale; molao, baprofeta, le Mo- . . . le Kriste. Gomme O rile, “Yo ke Yena.” Modimo, ka botlalo; e sego go bonagatšwa ka go baprofeta, e sego go bonagatšwa ka molao; eupša go bonagatšwa ka go Kriste, ke Yena.

³⁷⁰ Kriste o na le kgaogelo. Molao o go bea ka kgolegong, eupša ga o kgone go go ntšha. Baprofeta ke toka ya Modimo, go go ahlola le go go bolaya bakeng sa yona. Yeo ke nnete. Eupša Jesu o be a le lerato le kutollo ya Modimo, go dira go tseba, go Peu ye e kgethetšwego pele, ye A go bileditšego yona. “Yo ke Yena. Mo kweng!”

³⁷¹ Tseba! Botlalo bja Bomodimo bo dirwa go tsebja. Sephiri se sa sephiri bjale se utolotšwe, gore Modimo o bonagaditšwe. Modimo le motho ba ba Batee, Monna yo a tloditšwego, Kriste! *Kriste* go ra eng? “Yo a tloditšwego,” Motlotšwa yo a tloditšwego ka botlalo bja Bomodimo mmeleng. Oo, nna! Batho ba ka kgona bjang go e belaela?

³⁷² Moo gatee, seripa, Moshe o bile le Yena; seripa, Dafida o bile le Yena; oo, nna, eupša šo O bonagaditšwe ka botlalo, Bomodimo Yenamong a eme lefaseng. Modimo, ka botlalo bja Gagwe, go hwela sebe sa batho, gore A tliše go Kereke ya Gagwe Bophelo bjo bo hlwekišitšwego; gore A be le lefelo la pele, ka botlalo, ka Kerekeng ya Gagwe, go bonagatša tšhepišo ye nngwe le ye nngwe ka go matšatši a a mafelelo, yeo A e tšhepišitšego go matšatši a mafelelo. Le a bona? Se se bego se le . . .

373 Theetšang bjale. A le dirile? Bjale nno itšipa wenamong gannyane bjale. Šetšang.

374 Jesu o bonagadišwe bakeng sa eng? Go bontšha Modimo. O be a le Modimo. O be a swanetše go ba; ga go motho a ka hwago, ga go moprofeta a ka hwago. O be a le Modimo. O be a le Modimo wa baprofeta. O be a le baprofeta. O be a le dikgoši. O be a le histori. O be a le Yena yoo a bego a tla tla. Yo a bego a le gona, Yo a lego gona, le Yo a swanetšego go ba ka letšatšing le; wa go swana maabane, lehono, le go ya go ile. O bonagadišwe bakeng sa morero woo.

375 Gomme ka morero woo O ile a fihlelela Kereke, gore Yena, botlalo bja Modimo, a tliše go phethega Lentšu le lengwe le le lengwe le tshepišitšwego la Modimo ka matšatšing a a mafelelo; ge A hwetša mafelo a pele, lefelo la pele ka Kerekeng, maemo, lefelo la Gagwe ka Kerekeng. Jesu o rile, “Yo a dumelago go Nna, mediro ye Ke e dirago o tla e dira le yena; le ye e fetago ye o tla e dira, ka gore Ke ya go Tate wa Ka.” Le a bona, woo e be e le morero wa Gagwe. Ponagalo e be e le fao. Gomme bjale, lehono, O nyaka go hwetša yo mongwe yo a ka kgonago go e bona, gore ba ka kgona go dumelela Lentšu . . .

376 Le a bona, Jesu o e bone bjalo, o tswaletšwe ka phethagalo bakeng sa letšatši, go fihla Modimo a hlagišitše mosepelo wo mongwe le wo mongwe woo A o dirilego. O be a le kutollo ya Modimo; Modimo, a utolotšwe.

377 Bjale O hlwekišitše, ka Moya wa Gagwe le Madi, Kereke, gore A ke a dire tshepišo ye nngwe le ye nngwe mo letšatšing le la mafelelo go utollwa. Bjale, le a bona, A ka kgona go ya morago le go topa se baisesa ba bangwe ba ba se tlogetšego mo, ka matšatšing a mafelelo, gomme ka Moya wo Mokgethwa wa Gagwe a utolla sephiri sohle sa Mahuto a Šupago. Le a bona, O itlhagiša Yenamong. Woo ke morero wa Gagwe. Ke ka lebaka leo A hwilego. Leo ke lemeno la bobedi la ponagalo semenwagararo ya Gagwe. Sa pele, go itlhagiša ka Boyena ka go Kriste, morago a itlhagiša ka Boyena ka Kereke. Gomme selo sa go swana, Kriste o be a le Lentšu, gomme Kereke e ba Lentšu ge e dumelela Lentšu go ya go ba kgabola.

378 Eupša ge ba amogela kerekeleina ya motswako, Lentšu le ka kgona bjang go e kgabola? E epetšwe, ka gona e hlola šote le go thuntšha fiose. Le a bona?

379 Eupša ge moela o ela ka go lokologa, Lentšu la Modimo, Le itlhagiša Lonamong. “Mediro ye Ke e dirago le tla ba yona, le lena.” Gomme ka matšatšing a mafelelo go tla tla go phethega: “Bonang Ke le romela Eliya moprofeta, gomme o tla bušetša dipelo tša—tša bana morago go Tumelo ya botate.”

380 Gomme ka kua, go be go tla ba nako ye e tlogo pele ge A be a ka kgona go itlhagiša Yenamong ka botlalo bja Bomodimo bja Gagwe, Bomodimo, ka Kereke ya Gagwe, go ba le mafelo a pele

ka Kerekeng ye. Oo, nna! Eng? Monna yo a tloiditšwego; bjale batho ba ba tloiditšwego; oo, nna, go tliša morago Monyalwa yo a tloiditšwego le Monyadi. A tloiditšwe ka (gobaneng?) go amogela se Efa a se gannego, le Adama; go tlang morago ka tlotšo ya Lentšu, gobane O rile, “Lentšu la Ka ke Moya.” Le a bona, go tlotšwa ka Lentšu. Se Efa a se gannego, O tla morago gomme re a amogela.

³⁸¹ Le bona ka fao seemo sela sa motswako, gape, feela tlwa se a se dirilego Efa.

³⁸² O boditše Efa, “O se ke wa dira *se*, gomme o se ke wa dira *sela*; gomme o ka kgona go dira *se*, le *sela*.”

³⁸³ Gomme Sathane o rile, “Oo! O a tseba . . .” Eupša o retologile go dikologa le go mo theetša.

³⁸⁴ Eupša Efa mo letšatšing la mafelelo ga a ye go e dira, gobane O kgethetšwepele go se e dire. Ee, mohlomphegi. Modimo o ya go e dira. O a tseba. O tla ba le yona. O rile ya Gagwe, lefelo . . . “Kerekeng e tla ba gona ntle le sepatso le lengalatsepa.” O ya go ema kua ka go bothakga bja Gagwe, Lentšu la Gagwe le dirilwe go bonagala.

³⁸⁵ O tla ba seka go lefase. O tla ba mo- . . . O tla ba se sengwe go lefase seo lefase le ka kgonago go se lebelela le go re, gabotse, lefase ka moka le re, “Aa, Ke mopshikologimokgethwa. Ke motswala wa bobedi. Ga se wa sehlopha sa rena.” Ke a tseba. Seo ke selo se sebotse, le a bona. Ke—Ke wa Sehlopha se godimo *mo*.

³⁸⁶ Monna o boletše letšatši le lengwe, go nna, a eme le go bolela, o rile, “Gabotse, o wa kerekeleina efe?”

Ke rile, “Ga e gona.”

“Eng?”

“Ga e gona.” Ke rile, “Ke nna wa Mmušo.”

“Gabotse, o tšoena woo bjang?”

“Ga o o tšoene. O tswalelwa ka go wona.” Uh-huh.

“Ke Mmušo ofe woo?”

Ke rile, “Mmele wa sephiri wa Jesu Kriste.”

³⁸⁷ “Ka Moya o tee re kolobeletšwa ka Mmeleng wo,” re tswetšwe ke Moya wa Gagwe, gona re ba Mmušo. Gomme maphelo a rena ga se Maamerika, ga se rena Majeremane, ga se rena selo; re Bakriste. Re dudišegile, le go sepela ka Moyeng, lekgoba la lerato. Go tšwa go dilo tša lefase, le ditokelo tša rena go ya lefaseng, re rekišitše ntle le go reka Pheta ye ya Theko ye Kgolo, le go sepela le go dumelela Moya wo Mokgethwa go iponagatša Wonamong. Seo ke se Kereke ya Gagwe ya kgonthe e lego. Seo ke se o lego sona, se ke lego sona, ge re ka itira ka borena go ya le go direla Modimo, gomme ka Lentšu la Gagwe, gomme e sego ka se thutotumelo tsoko e se bolelago.

³⁸⁸ Hlokomelang, Monna yo a tloditšwego, Kriste Yenamong o mo, O Modimo, o dirilwe go tsebja. Eupša bjale, lebelelang, eupša—eupša bjale (Mmalo!) O na le mafelo a pele. Modimo o bonagaditšwe ka botlalo, ka go Jesu Kriste, sephiri se segolo sa Modimo sa kutollo ya Gagwe.

³⁸⁹ Seetša se segolo se sa kutollo ka mehla se foufaditše bohlale bja lefase le.

³⁹⁰ Ka matsatšing a Jesu Kriste, ge A be a le mo lefaseng, ba—ba be ba ba fougaditše. Ba rile, “Gobaneng, ebile o itira Modimo wenamong! O itira wenamong go lekana le Modimo!” O be a no se lekane le Modimo; O be a le Modimo Yenamong. Le a bona, ga ba e hwetše. Gomme etse, ba bangwe ba lena ba ka . . .

³⁹¹ Ke kwele baganamodimo nako ye nngwe ba mpoditše gore Jesu ga se nke a re O be a le Morwa wa Modimo. Ka nnete o dirile. Ka nnete o dirile. O no se tsebe Beibele ya gago. O rileng go mosadi mo sedibeng? Le a bona? O mmoditše eng?

³⁹² “Ke a tseba Mesia o etla. Gomme ge A etla, O tla dira dilo tše.”

O rile, “Ke nna Yena, gomme ke bolela le wena.”

Gomme go Paulo, gape, le ba go fapana.

Hlokomelang. Eupša bjale Kereke e ne lefelo la pele.

³⁹³ Sephiri se segolo sa Modimo ka mehla se fougaditše bohlale bja lefase. Ga ba kgone go se hwetša. Ba no se se kwešiše. Sathane ga a se kwešiše. Ga go le o tee wa bohle ba bona a se kwešišago, eupša feela bao ba kgethetšwegopele go se kwešiša, ka fao Modimo le Kriste ba lego Batee. Ba tla Mo dira ba bararo nako le nako. Le a bona? Ka kgonthe ba tla dira.

³⁹⁴ Hlokomelang, sa go latela, sa bobedi, Kriste yo a bonagaditšwego ka go lena, kholofelo ya letago. Yo mogolo yola, Modimo yo a bonagaditšwego ka go Kriste; bjale Kriste o bonagaditšwe ka go lena.

Re tla hlaganela.

³⁹⁵ Lebelelang! Se se kile sa ba sephiri se segolo sa Modimo, sephiri se segolo sa sephiri ka monaganong wa Gagwe, bjale se beilwe ka dipelong tša modumedi, ke gore, Mmele wa Kriste. Se se kilego sa ba sephiri se segolo sa Modimo ka monaganong wa Gagwe, pele ga motheo wa lefase, bjale se dirwa go bonagala. Nagana ka yona, mogwera. Oo, oo, ke nna . . .

³⁹⁶ Ke na le nnete ga re dire, ga re e hwetše. Gabotse, ga—ga ke kgone go e bona ka tsela ye ke swanetšego, gomme—gomme ke na le nnete ga le dire. Le a bona?

³⁹⁷ Eupša sephiri se segolo sa Modimo, se Modimo wa Gosafelego a bilego le sona bjalo ka sephiri, bjale se phutholotšwe ka go Jesu Kriste, morago sa fiwa thwi tlase go Kereke ya Gagwe. Se se kilego sa ba ka monaganong wa

Modimo bjale se ka Mmeleng wa Kriste. Jesu a dira lerato go Kereke, Monyalwa wa Gagwe, a sebela diphiri go Yena.

³⁹⁸ O tseba ka fao o botšago mosadimogatša wa gago dilo, o a tseba, mosetsana yo monnyane o yago go mo nyala. O mo rata kudu, o no mmošša diphiri, le go mo tliša godimo kgauswi le wena, le go go rata le se sengwe le se sengwe. O tseba ka fao go lego.

³⁹⁹ Seo ke se Modimo, Kriste, a se dirago go Kereke. Le a bona? O Mo dira a tsebe diphiri, feela diphiri. E sego bofeane; ke ra Mosadimogatša wa Gagwe (Le a bona? Go lokile, bjale lebelelang.) o a tseba, ka go ba le kutollo ya sephiri sa Gagwe e dirilwe go tsebja go bona, ka mogau wa Gagwe! Mogau wa Modimo bjang! Batho, ke a e tseba. . . Ke a holofela ga le nagane se se kwagala setho, go se—se sehlopha sa batho, goba *se, sela*; eupša sephiri seo Modimo a se abelanago le Kereke ka moka, ge ba ka no se amogela. Le a bona? Ga e re feela nna goba feela wena. E ra Kereke, yeo A—A lekago go tsena ka go yona.

⁴⁰⁰ Gomme o re, “Gabotse, gobaneng ba sa se amogele?” Ba ka se kgone go se amogela. O boletše, gape, O boletše dilo tše. “Gomme ba ka kgona bjang?” Gobane Jesaya o rile ga ba kgone go e bona. Le a bona? Gomme ka mehla O rile. . .

⁴⁰¹ Moprofeta Paulo o rile, “Ka matšatšing a mafelelo batho ba tla ba hlogothata, monagano wa godimo, barati ba maipshino go feta barati ba Modimo, barobadikwano, baphari ba maaka, ba go se itshware, le banyatši ba bao e lego ba go loka; ba hlogothata, ba menagano ya godimo, le a bona; ba na le sebopego sa bomodimo, eupša ba gana Maatla a bjona; go ba babjalo retologa o tloge. Ka gore wo ke mohuta wo o yago go tloga ntlong go ya ntlong, gomme o hlhla basadi ba ditlaela, ba gogwago ke dikganyogo tša mehutahuta,” ka dišothi, le moriri wa go kotwa, le se sengwe le se sengwe gape. “Ba išwa kgole ka kganyogo ya go fapana, gomme ba re, ‘Go lokile. Oo, ba tshereane ntle kua. Le se ke la lefa. . .’” Le a bona? “Ga ba tsoge ba kgona go tla go tsebo ya Therešo. Gomme banna ba ba E ganeditše, bjalo ka ge Jamboro le Janne ba emelane le Moshe,” ba kgona go tšweletša kereke, le go tšweletša sehlopha sa batho. Ee, mohlomphegi.

⁴⁰² “Eupša bošilo bja bona bo tla dirwa go bonagala,” ge Jesu a tšea Monyalwa wa Gagwe gomme a Mmea godimo mo, gomme o rile, “Yo ke Yena,” gomme šole O ya le Yena. Yeo ke nnete. Gomme bošilo bja bona bo tla dirwa go tsebja.

⁴⁰³ E lebelelang, go beng le kutollo ya sephiri se se dirilwego go tsebja go bona ka mogau wa Gagwe! Lebelelang! Ge kutollo ye kgolo ye, sephiri se se utolotšwego, se dirwa go tsebja go wena, gona o ganetša dilo tšohle tša lefase.

⁴⁰⁴ Bjale ke ya go tla morago gatee gape. Le nna nka no se bolela, ke šupa go sona, lebaka la theipi, le bao ba yago go kgabaganya; theipi ye e ya go kgabaganya lefase. Le a bona?

405 Lena basadi ba le tleleimago gore le na le kolobetšo ya Moya wo Mokgethwa, gomme le se nago sebetse go tlogela moriri wa lena go golela ntle; ge Beibele e e ahlola le go re wa mosadi. . . monna o na le tokelo ya go lahla mosadi wa gagwe ka tlhalo ge a kota moriri wa gagwe. A hlomphele pele ga Modimo, go dira bjalo. Beibele e rile, ge a ripa moriri wa gagwe, o nyatša hlogo ya gagwe. Gomme e tlwaelegile; feela, le a tseba, se selo e ka ba sefe sa kgale sa tlwaelo se lego, go mosadi ebile go rapela ka moriri wa go kotwa. Le a bona?

406 Ba apere dišothi, le dileka tše, le dilo! Beibele e rile, “Mosadi e ka ba mang a ratago,” (oo, o re. . .) “yoo a aparago seaparo se se swanago le sa monna, ke makgapha go Modimo,” ditšhila, tšhila, go swana le ntlwanabohlapelo ya kgale ya go nkgaga felotsoko. Le a bona? Oo, nna! Tšhila ka dinkong tša Modimo! Gomme ka gona o leka go rapela goba go neela dithapelo ka go selo se sebjalo ka seo? Modimo o a se gana, o a se gana. Yeo ke nnete.

407 “Gabotse,” o re, “bjale ema motsotso, Ngwanešu Branham, o bolela ka Testamente ya Kgale.”

408 O a swana maabane, lehono, le go ya go ile. Ke kutollo ya go tlala ya Modimo. Modimo o kile a bolela e ka ba eng, A ka se tsoega a e fetola. Ka mehla O a e godiša, e sego go e fetola. Molao o be o godišwa, o sa fetolwe. O godišwa!

409 “Mang le mang a dirago bootswa o tla ba molato wa lehu, eupša mang kapa mang,” bjale o godišitšwe, “a lebelelago mosadi go mo kganyoga!” Ga se nke A fetola molao. O o godišitše.

410 “Elelwang letšatši la sabatha; le boloke le lekgethwa,” letšatši le lengwe mo bekeng; bjale O e godišitše, “khutšo” e tšwa go bolokeng Moya wa Modimo. “Kokwane godimo ga kokwane, le mothalo godimo ga mothalo; fa gannyane, le fale gannyane. Tiiša seo se lokilego. Gobane ka dipounama tša go kekeretša le maleme a mangwe Ke tla bolela le batho ba. Gomme yeo ke khutšo. Yeo ke go lapološa go tšwa Bogoneng bja Morena.”

411 Gomme efela ga se ba E kwa, gomme ba phagamišitše dihlogo tša bona le go sepela, bakeng sa dikerekemana tša bona. Uh-huh. “Ye ke go lapološa,” le a bona, go godiša letšatši la sabatha; go lena Masabatha, le go ya pele. Oo, nna! Ga A fetole. O a e godiša. Hele e phatlaladitše dikgoro tša gagwe go ba amogela.

412 Bjale, le kgona go bona bjale, Molaetša wa nako ya bofelo, gobaneng O gannwe. A le ka kgona? [Phuthego e re, “Amene.”—Mor.] Bjale, ga go kerekeleina, eupša kutollo ya sephiri sa Gagwe. Le a bona, ga go kerekeleina. Kutollo! Modimo ga a tsebje ka kerekeleina. O tsebja ka kutollo.

413 Lebelelang! Modimo ka Mmeleng wa Gagwe, Kriste; le Kriste ka Mmeleng wa Gagwe, Monyalwa. Oo-oo-oo, nna! Modimo a dirwa go bonagala ka go Kriste; Kriste a dirwa go bonagala ka go Monyalwa! Gomme bjalo ka ge Modimo a tšere go

tšwa mmeleng wa Adama, mosadi, gomme a wa; morago Modimo o tšere go tšwa mmeleng wa Kriste, nama ya Gagwe, Mmele wa Gagwe, e lego Lentšu la Gagwe, gomme o tliša Monyalwa ntle yo a ka se wego ka kerekeleina goba thutotumelo. Aowa, mohlomphegi. Eupša O tla morago ka la go hlweka, la go se otswafatšwe Lentšu la Modimo le bonagatšwa.

414 Ke a holofela monna yo mongwe le yo mongwe yo a kwago theipi ye, le mosadi yo mongwe le yo mongwe, o tla kwešiša seo. Le a bona?

415 Ke Efa wa bobedi, eupša Yena ga a robe le—le go senya dikhethe tša Gagwe tša bohleweki le bokgethwa, go Monnamogatša wa Gagwe. O tla dula le Lentšu la Gagwe go sa kgathale se e ka ba mang a se bolelago. O ka kgona go ba le mesepelo yohle ya mohlakanelwa o nyakago, le boingwadišo bjohle.

416 Gomme ba ya go tliša tlhomaro godimo, gabotse ka pela, le go tswalela dikereke tšohle. Le bona seo. Gomme dikereke boka tše, tše e sego kerekeleina, ba tla di šomišetša ntlopolokelo, e ka ba eng. Gomme ge motho e ka ba mang a eya le go neela thapelo bakeng sa e ka ba mang gape yoo a sego wa mosepelo wa ekonomi, o tla thunywa mo lefelong. Yohle e komana. Modiredi yola wa Molutheran, hlogo ya yona, o boletše bjalo. Gomme e thwi fa, le ka e bala thwi fa ka go kgatišobaka ya lena. Nnete.

417 Ga go dire phapano ye e itšego se ba se bolelago, Kereke yela e tla ema therešo ka ntweng. O šetše a e netefaditše morago mošola, gomme O tla e dira gape ka sefahlegong sa se sengwe le se sengwe. Ke Lentšu la Modimo. Gomme a nke ka moka ditshepedišo tša mohlakanelwa le se sengwe le se sengwe gape di tloge. O ya go ba Kua ntle le sepatso le lengalatsepa. Yeo ke nnete. O tla ema kua.

418 Hlokomelang, Modimo o iponagaditše Yenamong ka mmeleng wa Gagwe, Kriste. Bjale le bona momenwagararo, selo se sebotse?

419 Kriste ka Mmeleng wa Gagwe, Kereke, a hlatsela Lentšu la Gagwe le le tshepišitšwego, go swana le ka fao Modimo a dirilego ka Kriste.

420 “Ke mang a kago go Nkahlola ka sebe? Ge Ke sa dire mediro ya Tate, gona Ke—Ke paletšwe kae? Bjale lena baisesa le bolela gore le a e dira, lena kerekeleina bjale, bjale Mpontšheng. Ya. Mpontšheng mo Ke palelwago go ba Mesia. Bontšhang moo Ke paletšwego, go leswao le letee leo Modimo a rilego Mesia o tla le dira, gore Nna ga se ka e phethagatša,” O boletše. Le a bona? Modimo ka mmeleng wa Gagwe.

421 Bjale Kriste, “Mediro ye Ke e dirago le tla e dira le lena.” Le a bona, le a bona, Modimo wa go swana. Le a bona? “Mediro ye Ke e dirago le tla e dira le lena; bontši go feta wo, gobane Ke ya go Tate wa Ka,” Kereke e tla ba boteletšana gannyane ka Seetšeng,

le a bona. Go hlatsela Lentšu la Gagwe le le tshepišitšwego. Bjalo ka ge Modimo a dirile ditshepišo tša Gagwe ka mmeleng wa Kriste, kafao Kriste o dira mediro ya Gagwe ya go swana ka go Mmele wa Kriste, Kereke, le a bona, bjale go dira sephiri sa Gagwe go tsebja go Mohlare Monyalwa wa Gagwe mo letsatšing la mafelelo, go tliša pele dikenywa tše di bego di le ka Mohlareng mathomong.

422 Šetšang, mohlare o hloga lekala, Lutheran. E dirile eng? Ge mohlare o thoma go tla godimo, mo go tla kenya e etla godimo le wona. Go diregile eng? Ba e dira kerekeleina. Ka fao motheni a tla kgauswi, Tate, Molemi, gomme a ripa yeo, a re, “E hwile.”

423 Godimo go tllile Wesleyan; e dirile gabotse go tla godimo. E dirile eng? Kenya e ile thwi morago ka mohlareng gape, kafao O ripile morara, o hwile.

424 Mpontšheng e tee, kereke e tee. . . Ke nyaka go tseba. Ke ne mengwaga ye masometharo tharo ya histori ya kereke. Mpontšheng nako e tee, lefelo le letee, moo kereke e ka ba efe e kilego ya kगतlofatšwa yeo e sego ya hwa lefelong. Mpontšheng lefelo le letee ba kilego ba tsoga gape, ka ntle ga feela dinomoro le dilo, e sego tsošeletšo. Le a bona? Ga e gona. Aowa, mohlomphegi. O ile o ile.

425 Kafao Molemi o dirile eng? O tllile kgauswi le go e thenela. Le a bona? O tlišitše pele kenya ya kerekeleina; diswiri godimo ga mohlare wa monamune, kafao O o thenetše, le a bona. O o tlišitše pele, o bolokilwe.

426 Eupša pelo ya mohlare e kae? Thwi ka bogareng. Gomme O di thenetše tšohle go theoga, go fihla thwi ka ntlhoreng. . .

427 O na le Peu tlase mo ka modung. Boka mohlare wo o bjetšwego dinokeng tša meetse, yo a tšego melao ya Modimo le lerato ka pelong ya gagwe. “Gomme o tla ba bjalo ka mohlare,” Pesaleme 1, “o bjetšwego dinokeng tša meetse; matlakala a gagwe a ka se pone; ka sehla sa gagwe o tla enywa kenya ya gagwe.” Gomme še yona thwi. . .

428 Gomme kenya e butšwa kae ka pela? Ka ntlhoreng ya mohlare. Gobaneng? Seetša se godimo ga wona. Amene! Yeo ke nnete. Gomme thwi ka ntlhoreng ya mohlare, ka go matšatši a a mafelelo, O tliša pele Mohlare Monyalwa.

429 Bjale elelwang, Yena ke Mohlare wola wa Bophelo, kgahlanong le “peu ya sephente,” le a bona. Yena ke Peu yela, “Peu ya mosadi,” Mohlare wa Bophelo ka serapeng. “Gomme gore ba se bee diatla tša bona pele le go šuthiša Mohlare wo, ba tla ja Mohlare wola le go phela go ya go ile.” Gomme Yena ke Mohlare o nnoši woo o kago go tšewa, gore o ka phela neng le neng. Lentšu la Gagwe ke Bophelo. Gomme leo e be Lentšu nako yeo, Lentšu la Modimo le Efa a le gannego ka serapeng sa Edene; gona Kriste šo, Lentšu, le dirilwe go bonagala.

430 Gomme ge A etla lefaseng, O be a le Mohlare wa Bophelo. A le dumela seo? [Phuthego e re, “Amene.”—Mor.] Gomme Roma, ba dirile eng? O be a swanetše go rengwa. Gomme O beilwe godimo ga mohlare wa kgobogo, “morogwa ke yo a lekelelago godimo ga mohlare,” a ba thogako ya moloko wa motho.

431 Gomme bjale ka seo, O tliša pele Mohlare Monyalwa, wo e tla bago Mohlare wa Bophelo o bušeditšwe morago go Yena, bjalo ka Monnamogatša le Mosadimogatša ka serapeng sa Edene, (oo, letago go Modimo) ka Lentšu le le swanago le Modimo yo a swanago a dirwa go bonagala ka go Monnamogatša le Mosadimogatša, Mohlare Monyalwa wo o swanago morago gape.

432 Hlokomelang, go e dira go tsebja! Bjang. . . Nna, go no ba bontši kudu fa, re ka no tšwelapele re eya. Hlokomelang, Mohlare wo, wa Mmele wa Kriste, ka serapeng. O dira, bjale o dira sephiri sa Gagwe go tsebja go Mohlare Monyalwa wo.

433 Šetšang, o lopolotšwe ke Kriste, Adama wa bobedi. Le a dumela O be a le? [Phuthego e re, “Amene.”—Mor.] Go yeng morago Gae, ka Edene, le mosadimogatša wa Gagwe yo a welego o lopolotšwe morago Gae gape. Yoo ke Kriste ka Kerekeng lehono, a tšeela Mosadimogatša wa Gagwe morago. Le bona sephiri semenwagararo bjale? [“Amene.”] Modimo o bonagaditšwe ka go Kriste; Kriste o bonagaditšwe ka Kerekeng; bohle mmogo, go tliša morago Adama le Efa wa setlogo gape, monna le mosadi, e lego batee, ba dirilwe go tšwa go Madi a go swana le Moya wa go swana, le se sengwe le se sengwe gape.

434 Kereke ke Madi a Kriste, ka Moya, gobane bo—bo Bophelo bo ka Mading. Yeo ke kolobetšo ya Moya wo Mokgethwa yeo e re kolobeletšago ka Mmeleng wa Gagwe, yeo e lemogago feela Mmele wa Gagwe, nama ya Gagwe, Lentšu la Gagwe. [Ngwanešu Branham o phaphatha Beibele ya gagwe—Mor.]

435 Kerekeleina e ka se ke, ya tsoge ya kgwatha yeo. Ke kutollo. O a e tseba. Kafao Efa o e tsebile, eupša o wele; eupša yo o a e tseba, gomme a ka se we. O beilwe! Haléluya! Fše! O beetšwe go se we. A ka se palelwe. O kgethetšwepele go yona. “Wa lehlogonolo ke monna yo Modimo a ka se mmalelego sebe.” Lena badiredi le tseba se ke bolelago ka sona, ge go na le tasene e se kae ya lena le dutšego mo. Le a bona? “Wa lehlogonolo ke monna yo Modimo a ka se mmalelego sebe,” Dafida.

436 Hlokomelang, go lopollela morago, le Yena, go ya Gae; morago go Bophelo bjo Bosafelego ka mmeleng wa motho, a eja, a enwa, a phela go ya go ile. Jesaya o rile, “Ba tla aga dintlo gomme ba di dula, ba bjala dirapa tša morara le go ja kenywa. Ba ka se ke ba aga gomme yo mongwe a e tšea.” Bana ba ka se e tšee, eupša ba tla ba fao le bana ba bona. O tla e aga le go dula fale. Amene. “Ga a age, gomme yo mongwe a je; o a aga le go ja, yenamong.” Amene! Ke eng? Monyalwa wa Gagwe a eya morago le Yena, o lopolotšwe morago go Adama le Efa wa setlogo gape,

ka gore lehu le tlogetšwe morago. Ba lebelela morago sefapanong gomme ba bona lehu le lefetšwe.

437 Gomme bjale, ka tumelo, re tsošitšwe le Yena, re dutše ka mafelong a Magodimong gonabjale, re lebeletše morago go se se re lopolotšego; re letile Monnamogatša go tla, go matšhetša Gae le Yena.

438 Morero momenwagararo wa Modimo, o bonagaditšwe ka go Adama le Efa, le moprofeta yo mongwe le yo mongwe, le go theoga go kgabola mabaka, gomme Yo a tlogo; Yo a bego a le gona, Yo a lego gona, gomme Yo—Yo a tlogo go tla. Ponagalo ka moka, kutollo ya Lentšu la Modimo, Adama le Efa ba boela morago Gae gape, ba lopolotšwe, Modimo o itira ka Boyena go tsebja!

439 Fao O tla dula godimo ga Terone ya Dafida (A ke nnete?) gomme o tla ba mong, a buša ditšhaba tšohle ka molamo wa tshipi. Go tla ba mo—mo mohlare ka lehlakoreng le lengwe le le lengwe, le setšhaba se sengwe le se sengwe seo se tlogo ka gare, phodišo ye e tla ba bakeng sa . . . matlakala a e tla ba bakeng sa phodišo ya ditšhaba. Dikgoši di tla tliša tlhompfo ya tšona ka go yona. Fao go ka se be selo se ka kgonago go tšhilafatša, goba eng kapa eng e ka tsogego ya tsena ka gare. Gomme Thaba ya Tsione e tla ba le Seetša godimo ga gagwe, mosegare ohle le bošego, gomme balopollwa ba tla sepela ka Seetšeng sela. Oo, haleluya!

440 Go nagana, ga se kanegelo ya nonwane, ga se kgopolo ya thutamodimo. Ke kutollo ya Jesu Kriste, ka Lentšu la Gagwe, le le phalago, le bile therešo ka go mabaka ohle. Gomme Ke therešo ka go lebaka le. Ke therešo mo bjale. Ke therešo ka nna, Ke therešo ka wena, le monna le mosadi yo mongwe le yo mongwe yo a swerego kutollo ye. Amene.

441 Gomme a bona Modimo Yenamong a itira Yenamong go tsebja, gomme a rethetha Yenamong go kgabola bophelo, gore o mogolegwa go Yena bjale. O mogolegwa wa lerato la Gagwe. Lefase le ka sega, la dira metlae ka bona, la re, “Tšwela ka ntle.” O ka kgona go ya, eupša o mogolegwa. Le a bona? Basadi ba bangwe ba ka kgona go dira Hollywood, eupša e sego wena. O mogolegwa. Amene. Le a bona, o mogolegwa go Kriste. Banna ba bangwe ba kgona go kgoga le go nwa le go tšwelapele, ge ba nyaka, le go ipitša Bakriste bonabeng, matikone, le ebile bareri, eupša e sego wena. O mogolegwa, mogolegwa go Lentšu. Ee, mohlomphegi. Ee, mohlomphegi.

442 Go dira sephiri sa Gagwe go tsebja go Mohlare Monyalwa wa Gagwe; go lopollwa ka Kriste, Adama wa bobedi; go ya morago Gae, go bušetšwa morago go Edene ya setlogo, go lokologa go tšwa lehung, bolwetšing, manyaming, dihlong, go ya morago le Bophelo bj o Bosafelego.

443 Gona, theetšang, batho ba bantši kudu ba ne kgopolo ya go fošagala. Go—go . . . Go sokollela batho go Bokriste, le go mmušo wa bjona, ga se monagano wa Modimo le gatee. O re, “Re dira basokologi go Bokriste ka mmušo wa Gagwe.” Yeo ga se yona. “Gabotse, ga ba swanela go nwa. Ga ba swanela go aketša.” A le a tseba Bomohammedan ba kgona go le phala? Le tseba bahetene ka Afrika, bona banna ba baso, gomme ba na le melao magareng ga meloko ya bona ye e fetago eng kapa eng o ka kgonago go e tšweletša ka Bokristeng.

444 Gobaneng, ke ile go moloko wola wa Mashangane fale. Ge mosetsana yo moswa a se a nyalwa ka mengwaga ye e itšego, o swanetše go tlogela mo—go tlogela moloko, go tloša pente ya gagwe ya setšhaba. O ya ka toropongkgolo; o no ba tonki ya lehlaka. Gomme ge a . . . Pele a nyalwa, o swanetše go lekwa bokgarebe bja gagwe. A hwetšwa molato wa go dira bootswa le monna tsoko, o . . . o swanetše go bolela ke mang, gomme bobedi ba bolailwe, mmogo. Uh-huh. Oo, ba kgona—ba kgona go phala se ba bitšwago . . .

445 Go ka reng ge o dirile seo ka go ba ba bitšwago Bakriste? Diphesente tše masomesenyane senyane tša bona ba tla hwa pele ga go hlaba ga letšatši. Yeo ke nnete. Yeo ke nnete, bobedi banna le basadi. Le a tseba yeo ke nnete.

“Eng?” O re, “Gabotse, ke hlwekile!”

446 “Mang le mang a lebelelago mosadi go mo kganyoga o šetše a dirile bootswa le yena ka pelong ya gagwe.” Bjale go reng ka seo? Go reng ka wena, kgaetšedi, yo a itšweleditšego wenamong go monna yola ka mokgwa wola? O no ba molato mo o ka rego o e dirile. Le a bona?

447 “Oo, eupša go lokile.” Modiša o boifa go bolela seo, gobane gobaneng? Motsemošate wa kerekeleina ya gagwe o tla mo ragela ntle ge a fihla thwi go seo. Ke motswako. Ga ba tšee Lentšu. Lentšu le rile yeo ke therešo. Jesu o rile ke therešo, gomme Yena ke Hlogo.

448 Bjale hlokomelang, Modimo o itira ka Boyena go tsebja. E sego, ga ra swanela go dira basokologi go Bokriste ka mmušo; eupša ka kutollo, Kriste ka go wena, bjalo ka ge Modimo a bile ka go Kriste. Bjalo ka ge Modimo a bile ka go Kriste, Kriste ka go wena! Ge, se Modimo a se dirilego ka go Kriste, Kriste o se dira ka go wena! Maswao a Modimo a a dirilego ka go Kriste, Kriste o a dira ka go lena! Oo, a seo ga se se sebotse? Uh! Oo, nna! Ke rata seo.

449 Jesu o rile, “Ka letšatši leo,” leo ke letšatši le. “Ka letšatši leo,” ge kutollo ye e dirwa go tsebja, “le tla tseba gore Ke ka go Tate, gomme Tate ka go Nna; Nna ka go lena, gomme lena ka go Nna.” Ge kutollo e dirwa go bonagala, “Ka letšatši leo le tla tseba gore Nna le Tate re Batee; Ke ka go Tate, gomme Tate o ka go Nna.” Ka gona ge kutollo e etla pele, gona ke, “Nna ka go

lena, le lena ka go Nna.” Ke lena bao. Le bona momenwagantši, momenwagararo ntši- . . . Bakeng sa eng? Go e tliša morago. Re swanetše go ba . . .

Bjalo ka ge Jesu a be a le Lentšu la Modimo, O hlatseditše sa go swana.

⁴⁵⁰ Ge A—ge A be a se Lentšu, A ka be a se a dira go bonagala Lentšu, A ka be a bile moithutamodimo tsoko yo mogolo. Yoo e ka be e bile mesia wa kgonthe lefase le bego le mo lebeletše. Le a bona? Ee, mohlomphegi, yoo e ka be e bile yena.

⁴⁵¹ Seo ke se ba se lebeletšego lehono, yo mongwe—yo mongwe—yo mongwe a ka kgonago go fetiša Billy Graham, goba yo mongwe a ka kgonago go gatelela fase ka mokgatlo wa bona, go tla godimo le go ba bontšha Mabaptist ga ba tsebe moo ba emego. Nnete. Ba lebeletše seo. Eupša Kereke e lebeletše bakeng sa boikokobetšo le maswao a Modimo yo a phelago, Kriste.

⁴⁵² Jesu e be e se moithutamodimo yo mogolo. O be a le Mohloki wa go tlwaelega, morwa wa mmetli, yo a bitšwago. Le a bona? O sepetše go dikologa, eupša Modimo . . . O rile, “Ba bangwe ba lena Mpontšheng se Beibele e rego Ke tla se dira, seo Ke sa se bonagatšago.”

⁴⁵³ Kafao Kereke e ka dira selo sa go swana lehono. Se Kriste a se dirilego, Kereke e dira bjalo bjale. “Letšatši leo le tla tseba gore Ke ka go Tate, gomme Tate o ka go Nna; Nna ka go lena, gomme lena ka go Nna.” Le a bona? Fao le a ya, le matšhetša pele go ya Tsione, go ya (kae?) Mmušong! “Ka letšatši leo le tla tseba gore Ke ka go lena.”

⁴⁵⁴ Gomme šetšang fa. Fa, ke mo gobotse. Ga ke nyake le foše se. Bjale yo mongwe le yo mongwe, le lena batho godimo ga theipi, ntle ka masoding le kae kapa kae le O kwago, bjale theetšang.

⁴⁵⁵ “Gomme bjalo ka ge Tate a Nthomile, kafao Ke roma lena,” Jesu o boletše. Le a bona? Bjale šetšang. Tate yo a Mo romilego o ile ka go Yena, go itlhatsetša Yenamong gabotse, gobane O be a le Lentšu. Gomme Jesu wa go swana yo a go romago, o ya le wena le ka go wena, go hlatsela Modimo wa go swana. “Bjalo ka ge Tate a Nthomile, gomme Ke phela ka Tate; go bjalo Ke tla le roma, gomme le phela ka Nna.” Yena ke eng? Yena ke Lentšu. O phela ka Lentšu. Oo, ke rata bjang go tšea sehlogo go yeo, le go rera bjale lebaka la e ka ba diiri tše mmalwa go yona, le a bona, go seo, ka fao A bilego . . . go seo. Hlokomelang, hlokomelang, “Gomme Tate yo a Nthomilego,” o ile le Yena. Tate yo a romago . . . Jesu yo a re romelago o ya ka gare.

⁴⁵⁶ “Lebakana le lennyane gomme lefase le ka se Mpone gape, efela lena le tla Mpona, gobane Nna,” lešalaina, “Nna,” Motho, Jesu, “ke tla ba le lena, ebile ka go lena, go fihla bofelong bja lefase. Mediro ye Ke e dirago le tla e dira le lena.” Bjale eya morago gomme o bone se A se dirilego, gona bona se o se dirago, gona ipapetše wenamong.

457 “Gomme bjalo ka ge go bile ka matsatšing a Noage, go tla ba bjalo ka go tlang ga Morwa wa motho. Gomme bjalo ka matsatši a Loto,” ge Billy Graham wa sebjalebja le Oral Roberts ba ile tlase ka Sodoma le go rerela bona Basodoma, le go fofatša mahlo a bona, le a bona, ka Ebangedi. Morongwa yo motee o šetše morago, Motseta le Abraham le sehlopha se se Kgethilwego, gomme ke mohuta mang wa leswao A le dirilego? Le a bona? Gomme Abraham o Mmiditše eng? Elohim, Modimo a bonagadišwe nameng. Jesu a laetša gore Yena Yenamong, Modimo ka go Yena, o tla bonagatšwa ka go Monyalwa wa Gagwe ka matsatšing a mafelelo! Oo, nna, nna! Feela ga go bofelo go yona; feela kutollo ya Modimo! Ke ya Gosafelego, e no tšwelapele e eya pele le pele le pele.

458 Hlokomelang, gona, yo Motee boka Adama le Efa wa pele, pele sebe se ba aroganya lehung; bjale Kriste, Adama wa bobedi, ka Bophelong, o lopolla Monyalwa wa Gagwe go tšwa lehung; gomme bjale tseleng ya Gagwe go ya morago go Edene ya setlogo, go bušetša morago Monyalwa wa Gagwe ka kopanelong, morago le Modimo, bjalo ka Monnamogatša le Mosadimogatša, ka serapeng sa Edene, Kriste le Monyalwa wa Gagwe.

459 Gomme Modimo, ka letšatši leo, “Mmušo o filwe go Tate; A ka no ba gohle ka go bohle.” “Ge a sa bolela, Ke tla kwa.” Dafida, Kriste, Dafida a dutše Teroneng, Kgoši godimo ga moloko ka moka wa motho. “Gomme ge ba sa nagana, Ke tla tseba se ba naganago ka sona. Pele ba bolela, Ke tla ba araba. Phiri le kwana di tla ja mmogo. Tau e tla ja bjang boka powana, gomme di tla ja mmogo le go robala fase. Ba ka se gobatše le ge e le go senya ka go Thaba yohle ya Ka ye kgethwa,” thwi morago tlwa go Edene gape, ka maatla ka fao e kgonago go ya!

460 Morero momenwagararo wa Gagwe šole. O Modimo, re thuše go o tseba! Re thuše go o tseba!

461 Theetšang sekgauswi bjale gape ge re eya pele, go ya morago go Edene ya setlogo.

462 Ka gona ge re tswetšwe ke Yena, re tladišwe ka Yena. Le a bona, bophelo bja gago, Bophelo bja Gagwe bo ka go wena. Gona, ditiro tšohle tša rena di swanetše go Mmega.

463 Go swana le go tšea—go tšea bophelo go tšwa mohlareng wo motee le go bo bea ka go wo mongwe. Tšea bophelo go tšwa mohlareng wa pšere gomme o bee ka gare mohlareng wa moapola, o tla enywa dipšere. E swanetše, ka baka la gore mohlodi, bophelo ka go wona, peu ke mohlare wa pšere. Go lokile.

Gona, ditiro tšohle tša rena di swanetše go Mmega.

464 Re na le Leina la Gagwe. A yeo ke nnete? [Phuthego e re, “Amene.”—Mor.] Re swanetše go rwala Leina la Gagwe.

465 Gomme elelwang, re bjalo bjale, bjalo ka Monyalwa wa Gagwe, re imišitšwe ka Moya wa Gagwe. Oo, nna! Kereke, e belega bana, le a bona, e imišitšwe ke Moya wa Gagwe ka Leina la Gagwe; e rwele Leina la Gagwe, e rwele Bophelo bja Gagwe; go tliša pele maswao a Bophelo bja Gagwe, bohlatse le mafelo a pele, bohlatse bja tsogo ya Gagwe; go bontšha gore Yena ga se a hwa, eupša o phela go ya go ile. Bjo ke Bophelo bjo Bosafelego, le go hlatselwa, bo hlatsela go lefase gore re phela ka go Yena. Fše!

466 O tseba bjang, gobane o moleloko wa kereke? Ka baka la gore, Kriste o phela ka wena, o imišitšwe bjalo ka Moya wa Gagwe gore o—o mogolegwa go se sengwe le se sengwe gape. O beetšwe, oo, nna, go Ebangedi, o beetšwe go Lentšu, gomme ka moka bana ba o ka kgonago go ba tliša pele ke seo, ka baka la gore o mogolegwa.

467 O ka se kgone go dira bootswa; o šetše o imišitšwe. Letago! A ka se kgone go swara. Popelo ya bophelo e tswaletšwe go e ka ba eng gape. O šetše o le wa Gagwe, ka kgethelopele. Peu yela e tšile Bophelong; ga go lefase le ka kgonago go tsena ka gare. Oo! Oo, re ka rata bjang go dula go se lebaka la e ka ba iri! Ke na le nnete le a kwešiša. Le a bona? Kriste, gomme a Gagwe a nnoši, o šetše a fedile. Peu e be e le fao. Peu e be e šetše, e šetše. E beilwe neng kua? “Pele ga motheo wa lefase, o re kgethetšepele ka go Bophelo bjo Bosafelego.” Gomme ka pela ge moela wa go fa Bophelo, Peu yela e robetšego fale. . . Dipeu tše dingwe tšeo di nogo go tsena, ga se tša swara, di no se kgone go e dira, boka. Eupša ge Peu yela e etla ka gare, ka pela e emišitše popelo; peu yohle ka moka e raketšwe ntle, le a bona, ka mokgwa woo.

468 Gomme o ba mogolegwa, o dikologilwe, ka go Kriste. Kriste ka go wena, Bophelo bja Gagwe bo hlagiša bohlatse bja Gagwe, maswao a Gagwe. Oo, nna, nna, nna! Lebelelang, go tliša maswao a Gagwe a Bophelo bjalo ka bohlatse bja tsogo ya Gagwe, go netefatša go lefase Bophelo bjola Bosafelego, bo hlatsela go lefase gore re phela ka go Yena. Gomme naganang ka yona, go phela le Modimo, Molopolodi wa rena, Yo a re hlotšego bakeng sa wona morero wa go swana, Kereke, le Bophelo bja Gagwe bja go hlola ka go rena.

469 Ke gore, Moshe a ka be a rile, ka Lentšu la Modimo, “A go tle,” gomme fao gwa tla dintšhi. Modimo o kgona go dira dintšhi o kgona go dira dihlorana. Le a bona?

470 A ka kgona go dira e ka ba eng A nyakago. O kgona go hlola. A ka kgona go dira e ka ba eng. Yena ke Modimo. Yena Modimo wa go swana, Bophelo bjola bja go hlola, le a bona, yoo a lego ka go lena, a ka. . . O mogolegwa; o ka se kgone go e bolela go fihla A re e bolele. Eupša, ge o boletše, ke Lentšu la Modimo. O e hlatseditše go ba bjalo. Se sengwe le se sengwe gape se lokile,

gomme O a tseba, ge seo se boletšwe, go swanetše go ba bjalo. Le a bona?

471 Moshe o tšere lepara la gagwe, gomme o rile, “A go tle digwegwe,” gobane Modimo o rile, “A go tle digwegwe.” O nno e fetišetša ntle. Yeo ke nnete. Gomme digwegwe di be di le ka go se sengwe le se sengwe, mogohle go be go le digwegwe. Di tšwa kae? Ga go yo a tsebago. Di be di se gona pele. Eupša Mohlodi, Modimo, a šoma ka motho, o hlotše dilo, mehuta ya diphedi.

472 Yena Modimo yo a dirilego segwegwe sa mathomo a ka kgona go dira segwegwe sa bobedi. O dira digwegwe tšohle. Oo, nna! Le bona se ke se rago? O dirile sehlorana sa pele, o dira sehlorana sa bobedi, go dira sehlorana e ka ba sefe; o kgona go dira dihlorana moo go sego dihlorana. A ka kgona go dira e ka ba eng A nyakago! Yena ke Modimo! Yena ke Modimo! Bophelo bja Gagwe! Oo, nna! Ge ke nagana ka yona, go ntira ke roromele! Uh-huh.

473 Oo, go phela le Yena, go ya Gae le Yena, go phela le Yena! Ke eya Gae le Yena go phela le Yena go ya go ile, ke na le Bophelo bjo Bosafelego!

474 Se ke sephiri se segolo sa Modimo sa lerato se hlagišitšwe, gore Modimo le motho ba bile batee. Le a bona? Selo ka moka ke Modimo le motho, batee. Modimo le motho e be e le batee, kua; gomme Modimo le motho ke batee, mo. Le a bona? Ke eng? Go tlatšwa ka Moya wa Gagwe, Yena a na le mafelo a pele. Yeo e be e le phihlelelo ya Modimo, woo ke morero wa Modimo go dira seo: gore A be ka go Kriste; gomme Kriste ka go rena; le rena bohle mmogo, batee. Moya wo Mokgethwa, selo sa go swana; O e utolotše go Kriste, o e utolla fa; Maatla a go hlola a kagodimogatlhago. Oo, nna!

475 Modimo wa go swana yo a kgonneggo—yo a kgonneggo go bolela sohle se ka Moshe, “A nke fao go tle digwegwe,” yo Motee yo a swanago a kgonneggo go ema godimo kua, “A meetse a a fetoge beine.” Le a bona? Amene. A yeo ke nnete? [Phuthego e re, “Amene.”—Mor.] Ke Modimo wa go swana, Yena wa go swana.

476 O no se fetoge. Ke Modimo ka go motho. Yeo ke ponagalo ya Gagwe. Seo ke se A se utollago. Seo ke se A lekago go se dira, gomme Lentšu la Modimo Mong le a Se utolla. Go laetša gore motho ga a kgone go hlola; Modimo ke Mohlodi. Gomme ga e sa le motho gape; ke Modimo Mohlodi, ka go motho, e lego Kereke ya Gagwe bjale. Amene!

477 Go ya Gae Legodimong, go phela le Yena, go ya go ile. Modimo o hlagiša lerato la Gosafelego go Kereke.

478 Theetšang, theetšang sekgauswi bjale. Ke nyaka le se palelwe go hwetša se. Ga go kereke ye nngwe, ga go leswao le lengwe, ga go kopanelo ye nngwe, ga go mmušo wo mongwe, ga go bopaki bjo bongwe, ga go thutotumelo ye nngwe, ga go kerekeleina, ye e amogelegago ka ntle ga Se. Modimo ga a amogele selo gape

eupša seo, “Kriste ka go lena, kholofelo ya Letago,” selo se nnoši seo Modimo a se lemogago. Ga go kopanelo, ga go kereke, ga go thutotumelo, ga go kerekeleina, ga go selo; se sengwe le se sengwe gape se hwile. Ke mafofora ao a swanetšego go ripša, a thenetšwe go tloga go selo, gore Kriste a phele ka mafelo a pele ka go lena.

⁴⁷⁹ E sego go šupa morago! Ke na le lekala le tee mo, le le rego, “Ke mokgatlo wa ka.” Leo le swanetše go ripša, le lona. “Ke na le sa ka *sagorelegore* fa. Yo o bolela se. Mme wa ka o tla mpotša ke nna mopshikologimokgethwa.” Seo se swanetše go ripša, le sona. Le a bona? “Gabotse, ke a tseba monnamogatša wa ka o nyaka ke apare dišothi tše.” Seo se swanetše go ripša, le sona. Le a bona? E swanetše go ripša le go thenelwa go fihla go no ba wena le Kriste, le nnoši. Le a bona? Uh!

⁴⁸⁰ Naganang! Ka Bogona bjo bo phelago bja Kriste yo a phelago ka Lentšu le le phelago; oo, Kriste yo a phelago, Bogona bjo bo phelago, Lentšu le le phelago! Hlokomelang! Ka bja Gagwe Mong bja sebele, bohlatse bja sebele bo netefatša Kereke ya Gagwe.

⁴⁸¹ E sego maloko! Ga se A ke a e dira, matšatši a Moshe. Ga se nke A e dira mo matšatšing a e ka ba mang gape; mo bofelong bja lefase, ge go etla go lefelo moo go bego go le tshenyego. Matšatši a Loto, e be e se boleloko. E be e le bohlatse bja sebele, Modimo nameng, le a bona, go hlatselwa ga sebele.

⁴⁸² Elelwang! Naganang ka yona, gore, batho ba ba tswetšwego ka Moya wa Gagwe, ka letšatšing la go swana le le, ka go lebaka le legolo le la kerekeleina le re phelago ka go lona, gomme Modimo yo a phelago o tšea Lentšu la Gagwe le le phelago gomme—gomme a Le hlatsela, ka sebele, Bophelo bjo bo lego ka go Lentšu, hlaku ye e lego ka go Peu! Gomme Lentšu ke Peu yeo mobjadi a ilego pele go e bjala. Gomme Bophelo ke Kriste, ka go Lentšu, ka sebele ka go wena; a hlatsela selo se sengwe se o ka se kgonego go se dira, a netefatša ka Boyena gore ga se wena, eupša ke Yena. Gomme o bile yo motee, le—le—le lekgoba la lerato go Yena, go ba Monyalwa.

⁴⁸³ A go lebogwe Modimo yo a phelago Yo a hlotšego magodimo le lefase le bohle ba ba lego magareng! Ga go makatše, “Yena ke Alefa le Omega, Mathomo le Mafelelo; Yo a bego a le gona, a lego gona, gomme a tla tlogo; Modu, le Lehlogedi la Dafida; Naledi ya go kganya ya Moso.” Yena ke tšohle ka go bohle.

⁴⁸⁴ Bogona bja Gagwe, ka go motho ka motho, ka bohlatse bja sebele bja Yenamong go itlhagiša Yenamong, lentšu le le phelago leo le tshepišeditšwego letšatši, le itlhagiša Lonamong ka wena, bohlatse bja kutollo ye kgolo ya Modimo. Lebelelang, feela ka go motho ka motho, e sego ka go sehlopha! Motho ka motho; e sego ka go sehlopha! Boitsebišo bja gagwe bo na le motho ka motho. Le hwetša seo? [Phuthego e re, “Amene.”—Mor.] E

sego le Methodist, e sego le Baptist, e sego Presbyterian, e sego Lutheran, e sego Mapentecostal, eupša bjalo ka motho ka motho!

485 “Ke tla tšea o tee, gomme ka tlogela o tee; Ke tla ba aroganya.” Yeo ke nnete. “Go tla ba ba babedi ka tšhemong; Ke tla tšea o tee gomme ka tlogela o tee. Go tla ba ba babedi malaong, gomme Ke tla tšea o tee gomme ka tlogela o tee.”

486 Ga se sehlopha. Ke bohlatse bja sebele bja ngwana wa Modimo yo a imišitšwego, a tladišwe ka Moya wo Mokgethwa, a ineetše kudu go Modimo gore ga a tshwenyeye ka e ka ba eng gape. Gomme Moya wo Mokgethwa o phela Bophelo bja Wona, o rethetha ka yena, go laetša bohlatse bja sebele—bja sebele bja Lentšu, ka Bolona, go ithlagaša ka Bolona go batho le go lefase.

487 Lefase le ka kgona bjang go sepela ka bofoku ka se sengwe boka seo? Feela go swana le ge Makatoliki ba sepetše hleng le Mokgethwa Patrick gomme ga se ba mo lemoga go fihla morago ga ge a hwile. Selo sa go swana ba se dirilego ka Mokgethwa Martin, ga se ba se lemoga. Selo sa go swana ba se dirilego ka go mabaka ohle.

488 Selo sa go swana ba se dirilego go Joan wa Arc. Kereke ya Katoliki e mo tšhumile, bakeng sa moloi, gobane o be a le wa semoya. E ka ba mengwaga ye lekgolo le masometlhano moragorago, ba epolotše mmele wa baprista bale le go ba lahlela ka gare, go dira boitsholo.

489 E ya thwi kgauswi le bona, gomme ga ba e lemoge go fihla e ile. E topa feela Peu ye e kgethetšwegopele ye Modimo a e kgethetšegopele pele ga motheo wa lefase. Selo sa go swana se tlile go kgabola ka matšatšing a Noage, selo sa go swana se tlile go kgabola ka matšatšing a Moshe, matšatši a Eliya, matšatši a baprofeta, matšatši a Jesu, pele go theoga go kgabola le go fihla go yona iri ye. Motho wa go imišwa ka Peu ya Modimo, Lentšu ka kua le iponagatša ka Bolona, o ineetše kudu go thato ya Modimo gore Lentšu, gomme Lentšu le nnoši, le iponagatša ka Bolona ka go motho yo, mogolegwa, go motho ka motho.

490 E sego gore, “Kereke ya ka . . .” Bjale, “kereke ya ka” ga e na le selo go dira le yona.

491 Ke motho ka motho, motho o tee! Hele yohle e kgahlanong le Thuto ye. Hele yohle e kgahlanong le Therešo ye, eupša ke Therešo.

492 Jesu ga se a ke a re, “Bjale, Petro, wena le Johane, le ka moka batho bohle, le na le kutollo, bjale kereke ka moka e phološitšwe.” Aowa.

493 E be e le go yena, ka sebele. “Ke re go wena, wena,” e sego go bona, “go wena, wena o Petro; godimo ga leswika le Ke tla aga Kereke ya Ka.” Gomme lentšu *Petro*, le ra “letlapa.” *Letlapa* le ra “yo a ipoletšwego,” goba, “yo a aroganego.”

494 Godimo ga letlapa le le itšego, godimo ga selo se se itšego; le a bona, bableditšwantle, Kereke e bileditšwe ntle; godimo ga *letlapa* le, godimo ga “kutollo.” “Nama le madi ga se tša tsoge tša e utolla go wena. Eupša godimo ga kutollo ye, sehlopha se se bileditšwego ntle, Ke tla aga Kereke ya Ka ka go bona. Gomme dikgoro tšohle tša hele di ka se tsoge tša kgona go emelana le yona.”

495 “Ga go moriri o tee wa hlogo ya gago o tla senyegago. Wena o wa Ka! Ke tla go tsošetša godimo ka letšatšing la mafelelo, ka mo fa Bophelo bjo Bosafelego, le go mo tsoša ka matšatšing a mafelelo.” Šeo yona, kutollo. E sego bona; eupša “yena,” motho ka motho! E sego sehlopha; motho ka motho! Hele yohle e kgahlanong le yona.

496 Eupša sephiri sa Gagwe se utolotšwe feela go Monyalwa moratwa wa Gagwe. Yoo ke yena a nnoši a ka kgonago go e bona.

497 O rile, “Jesaya o boletše gabotse ka lena, lena baikaketši, lena noga ka bjanyeng. Le ya ntle mo gomme la re, ‘Oo, baprofeta ba bagolo ba bakgethwa! Re swaya mabitla a bona. Re a a pholetšha.’” O rile, “Ke lena ba le ba beilego ka kua.” A O e boletše?

498 Selo sa go swana A tla se bolelago go dikereke tša Katoliki mo matšatšing a tšona, ge ba be ba romelwa baprofeta ba Testamente ya Kgale—ya Kgale pele ba eba le Nicaea, Roma godimo kua, le bakgethiwa. Bona baprofeta ba kgale ba tšwetše ntle ga fale, ba eja dikgapi le dilo go tšwa mobung, ebile ba se ba apara diaparo, ka letlalo la nku le tateditšwe go ba dikologa, le go leka go emela Therešo yela ya Beibele. Eupša kereke ya Katoliki e nyakile kgopolo ya bona ya bohlae. Ka gona ba tlišitše ntle. . . Fao go tšile Mokgethwa Ireaneus, Polycarp, Martin, bohle ka moka ga bona. Gomme ba dirile eng? Ba ba beile ka lebitleng, Joan wa Arc, Mokgethwa Patrick, le ka moka ga bona. Ba ba beile ka kua, bjale ba tla morago le go šweufatša maboto boka ba dirile Joan wa Arc. Ba dirile eng? Ba ba beile ka kua!

499 Ka gona ke re, bjalo ka ge Moya wa Gagwe o bitša go lena, “Maboto a a šweufaditšwego! Lena baikaketši, le ipitša lenabeng se sengwe, ge le tšea kgopolo ya bohlae ya motho, gomme la tlogela Lentšu le eya. Sebakeng sa go imišwa ka Peu ya Modimo, Lentšu ka go lena, le tšere motswako wo mongwe le wo mongwe.” Ga go makatše o dutše bjalo ka “seotswa,” gobane o “dira mabofebe a semoya,” ba ruta batho dilo tša motho gomme e sego dilo tša Modimo.

500 Eupša O rile, “Se boifeng, mohlape wo monnyane, ke thato botse ya Tate go le fa Mmušo.” Yeo ke nnete. Ka kgonthe. Fao re nayo.

501 Beibele, ka go Kutollo, e rile, “Toropokgolo ye kgolo ye e bušitše godimo ga dikgoši tšohle tša lefase.” E rile o be a le “seotswa.” Ke eng seo? Mosadi yo a tleimago go ba

mohumagadi gomme o dira bootswa. “O be a na le komiki ka seatleng sa gagwe,” ya thouse, go lefase, “ya . . . tletše ka ditšhila tša makgapha a mabootswa a gagwe.” Gomme o bile le barwedi, dikereke tša Protestant, tšeo ye nngwe le ye nngwe e tšwelego go yena ka dithuto tša gagwe tša maaka tša go swana, dikolobetšo tša go swana, le ka go šikinya diatla, sebakeng sa kolobetšo ya Moya wo Mokgethwa; le thuto ya bona ya maaka ya “Tate, Morwa, Moya wo Mokgethwa,” le tšohle tšeo, sebakeng sa go tšea Leina la Monyalwa . . . Monyadi, le go ya pele.

O re, “Ga e dire phapano ye e itšego.” E a dira.

⁵⁰² Ge nka bea leina la ka go tšheke, le go re, “moruti,” go “modiredi,” goba go ya pele, yeo e ka se kheše selo. Yeo ke nnete. E a ganwa mo pankeng. Uh-huh. Hlokomelang. Go lokile.

⁵⁰³ Eupša sephiri sohle se se utolotšwe feela, bjalo ka ge A tshepišitše, go Monyalwa wa Gagwe. Hele e kgahlanong le Therešo ye, ya kutollo ya sephiri se. Eupša Monyalwa o eme godimo ga yona. Seo ke go ema ga Gagwe.

⁵⁰⁴ Gobaneng o swerwe ke tlala, Kereke, gobaneng o nyorilwe? Ke Tate a leka go utolla sephiri se se utilwego go wena. Eupša o dumelela dilo tše dintši kudu go e tloša go wena. O dumelela mošomo wa gago, o dumelela mosadimogatša wa gago, o dumelela monnamogatša wa gago, o dumelela bana ba gago, o dumelela matshwenyego a lefase, o dumelela modiša tsoko, o dumelela yo mongwe gape go ntšha seo go wena, ge o tseba gore tlasetlase ka pelong ya gago o nyorilwe, o swerwe ke tlala. Ke Modimo a leka go e utolla go wena, le a bona, kutollo. Letšatši la mafelelo le mo. Hlokomelang bjale.

⁵⁰⁵ A re lebelelele morago gape. Nka se kgone go feta sohle se. Le a bona? Ke no nyaka le lebelele fa feela motsotso bjale, gomme re tla tswalela feela mo metsotsong e se mekae. Le tla ba . . . Nno mphang šedi ya lena ya go se arogane lebaka la motsotso.

⁵⁰⁶ Hlokomelang, Bakolose, temana ya 18 fa. Ka go Puku ya Bakolose, temana ya 18.

Bjale ke yena hlogo ya kereke, wona mmele: yo a lego mathomo, leitšibolo go tšwa bahung; gore ka go—gore ka go dilo tšohle a be le mafelo a pele.

⁵⁰⁷ “Yena ke Hlogo ya Kereke, e lego Mmele wa Gagwe, gomme O nyaka mafelo a pele.” Theetšang bjale, theetšang sekgauswi ge re sa ya. Eng? O swanetše go ba Hlogo ya Mmele, Mmele wa Monyalwa wa Gagwe, wo o tšerwego go tšwa go Yena; nama le lerapo, go swana le ka go Adama, le a bona, Monyalwa.

⁵⁰⁸ “Go tswalwa go tšwa bahung,” le a bona, ke gore, go tswalwa go tšwa bahung, sebe sa gosedumele.

⁵⁰⁹ Ke eng e bolailago Efa? Gosedumele. A ke nnete? Gosedumele ga bona ka go eng? Ka, bakeng sa gose- . . . gosedumele ka go Modimo? Aowa. O bile le tumelo go Modimo. Nnete. A

o rile, “Ga go Modimo”? Aowa, mohlomphegi. O be a se mosedumelemodimo. “Gabotse,” o rile, “o a tseba, ga ke dumele Lentšu la Gagwe le gannyane”? Oo, aowa. O dumetše lohle eupša selo se tee se sennyane. Le a bona?

⁵¹⁰ Bjale a Beibele ga se ya bolela, godimo ka go Puku ya Kutollo, Jesu o boletše Yenamong, “Nna—Nna Jesu ke romile morongwa wa Ka go paka ka dilo tše go lena”? “Mang kapa mang a ka tšeago Lentšu le tee go tšwa go Lona, goba a oketša lentšu le tee go Lona.” Gomme ge go opa gohle go ga hlogo le manyami a ile a swanela go tla gobane mosadi o belatše Lentšu le letee la Modimo, a O tla go dumelela morago o belaela Lentšu le tee? O be a tla hloka toka. Uh-huh. Le a bona? Le a bona, seo se be se ka se loke. Go ahlolwa . . .

⁵¹¹ Monna yo motee šo o eme, gomme o hlotše go opa gohle go ga hlogo ka lebaka la lentšu le letee le belatšwego; morago o ya pele le go tšea mengwaga ya boitemogelo le se sengwe le se sengwe, le Beibele le go ya pele, le ba bangwe ba ba filego maphelo a bona bakeng sa yona; morago o re, “Oo, o ka kgona go ya pele le go e ja. Seo se lokile, Ke tla go dumelela morago, go le bjalo”? Oo! Modimo ga a hlomphe motho, eupša . . .? . . . Le a bona? Le a bona? Modimo ga se mohlomphe wa motho. Bjale hlokomelang.

⁵¹² Hlokomelang bjale. “Yena ke Hlogo ya Mmele” woo o tswetšwego go tšwa sebeng, sa gosedumele ka go Lentšu la Modimo. Seo se lat- . . .seo se latola kerekeleina ye nngwe le ye nngwe, thutotumelo ye nngwe le ye nngwe, le a bona. Gosedumele ka go Lentšu; e lego Yenamong, Lentšu la Bophelo. Le a bona? Lentšu, feela, le na le Bophelo. Lentšu e ka ba lefe le lengwe ke motswako. Ga go kgathale le lebega bontši gakaakang boka Lona, ga se Lentšu.

⁵¹³ Lentšu le tšweletša Bophelo bja Lona Mong, leo Efa a le fetolantšego bakeng sa tsebo ya sebele. Le bona ka fao kereke e dirago, lehono? Ka kwešišo ya monna yo mongwe. Moshe o bile le kwešišo ye kgolo ya Modimo go fihla a kopane le sethokgwa se se tukago, morago o bone go palelwa ga gagwe. Sethokgwa se se tukago se bile le se Moshe a se hlaeletšego. Lentšu le ne se kerekeleina e se hlaelelago.

“Yena, Hlogo, ke dikenywa tša pele tša tsogo.”

⁵¹⁴ Re tla tloga go ye, “kutollo”; feela nakwana ye nnyane boteletšana, ge le bolela bjalo. [Phuthego e re, “Amene.”—Mor.] Go lokile. Go lokile, thwi, feela gannyane nthatana bjale.

⁵¹⁵ “Yena ke dikenywa tša pele tša tsogo.” A yeo ke nnete? [Phuthego e re, “Amene.”—Mor.] Šetšang. Gona, Yena ke eng? “Yena ke Hlogo ya Mmele, e lego Kereke ya Gagwe, Monyalwa.” Uh-huh.

⁵¹⁶ Ka gona, Mmele Monyalwa o swanetše go latela Hlogo, ka gore ke karolo ya tsogo ya Gagwe le karolo ya sephiri. Ga go kgonege go wona go se ye. Oo, nna! Ke karolo ya sephiri sa

Modimo, ka fao Modimo a ikutolotšego Yenamong mo gomme a O tsošetša godimo ka Lentšu, kafao O utolla Kereke ya Gagwe le go E tsoša ka Lentšu la go swana. Ke karolo ya sephiri semenwagararo sa Gagwe.

517 Bjalo ka ge Hlogo e ntšhitšwe go tšwa lebitleng, Mmele o swanetše bjalo go Mo latela morago go ya Edene. Moo, Hlogo ya lapa, Monna, Monyadi; Monyalwa e lego Mmele wa Monyadi, o swanetše go latela, Monyalwa, ka gore yeo ke Hlogo. Gomme Hlogo e utolotšwe, le go tla morago le Bophelo bjo Bosafelego; gomme Mmele o swanetše go latela yeo, gobane ke Monnamogatša le Mosadimogatša gape. Amene! Gomme ge feela o imišitšwe ka Lentšu le le swanago, e lego Mmele wa Gagwe; o tšere Mmele wa Gagwe, wa ba ka go Yena, ge o tšere Lentšu. E sego thutotumelo; Lentšu! Oo, nna!

518 A seo se ka se dire sehlogo bakeng sa morago ga sekgalela se, go ya pele? Huh? Nna, a seo se ka se makatše? Le a bona? E no nagana ka yona bjale, se e lego sona.

519 Ka fao, Mmele ga o kgone go lemoga . . . O se ke wa šitwa go se. Mmele, ka fao, ga o kgone go lemoga bohlogo bjo bongwe gape eupša Lentšu. Gobane, hl—hl Hlogo e kgokagane le Mmele, gomme Hlogo ke Lentšu, gomme ke Lentšu la go swana, Bohlogo bjo botee! Ka fao, dikerekemaina, le botate ba bakgethwa, le se sengwe le se sengwe gape, ke boloko bja go hwa. Go na le Bohlogo bjo botee, bjoo ke Kriste. Mmele o lemoga feela selo se tee, Lentšu!

520 Bjale mpontšheng moo yo mongwe a kolobeditšwego, ka Mmeleng, ka leina la “Tate, Morwa, Moya wo Mokgethwa”? Gomme o lemoga eng? Le a bona, ke a lemoga ke bolela le dikete, godimo ga theipi, le a tseba, gomme re na le bodiredi bja theipi go dikologa lefase. Ke leina lefe o kolobeditšwego ka go lona? “Ka gore ga go leina le lengwe le filwego ka tlase ga Legodimo,” go boletše Lentšu, “leo ka lona motho a ka phološwago.” Ge o kolobeditšwe, go bontšha tumelo ya gago ka go Kriste, gomme morago wa tšea leina la thutotumelo, gona o motswako. Ge o se tlwa boka kereke yela le tlwa boka thuto ya bona . . .

521 Gona, lena batho ba Katoliki, le a bona, le ka kgona bjang go ya ka tlase ga taolo ya mopapa bjale, le bolela gore ke mohlatlami ka tatelano ya boapostola, go tšwa go Kri- . . . go tšwa go Petro, gomme mopapa yo le kereke ye ba ruta kgahlanong kudu le Lentšu le la mathomo le Modimo a le lemogilego, ka maswao le matete, go ba Kereke ya Gagwe? Gomme go bona Lentšu lela la go swana le tlišwa pele lehono ka go bohlweki bja Lona, le bontšha tsogo ya go swana yeo A bilego le yona fale, Modimo a phela magareng ga batho ba Gagwe, a dira dilo tša go swana, gona le ka kgona go lemoga bohlogo ka Roma?

522 Bohlogo bja rena bo Legodimong. Ga ke ye Roma; ke ya Legodimong ge ke ehwa. Le a bona? Le a bona? Bohlogo bo ka

Legodimong.

523 Gomme Mmele o swanetše go latela Hlogo, bjalo ka ge mosadimogatša a latela monnamogatša. Ka gore Adama ga se a forwa, o tšwile le Efa. Efa o forilwe, o be a le ka karogong, goba tšogo yohle ya Mmele ka moka e ka be e tlile pele ka letsatši la Morena Jesu ge A etla pele go tšwa lebitleng. Eupša O ile a swanela go Mo lopolla, e lego Mmele wa Gagwe. O swanetše go lopollwa gore a tle go Yena. A le a e bona? [Phuthego e re, "Amene."—Mor.] Oo nna! Le a bona, e be e ka se kgone go be e diregile nako yeo. Topollo e ya pele.

524 Bjale le bona Mahuto? Ge A le ka mošomong wa Gagwe wa boboelanyi morago kua, a lopolla, eupša letsatši le lengwe O tla pele go hwetša Puku ye yeo A e lopolotšego. Gomme bohle ba ba lego ka Pukung ye e tla ba Yena, ka gore yoo ke modumedi, mantšu ka Pukung, gomme Lentšu ke Yena. Gomme bohle ba ba lego ka go yeo, O tlile pele bakeng sa Puku ye ya Topollo, bao maina a bona a ngwadilwego mo Pukung pele ga motheo wa lefase, ge A hlabilwe bjalo ka Kwana.

525 Gomme Yena šo lehono, ka go Lentšu la Gagwe, a bonagatša selo sa go swana A se dirilego fale. Ga a kgone go lemoga bohlogo bjo bongwe. Aowa, mohlomphegi. Ga go pišopo, ga go selo. O lemoga Bohlogo bjo botee, bjoo ke Kriste, gomme Kriste ke Lentšu. Oo, nna! Fše! Ke rata seo. Uh! Ee, mohlomphegi.

526 Bjalo ka ge Hlogo e tšeetšwe godimo go tšwa lebitleng, ka fao Mmele wa Gagwe o swanetše go Mo latela go ya ka Edene. Kagona, Mmele ga o kgone go lemoga bohlogo bjo bongwe, eupša Bohlogo bja Lentšu.

527 Ga go kerekeleina e ka kgonago go bea e ka ba eng go Lona. "Ka gore mang kapa mang a ka tlošago Lentšu le tee go tšwa go Lona, goba a oketša lentšu le tee go Lona, le tšere go tloga go Lona." O hwile, motswako, thwi fao. O morago mo, bopaki bjo ka diatleng tša gagwe, "ditšhila tša mabootswa a gagwe, go dira bootswa bja semoya," kgahlanong le lona Lentšu leo a tleimago go le dumela. Le a bona?

528 Kagona, ke Lentšu, goba ga go selo. Yeo ke nnete. Yena, Lentšu! O tseba bjang ke nnete? Yena, Lentšu, o hlatseditšwe. Le a bona? Yena, Lentšu, o hlatsetšwe ka maleba, ke Bohlogo, Hlogo ya Kereke. Yena ke Lentšu, Bohlogo. O tsebagatšwa ka maleba, go tsebagatšwa, go hlatselwa, ke Moya wa Gagwe Mong o le ka Kerekeng Wonamong, motho. Go itaetša pele Yenamong, ka go bohlatse, ke netefatšo thwi go Mmele wohle. Ga o hloke dithutotumelo, gona. Dikerekemaina di senyegile. Eupša Bohlogo Bjonamong, bo lemogilwe ka Mmeleng ka boitsebišo bja sebele, le a bona, a itsebiša Yenamong, o netefatša Bohlogo go Mmele. Ka gona, re kopane ka tlase ga Bohlogo bjo Botee bjo bo hlatsetšwego, ke gore, Kriste, Lentšu la Modimo [Lefelo la go se

be le selo godimo ga theipi—Mor.] e sego ka fase ga kereke e ka ba efe.

529 Gona, Bohlogo bja rena ke Mmušo. “Mmušo wa Modimo o ka gare ga lena,” go boletše Beibele, Jesu. Mmušo! Ga se rena kerekeleina. Ke rena ba Mmušo, gomme Mmušo ke Lentšu la Modimo le dirilwe Moya le Bophelo ka bophelong bja rena beng, go tliša go phethega tshepišo ye nngwe le ye nngwe ka letšatšing le, bjalo ka ge e dirile ka letšatšing lela ge Lentšu le Modimo e be e le Batee. Gomme Lentšu le Modimo ke batee ka Kerekeng ya Gagwe lehono, go Le dira Bohlogo bja Mmele woo o lopolotšwego, go tliša Molaetša mo letšatšing la mafelelo; le go tšeelwa godimo go tšwa bahung, ka tsogong, go ya morago le go bušetša gape, bjalo ka Adama le Efa, mo mathomong ka serapeng sa Edene. Sephiri semenwagararo sa Modimo, Mmele wa Gagwe! Oo, nna!

Hlokomelang sekgauswi bjale, go swana le ka dikai, Israele ya kgale. [Lefelo la go se be le selo godimo ga theipi—Mor.]

530 A ke tšea nako ye ntši kudu go yona? [Phuthego e re, “Aowa.”—Mor.] Le se ke la ntumelela, le se ke la ntumelela go ya le nna . . . Bjale theetšang. Bjale ga re ne eupša e ka ba matlakala a masomepedi gape. Le a bona? Le a bona? Eupša bjale ke . . . Feela nthatana ye nnyane bjale, gomme morago—morago ke tla le tlogela bohle go ya go fihla selemo sa go latela, goba nako ye nngwe, ge Morena a rata. Le a bona?

531 Bjale lebelelang. Hlokomelang bjale, go kopana mmogo ka tlase ga Bohlogo bjo botee, ka mokgwa wa go swana, mohuta wa Israele ya kgale. Bjale le a e hwetša? Go swana le Israele ya kgale; Modimo yo motee, a hlatsetšwe ke Pilara ya Mollo, gomme a ikutolla ka Boyena ka moprofeta, go ba Lentšu. Modimo wa go swana, Pilara ya Mollo ya go swana, tsela ya go swana; A ka se kgone go fetola tsela ya Gagwe. A yeo ke . . . Feela go phethagala ka mo e kgonago go ba. A ga se yona? Le a bona? [Phuthego e re, “Amene.”—Mor.]

532 Modimo o tee! Ke Bomodimo ba bakae Israele e bilego le bona? [Phuthego e re, “O tee.”—Mor.] Ke ba bakae Monyalwa a nago le bona? [“O tee.”] Ke ba bakae ba ka tsogego ba ba? [“O tee.”] Nnete. Nnete.

533 Le a bona, ka tlase ga boetapele bja Moya wo Mokgethwa, e bego e le Pilara ya Mollo ka matsatšing a Moshe, moprofeta yo mogolo. O be a laetšwe ke Pilara ya Mollo. A yeo ke nnete? [Phuthego e re, “Amene.”—Mor.] Go lokile. O ya nageng ya tshepišo.

534 Gomme ka go lebaka la Bokriste, go be go le Modimo yo motee yo a bonagetšego ka sebopego sa Pilara ya Mollo, go moprofeta yo a bitšwago Paulo, yo a rometšwego go Bantle, go tšeela batho ntle bakeng sa Leina la Gagwe. A yeo ke nnete? [Phuthego e re, “Amene.”—Mor.]

535 Gomme ka matšatšing a mafelelo, o tlike fase ka mokgwa wa go swana, a itlhatsela Yenamong, le a bona, ka go leswao la go swana, matete a go swana, Pilara ya Mollo ya go swana, Ebangedi ya go swana, Lentšu la go swana, ponagalo ya go swana.

536 Mmele wa Gagwe o tla dira mediro yeo A e tshepišitšego, boka ka go Mareka 16, le go ya pele. Mmele wa Gagwe o be o se wa swarwa ka lebitleng, eupša wa lemogwa le Yena ka tsogong. A le a e hwetša? [Phuthego e re, "Amene."—Mor.] Ka gona, Mmele wa bana ba Gagwe ba ba dumelago o ka se swarwe ka lebitleng ge A etla, eupša o tla lemogwa le Yena, gobane O hwetše morero go tsoša Monyalwa wa Gagwe, Mmele. Go lemogwa, gobane ke Mmele wa Gagwe, gobane ke Lentšu. E ineetše ka go felela go dilo tša kerekeleina, go Yena, gomme Yena ke Lentšu. Le a bona? Gomme e lemogwa le Yena ka gore bjale re na le thakangwaga ya tsogo ya rena, ka go tseba gore re fetile go tšwa lehung go ya Bophelong, ra ba bagolegwa ba Gagwe. Gomme Modimo, a netefatša go rena ka Bohlogo bja Gagwe bja sebele gore O a swana maabane le go ya go ile, ka go dira dilo tša go swana ka Kereke tše A di dirilego nako yela, "Yena ka go Nna, le Nna ka go Yena, ka go lena," le a tseba, le go ya pele. Yeo ke nnete.

537 Mmele wa Gagwe o be o se wa swarwa ka lebitleng. Go lemogwa le Yena ka tsogong, go swana le ge A le bjale, theetšang, go rago se: Lentšu la Gagwe, le A lego lona, le thomile go tsoga. Lentšu, leo go theoga go kgabola lebaka la Luther, Wesley, le a bona, le thomile go tsogela godimo go maatla a Lona; fao Le thomile go sepela, ka gona Le sepetše go fetā gannyane, bjale Le tla godimo go boitsebagatšo. Le a bona? Šetšang. Bjale, go Bophelo ka Mmeleng, ke bohlatse bja Tlhatlogo bo batametše. Ge o bona Bohlogo le Mmele di eba Batee, le botlalo bja kelo ya ponagalo ya Gagwe, go laetša gore Mmele o kgauswi le go lokela go amogelwa go ya go Bohlogo.

Ditšhaba di a thubega, Israele e a tsoga.

538 Le bona se ke se rago? O thomile go fa Bophelo go Mmele wa Gagwe, (gobaneng?) Wona wo A o lopolotšego. Mošomo wa boboelanyi o dirilwe, O tliša Bophelo bja Gagwe go Mmele, ka go bohlatse bja Tlhatlogo. Elelwang, bjale, ka letšatšing la mafelelo . . .

539 Ke—ke, ge le ka dumelela, e nong go nkgotlelela ka se feela gannyane nthatana, bjale—bjale, go tla loka. Ga ke nyake le e foše. Ke—ke, gomme ke swanetše go—ke swanetše go tšea theipi ye bjale, ka gore ke thomile bokgole bjo. Tshwayo e tee gape ye kgolo ke nyakago go e dira, ge eba ke swanetše go sepela godimo ga ye nnyane ya yona.

540 Bjale hlokomelang. Theetšang se. Bjale ke selo se segolo. Bjale ke moo re nyakago go šetša. Elelwang, ka matšatšing a mafelelo, tlwa o tla ya morago le go hlatsela letšatši la pele; le a bona, Adama le Efa, monnamogatša le mosadimogatša, ga

go sebe, Bophelo; morago go wa. Hlokomelang, hlokomelang sekgauswi.

Gwa mo phetla. Uh-huh.

⁵⁴¹ Hlokomelang. Ke eng e e hlotšego? Lusifa! Lusifa o a dira bjale bjalo ka ge a dirile nakong ya pele.

⁵⁴² Feela bjalo ka ge mmušo wa Bantle o tsentšwe, ka Kgoši Nebukadinetsara, o hlatsetše moloko wa Bantle ka moprofeta yo a kgonneggo go hlatholla maleme a šele, dipono, ditoro. Gomme o tšile tlase go kgabola Bantle, ntle le e ka ba eng, feela Bamede le Baperesia, le tšhipi le go ya pele, gomme mo maotong o ya ntle ka tsela ya go swana gape, mmušo wa Bantle.

⁵⁴³ Hlokomelang Lusifa, ka matšatšing a mafelelo, o dira bjalo ka ge a dirile mathomong. Lusifa o dirile eng? Selo sa pele se Lusifa a se dirilego go aroganya kopanelo ya Modimo le motho, o be a nyaka go mo agela mmušo wo o kopanego, bothakga bjo bogologolo le go bonagala go hlabologa kudu, mmušo wo mogolwane go feta Mikaele, Kriste a bilego le wona.

⁵⁴⁴ Le e hweditše? [Phuthego e re, “Amene.”—Mor.] Bjale, bjale ge o e foša, e no swara seatla sa gago godimo, ke tla e bolela gape, le a bona. Le a bona?

⁵⁴⁵ Lusifa, mathomong, morero wa gagwe ka pelong e be e le go fihlelela selo sa go kganyakganyi le se segolwane Legodimong go feta ka mo Kriste a bilego. A yeo ke nnete? Ka go bonagala o hlabologile kudu, bobotse kudu, bothakga bjo bontši go feta Mmušo wa Kriste. A le nagana re tla ba le difatanaga ka go Mileniamo, le difofane? Le a bona? Le bona se Lusifa a se dirago?

⁵⁴⁶ Bjale, dikerekemaina tše kgolo tša go kgahliša tša bohlale di dira sona selo sa go swana, ba kgobokana ka bobona mmogo go dira selo se se swanago. Le a bona? Ba a kgobokana le go itira kerekeleina bonabeng, yo mongwe le yo mongwe o leka go phala yo mongwe. Gomme bjale ba na le bothakga bjo bontši kudu, ga ba tsebe ba dire eng eupša go bo kopanya le kereke ya Katoliki. Le a bona? Lusifa gape a aga mmušo wo mogolwane, go kgoromeletša batho ntle ba ba sa dumelego ka go dikerekemaina; gomme ebile ba tšea meago ya bona ya kereke le go dira mabenkele, le badiša ba tše bjalo ga ba ne ditokelo le gatee.

⁵⁴⁷ Gomme monna yo e lego monna-morongwa ke Modimo a ka se tsoge a dula ka go kerekeleina morago ga go kwa Le goba go Le bona, ge a—ge a na le go lekanela go ya ntle le go Le lebelela. Nnete. Le a bona? Ga ke bolele seo ka go swaswalatša; ke bolela seo ka therešo, le a bona, go bona seo se utolotšwe.

⁵⁴⁸ Hlokomelang, ka go matšatši a a mafelelo, Lusifa o dira selo sa go swana. A le kgona go se bona? [Phuthego e re, “Amene.”—Mor.] Diabolo a dira selo sa go swana, a aga kereke ya motswako, motswako ka maloko a motswako, motswako ka tsebo

sebakeng sa Lentšu, ka banna ba bohlale sebakeng sa banna ba go tswalwa gape, o aga mmušo wa bohlale wo o tla phalago mohlape wo monnyane wa Kriste wa nthatana. Le a bona? Ke eng seo se dirilego seo? Barongwa ba ba welego.

549 Beibele e rile e be e le barongwa ba ba welego ba ba theeditšego Lusifa sebakeng sa Kriste, Yo ba kilego ba ba gagwe. A yeo ke nnete? [Phuthego e re, “Amene.”—Mor.]

550 Bjale theetšang kgauswi, “barongwa ba ba welego.” Ke mohuta ofe wa barongwa? Luther, Wesley, Katoliki, Mapentecostal, ba ba sego ba boloka leemo la bona la mathomo go swana le ka mo Barongwa ba dirilego, gomme ba wetše ka mokgatlong, bjalo ka maswaro a magolo a Lusifa ka Nicaea. Gomme ba dirile eng? O kगतlofaditše mokgatlo wo mogolo wa mohlakanelwa wa badiredi, go dira “seswantšho sa sebata,” bjalo ka ge Beibele e boletše. Gomme go ageng ekonomi ya Bokriste yeo e tla tswalelago mabati a kereke ye le tše dingwe boka yona. Le bona Lusifa mošomong wa gagwe?

551 Ke leka go le tlišetša kutollo semenwagararo, goba sephiri sa Modimo.

552 Ba dirile eng? Ba rekišitše go go fa mabaka ga bohlale le thuto, boka Efa a dirile, barongwa ba ba welego ba dirile. Wesley e be e le monna wa Modimo; eupša ke eng e mo latetšego? Barongwa ba ba welego ba tsena ka go yona. Barongwa e be e le eng, pele? Diphedi tša go hlolwa tša Modimo, eupša di wele bakeng sa bohlale bja Lusifa, di wele bakeng sa bohlale bja Lusifa—Lusifa. Gomme le bona se ba bilego? Barongwa ba ba welego. Gomme mekgatlo, go tšwa go banna ba Modimo ba ba ilego pele go hloma Ditherešo ka lefaseng; pele Therešo yela e ka ya pele le go goeletša le go ya pele go kutollo ya kgonthe ya Kriste, barongwa ba ba welego ba tlile ka gare le go e tšea godimo le go dira dikerekemaina go tšwa go yona.

553 Ke ka baka leo kutollo ya sephiri sa Lehuto la Bošupa e ilego ya swanelwa ke go tatollwa.

554 Bjale le a e bona? Se ba se tlogetšego, ge Luther a ka be a ile pele, e ka be e bile mo. Ge Wesley a ka be a ile pele, ge nkabe Pentecost e ile pele, ba ka be ba dirile eng?

555 Bjale go ne selo se tee feela se ka diregago. Go swanetše go ba Molaetša mo nakong ya bofelo, mola go se selo gape se ka O latelago. Gomme bjale lefase la mohlakanelwa le beile mmušo wo mobjalo gore go ka se kgone go ba kerekeleina gomme ga go selo gape se e latelago; o ka go yona goba ga o ka go yona. Kenywa e ntlhoreng ya mohlare, gomme Seetša se phadima godimo ga kenywa yela e kgethetšwegopele. Gomme o butšwa ka go kenywa ya go swana le Kriste, go tliša pele boleta bja go swana le bobose, le Moya wa go swana wo A bilego le wona ka go Yena. Ke a holofela le a e bona! Le a bona?

556 Ke—ke leka go bea bontši kudu ka go letšatši le lengwe. Ke a le lapiša. [Phuthego e re, “Aowa.”—Mor.]

557 Kafao, lebelelang, ba rekišitše go go fa mabaka, ba rekišitše go go fa mabaka ga kerekeleina. “Ge nka no ba wa ye! Me—me meyara o ya kerekeng ye.” Le a bona? “Ge nka kgona go ba Momethodist, goba Mopresbyterian.” E nong go lebelela mo di ilego. Bjale, ke sa tšo hlaloša, wona makala a thenetšwe. A hwile. Ga se ba kgomagana le Kriste gape; ba be ba tla be ba tliša Bophelo bja go swana. Ga se ba kgomagana le Bjana.

558 Eupša ba—ba bjalo ka kenywa ya siterase. Kenywa ye nngwe le ye nngwe ya siterase e tla phela godimo ga mohlare wa siterase, eupša e tla tliša kenywa ya wona mong. O bea papalamone ka go—ka go mohlare wa monamune, e tla phela ka mohlare wa monamune, eupša e tla tšweletša papalamone. O bea swiri ka kua, ke kenywa ya siterase, e tla tšweletša swiri ya kgale ya go galaka, eupša e phela go tšwa bophelong. Gomme seo ke se dikerekemaina di se dirago, ka tlase ga leina la kereke.

559 Ke Monyalwa yoo e lego Mohlare wa setlogo, Moya wa setlogo. Kutollo e tšwa go Kriste, e sego kerekeleina. Kriste! Hlokomelang.

560 Kerekeleina e leka go dira eng? Go iphagamiša yonamong, boka Lusifa. Ba ipitša bonabeng “Kereke, Monyalwa.” E lego, ba ka go Kutollo 17, bjalo ka ge go boletšwe, monyalwa wa maaka. Ka godimo ga mohlape wo monnyane wa Kriste, Monyalwa; Lusifa o a nagana le go ikgodiša yenamong ka godimo ga Lentšu la go kokobela la Therešo ya Modimo ka tsebo ya kutollo, gomme o ipeile yenamong ka thuto ya seminari le thutamodimo go fihla ba itirile bonabeng. Gomme ge o se wa sehlopha sa bona, gona o wa go hlatswa ntle.

561 Boka Lusifa a dirile mathomong, a re go batho feela tlwa se Lusifa a se boletšego go Efa, “Ka nnete Modimo o tla re amogela! Re fepa bahloki.” Seo se lokile. “Ka nnete O tla re amogela. Re kerekeleina ye kgolo. Re kereke ye botse. Gobaneng, lebelelang meago ya rena ye megolo! Lebelelang boleloko bja rena bjo bogolo. Re ema ka go dimilione. Ka nnete Modimo a ka se gane sehlopha sela.”

562 Selo sa go swana seo Kaine a se dirilego, o tlišitše dikenywa tše botse ka gare go tšwa mobung tšeo a di lemilego, le go katana, le go šoma, le go tliša dikenywa ka gare, le go gana madi a go kokobela a kwana.

563 Modimo eba le kgaogelo, gore banna le basadi ba ka se nagane ke bolela se go phagamiša se sengwe, goba kutollo tsoko ya sebele goba se sengwe. Ke no le botša Therešo. A ga le kgone go bona se ba se dirago? Le a bona? Ke e bolela kudu le go kgareetša, eupša o swanetše go kokotela sepikiri go fihla se swaranya, ge e eya go dira botse bjo bo itšego, le a bona, go fihla o tla e bona. Le a bona?

⁵⁶⁴ Bjale, a re go batho, “Ka nnete! O ra go mpotša gore, kereke ya rena ye kgolo ya Katoliki, ye e emego nako ye yohle, Methodist ya rena ye kgolo, le tšohle? Lebelelang botatemogolo ba rena!” Le a bona? Eupša ba robile Lentšu la Morena. Gomme Efa o be a le wa Modimo, yo mongwe wa ba Gagwe, gomme o . . . o be a le setšwa go Adama; gomme ka gobane o belaešše Lentšu le letee la Lentšu la Modimo, le e dirile.

⁵⁶⁵ Gomme Lusifa šo mošomong wa gagwe gape, lehono. Gomme, elelwang, molwalekriste ga se bokomonisi. Molwalekriste o kgauswi bjalo ka selo sa kgonthe, go filha, “E tla fora le bona Bakgethiwa ge go be go kgonega,” Jesu o rile, Mateo 24, “Bakgethiwa ge go be go kgonega.” Lusifa, gape, Lusifa gape o roba kopano ya Modimo ka go motho, ka go go lekanyetša ga gagwe—ga gagwe go Lentšu la Modimo go go feng mabaka ga gagwe. Se a naganago gore se lokile, le se a se naganago, o roba Lentšu la Modimo.

⁵⁶⁶ Gomme selo sa go swana a se dirilego mo matšatšing a Jesu. Gomme Jesu o rile, “Lena, ka metlwae ya lena, le dirile Lentšu la Modimo go hloka maatla.”

⁵⁶⁷ Gomme dikerekemaina, ka go bea mabaka ga tšona ga go kgatlofatšwa ga bohlale, o dirile Lentšu la Modimo go hloka maatla godimo ga batho. Yeo ke nnete. Ba no se kgone go Le bona. Ka gona ba re, “Modimo wa Beibele o kae?” O thwi mo. Yena ke Beibele, seo ke se A lego sona.

⁵⁶⁸ Hlokomelang, bjale, Lusifa o tla ka mahlanjana, gomme o roba kopano ya Modimo go motho, feela boka a dirile ka Edene, ka meleko ye megolo ya ditshepišo tša maatla a seng le boikgodišo. “Gobaneng, o ka no ba pišopo ge o ka no dula le rena. O ka no ba mopotologi wa selete. Gobaneng o ka ya go se sengwe boka Seo?” Le a bona, yeo ke Pentecostal, Katoliki, le go ya pele; le a bona, tshepišo ye kgolo ya maaka, go batho, go amogela maatla ka ntle ga Lentšu le tshepišo ya Modimo. O amogela Maatla ge Moya wo Mokgethwa o etla godimo ga gago, e sego ge o eba pišopo, goba motikone, goba e ka ba eng a bilego. Le a bona? Eupša Lusifa o mošomong wa gagwe gape.

⁵⁶⁹ A kereke ye e kwešiša seo? Phagamiša seatla sa gago gore ke bone seo. [Phuthego e re, “Amene.”—Mor.] Go lokile, nka se dule le yona botelele bjo itšego, gona.

Go phuleletša go tloga, go arogana le Lentšu la Modimo! Le a bona?

⁵⁷⁰ O dirile sa go swana ka Nicaea, Roma. Le tseba se Constantine a ba filego? Le ile go kgabola Mabaka a Kereke. O file . . . Ba be ba se ne selo, eupša feela Kriste. Gomme ba dutše ka go meago ye mennyane ya kgale e ka ba kae ba kgonnego, godimo ga lebatlo le lethata la leswika. Le tseba seo, ge o tšere *Nicaea Council*, le *Pre-Nicaea Council*, le *Nicaea Fathers*, le go ya pele, le histori ya kereke. Ga se ba be le selo. Eupša ge ba bile

le khansele ye gomme ba bolokile bjo bongwe bja bohetene bja Roma ka go Bokriste, le go bea banna ba bakgethwa le dipišopo, le go ya pele, le bomopapa, le mehuta yohle ye ya ditšiebadimo, Constantine o ba file eng? Ke kgopela moithutamodimo e ka ba mang go mpotša. O ba file phahlo. O ba file tokologo le tšohle ba bego ba di nyaka.

571 Gomme ba neelanya ka Lentšu la Modimo bakeng sa bohlale le setšo sa motho! Gomme seo ke selo sa go swana Lusifa a se dirilego nako yela, o se dirile ka serapeng sa Edene, gomme ba hwile thwi fale. Kereke ya Pentecostal e hwile ka Nicaea, Roma, eupša go tsošwa ka go Mohlare Monyalwa ka matšatšing a mafelelo.

572 Hlokomelang, Lusifa o tla ka gare, mahlašana, boka a dirile nako yela, le ka meleko le ditshepišo tša maaka, tša maatla ka ntle, go arogana le Lentšu la Modimo. O dirile sa go swana ka Nicaea, Roma. O dira sa go swana lehono ka go Khansele ya dikereke tša Mohlakanelwa tša Lefase.

573 “A re kopaneng mmogo bohle,” mopapa o a bolela. “Ke nyaka baena bohle ba ka ba mohlakanelwa ntle kua go kopana le nna. Re batee.” Yeo ke nnete, ka mekgatlong le batee. Eupša seo ga se na selo go dira le Monyalwa wa Kriste; ga go selo, ngwanešu. O ka se tsoge wa Mo hlatswa ka go e ka ba eng boka yeo.

574 Bjale go tshepišitšwe, ka matšatšing a mafelelo, gore Tumelo ya setlogo ka go ya go swana . . . go bušetšwa go bana ba Modimo ka nako ya Mohlare Monyalwa. Maleaki 4, Modimo o rile, “Pele lefase le eswa ka mollo, bonang Ke romela lena Eliya moprofeta, gomme o tla bušetša Tumelo ya bana.” Bjale, yoo e be e se Eliya wa pele yo a tlilego. Aowa, aowa.

575 Bjale, ga re rute mo kobo ya Eliya le mapai a Eliya, le dilo tšeo tšohle boka tšeo. Re no ruta Lentšu la Modimo. Le a bona? Seo ke se A se boletšego. Le a bona, re na le ka moka mohuta wa Eliya se le Eliya *sela*, e lego ditšiebadimo. Seo—seo ke . . . Re tseba seo. Yeo ke . . . Ga ke bolele ka seo, gomme lena bao le lego monagano wa semoya le a kwešiša. Le a bona, ge thari, iri e ba thari, gomme e nka se kgone go e bea yohle godimo ga theipi ye, nnete.

Bjale, tshepišo ka matšatšing a mafelelo. Bjale ge . . .

576 Jesu o rile, ka go—ka go Mateo, ke a dumela, tema ya 11 goba tema ya 6, gomme ya 11 . . . Aowa, ke tema ya 11 gomme e ka ba temana ya 6. Ge Johane a romile barutiwa ba gagwe godimo kua go bona ge eba ka kgonthe O be a le Yena, Jesu o rile, “Le be le eya ntle go bona mang? Phe—phe—phe phefo. . . lehlaka le le šikinywago ke diphefo? A le ile ntle go bona se *sebjalobjalo?*” O rile, “Goba a le ile go bona moprofeta?” O rile, “Go feta moprofeta.” Johane o be a feta moprofeta; o be a le motseta wa Kgwerano. Gomme O rile, “Ge le ka kgona go e amogela, yo ke

yena yo a boletšwego ke baprofeta, 'Ke tla roma motseta wa Ka pele ga sefahlego sa Ka.'

⁵⁷⁷ Bjale, yeo ke ka go Maleaki 3, e sego Maleaki 4. Gobane, Elisa yo a bego a swanetše go tla ka go Maleaki 4, lefase le be le swanetše go tšhungwa ka phišo ya go fiša, gomme baloki ba be ba swanetše go sepela ntle ka Mileniamong godimo ga melora ya babe. Le a bona? Kafao ga se yena yoo. Le a bona?

⁵⁷⁸ Bjale re bona tshepišo e phethagatšwa. Kriste, Bohlogo bja therešo bo eya ka gare, bo etla ka go Monyalwa wa Gagwe, bo dira mediro ya go swana ye A e dirilego mathomong, le go lokišetša le go phethagatša Lentšu la Gagwe bjalo ka ge A dirile, pele, ka go Johane 14:12, "Yo a dumelago go Nna mediro ye Ke e dirago o tla e dira le yena." Gona, Hlogo le Mmele di ba Batee, ka mediro le ka leswao le ka Bophelong, a hlatselwa ke Modimo ka Boyena ka Lentšu la Gagwe le le tshepišitšwego go matsatši a mafelelo. O tshepišitše se mo matsatšing a mafelelo. Bjale, ge o le wa semoya, o tla e swara.

⁵⁷⁹ Gona, re kgona go bona gore Selalelo sa Lenyalo se batametše. Bjale, ge nka se tsoge ka le bona gape, elelwang, Selalelo sa Lenyalo se batametše. Gomme ka gona Mmušo go ya ka tshepišo o loketše go tsenywa, Mileniamo wo mogolo, go tšeelwa godimo ga Kereke, le go senywa ga ba babe. Gomme lefase, ka tlase ga Lehuto la Boselela, go hlwekišwa ka bolekheno, go tšea tshenyego yohle le sebe sa lefase le go mo kgoloka gape, le go tliša pele Mileniamo wo moswa wa go kganya wa lebaka le le tlogo.

⁵⁸⁰ Ge, re bona tšohle tše, kutollo semenwagararo: Modimo ka go Kriste; Kriste ka Kerekeng; Mmušo o etla. Adama le Efa ba lopolletšwe morago go serapa sa Edene, ka go kemedi ya Kriste le Monyalwa wa Gagwe, gomme ka gona Mmušo o ya go bušetšwa go ya ka tshepišo ya Gagwe. Tumišo e be go Modimo! Bjale, ka kutollo ya sephiri semenwagararo, sephiri, le ka Lentšu le le hlatsetšwego la sebele ka Bohlogo bja Gagwe bja setlogo!

⁵⁸¹ E sego go re, "Gabotse, letago go Modimo, re a goelega; haleluya, re a opela." Yeo ga se yona. Ke nna moromiwa. Ke bile makga a šupago, ka kgonagalo, godimo ga lefase. Le a bona? Ke bone bahetene, bodiabolo, le se sengwe le se sengwe gape, ba bina le go goelega. Ke bone mehuta yohle ya diponagalo tša nama. Yeo ke senama.

⁵⁸² Eupša ke bolela ka Bohlogo bja Kriste. Hlokomelang, ka go tsebagatšwa ka sebele ka Bohlogo bja setlogo, re na le karabo go potšišo ya diabolo. Amene! Letago! Re na le karabo go potšišo ya diabolo. Yena, Kriste, o tsogile gomme o lefile tefo, le go phagamiša Hlogo. . . goba Mmele.

⁵⁸³ Diabolo ga a kgone go e kgotlelela. Ke ka baka leo mebušo ye ya mohlakanelwa e beakantšwego. Ke ka baka leo bohle ba tlogo ka go se ba se dirago bjale. Diabolo, ke ka baka leo a ngautšago

ka tsela ye a lego. Bobe bja gagwe bo bile. . . sekimi sa gagwe se utolotšwe ka yo a tsogilego, Kriste yo a tsogilego ka Bohlogo godimo ga Mmele wa Gagwe. Letago!

⁵⁸⁴ Le nagana ke hlakane bjaša? Ga ke dire. Re na le karabo ya diabolo. “E sego nna yo a phelago, eupša Kriste Lentšu o phela ka go nna.” Ga se kgopolo ya ka; ke Maatla a Gagwe. E sego kgopolo ya ka; ke Lentšu la Gagwe. O le tshepišitše; šele lona. O rile e tla ba mo, gomme še yona. Re na le karabo ya gagwe.

⁵⁸⁵ Kriste o tsogile gomme o lefile tefo bakeng sa topollo ya rena. Se Modimo ka go Kriste a se bonagaditšego, O file nama yela, yela le Madi; gore ka Mading go tle Bophelo, gomme nama ya lopollwa, gore—gore Modimo ka go nama ye ya go lopollwa a ka kgona go bonagatša Lentšu la Gagwe bakeng sa letšatši bjalo ka ge A dirile ka go letšatši lela. Fše! Letago!

⁵⁸⁶ Le a e bona? [Phuthego e re, “Amene.”—Mor.] Oo, nna! Nka kgona go ema neng? E hlokomeleng. [“Eya pele!”]

⁵⁸⁷ Gona, re ema re lokafaditšwe ka Bogoneng bja Modimo. Bjalo ka lerothi la enke le rothela ka go se—se—se sekotlelo se tletše setlošadipatso, o ka se tsoge wa hwetša patso ya enke gape. E ile felotsoko. E ka se tsoge ya bowa morago gape. Gomme ge motho ka therešo a lopolotšwe, Peu yela e kgethetšwegopele ye e Le bonago le go Le amogela, dibe tša gagwe di gobošitšwe. Se ile. Se aragane. Se rothetše ka go enke ya ma—ma Madi a Jesu Kriste, gomme se ka se tsoge sa swanela go gopolwa. Modimo o a se lebala. Gomme o ema bjalo ka morwa le morwedi wa Modimo, ka Bogoneng bja Modimo. Amene le amene! “Bjale re barwa ba Modimo.” E sego re *tla* ba; re bona! Bjale re lopolotšwe.

⁵⁸⁸ Re na le karabo ya Sathane. Modimo o itlhatseditše Yenamong. Modimo o inetefaditše Yenamong, go tshepišo ya Gagwe mo letšatšing le. Haleluya! Bohlogo bo fa. Amene! Kriste, Morena yo a tsogilego, o fa ka go Maatla a go swana a tsogo ya Gagwe ao A kilego a ba, a iponagatša Yenamong. Šeo karabo ya diabolo.

⁵⁸⁹ Ke ka baka leo ge monna yo a dutšego mo, a wele a hwile letšatši le lengwe, a dutšego mo, re kgonne go re, “Etle morago, bophelo!” Gobane, Moya wo Mokgethwa o boletše bjalo.

⁵⁹⁰ Ke ka baka leo e kgonneggo go dira go lesea le lennyane lela mošola ka Mexico, le be le hwile lebaka la e ka ba diiri tše lesometlhano, ge pono e etla gomme ya re, “Le biletše morago go leh- . . . bophelo.” Gomme o rile, “A nke lesea le lennyane le phele.” Gomme lesea leo dingaka di ngwadilego setatamente, le hwile ka iri ya senyane mosong woo, gomme iri ya lesometee bošego bjoo la tla morago bophelong; le a phela lehono.

⁵⁹¹ Ke eng? E sego bona batho. Bohlogo le Mmele di fetogile ngata e tee. Ke Modimo a bonagaditšwe ka bathong ba Gagwe. Ke ka baka leo monnamogatša le mosadimogatša ba se sa lego babedi; ke batee. Modimo le Kereke ya Gagwe ke batee, “Kriste

ka go lena,” kutollo ye kgolo ya Modimo. Letago go Modimo! Ebile le go rwala Leina la Gagwe; Leina la Gagwe ke Jesu, Motlotšwa. Lebaka le A bitšwago Jesu, Yena ke Motlotšwa. Ke Mmele wo o tloditšwego wa Kriste, o netefatša, o bonagaditše Modimo boka mmele wola o dirile. Gomme mmele Wola o lopolotše wo mongwe le wo mongwe wa wo, mebele ye, gomme ka fao Modimo o šoma ponagalo semenwagararo ya Gagwe, go ya Mmušong. O tsogile, o lefile tefo! Re lopolotšwe. Modimo o e netefaditše, o e hlatseditše. Le a bona?

⁵⁹² Gomme re eme re lokafaditšwe ka go Kriste, pele ga Gagwe. Gobane, A ka se kgone go fetiša kahlolo, gobane O šetše a ahlotše Mmele wola, wo ke lego karolo ya ona. Eng, ke nna karolo ya ona bjang? Lona *šele*; Le ka go nna. “Ge a Ka . . . le dula ka go Nna, gomme Mantšu a Ka ka go lena, gona se le se bolelago . . . Kgopelang Tate eng kapa eng Leineng la Ka, se tla dirwa, gobane Se gona.” Tokafatšo! Letago go Modimo!

⁵⁹³ Oo, ge nka kgona go dira lefase go bona seo! Gobaneng? Ke lena bao. Mmele wa Kriste šole o a phela, o eme o lopolotšwe. Balopollwa! Oo, nna!

⁵⁹⁴ O lokafaditšwe mo pele ga Gagwe! Gobaneng re lokafaditšwe? Re phenyo ya Gagwe. Kereke ke phenyo ya Gagwe. Re tla pele ka go matšatši a a mafelelo ka Ebangedi ye ya letago, re laetša phenyo ya Gagwe. O hwetše morero wo, gomme re netefatšo ya phenyo ya Gagwe. Amene! Ge re Mmona a etla fase le go phela magareng ga Kereke, yeo ke phenyo ya Gagwe. Go laetša gore o be a ka se kgone go Mmele ka lebitleng, le bile ba ka se kgone go re boloka. Yeo ke therešo. Re tlemilwe gabotse. Gomme re šetše, ka kgonagalo, re tsogile, gobane re tsogile go tšwa bahung, gosedumele ka go Lentšu la Gagwe, go tšwa go dithutotumelo tša kerekeleina, go ya go Lentšu la Gosafelego la Modimo wa Gosafelego; e lego Yena, Yenamong, a šoma ka rena, a iponagatša Yenamong gore O a swana maabane, lehono, le go ya go ile.

⁵⁹⁵ Gomme ka gona Lentšu le ya pele go theoga go ya ka Mmeleng, go tšwa Hlogong. Ke eng? Lentšu le le swanago. Ga go selo se ka oketšwago goba go tlošwa go Lona. Kafao Lentšu lela la go swana le sepela go tloga Hlogong, ge Letšatši le etla kgauswi, tlase ka Mmeleng, tlase ka Mmeleng, go hlatsela gore ke Batee. Ke Monnamogatša le Mosadimogatša. Ke nama ya nama ya Gagwe, Lentšu la Lentšu la Gagwe; Bophelo bja Bophelo bja Gagwe, Moya wa Moya wa Gagwe. Le a bona? Amene! O e tseba bjang? E bea rekoto ya go swana, kenywa ya go swana, Lentšu la go swana. Le a bona? O bonagatša Kriste; Bophelo bja go swana, Modimo wa go swana, Moya wa go swana, Lentšu la go swana, Puku ya go swana! Amene! Maswao a go swana, “Dilo tše Ke di dirago le tla di dira le lena.” Oo, haleluya! Nna!

⁵⁹⁶ Hlokomelang, Lentšu le le hlatsetšwego ka Mmeleng wa

Gagwe ke yona phenyo ya Gagwe le lebaka la lehu la Gagwe. Le a bona, lehu, e sego ka Moyeng; ge A ehwa, O hwile feela ka nameng. Moya wa Gagwe o ile heleng le go rerela disoulo ka kgolegong. A ke nnete? Nama ya Gagwe, e nnoši, e hwile, ka gona A e tsošetša godimo gape gomme a e phediša. *Go phediša* go ra “go dirwa go phela,” nama ya Gagwe, e bego e le mmele wa Gagwe. Gomme leo ke Lentšu. E be e robetše e hwile lebaka la mengwaga, eupša ka go iketla E thoma go tla ka go mpshafatšo, gomme bjale O eme godimo ga maoto a Gagwe!

⁵⁹⁷ Oo, ke duma bjang nkabe ke na le nako go ya morago ka go Hesechiele, le go gogela ntle ona “marapo a go oma,” le go le bontšha. O rile, “A marapo a a ka kgona go phela gape?”

O rile, “Profeta!”

⁵⁹⁸ Seprofeto se ka tla bjang? Feela ka moprofeta. Ke Lentšu la Morena. “Ekwang, marapo a a omilego, Lentšu la Morena!” Gomme mešifa, letlalo la tla godimo ga ona, gomme a emela sešole se maatla, gomme a thoma go matšhetša go leba Tsione. Letago go Modimo! Yoo ke Yena. Yoo ke Yena, phenyo.

Balopollwa ba Morena ba tla tla Tsione nako yeo ka thabo,
Dithaba tšohle tša Gagwe tše kgethwa ga go selo se gobatšago goba se tla senyago. (Huh.)

⁵⁹⁹ O netefatša Bophelo bja Gagwe bja tsogo nako yeo bjalo ka ge A itlhatsela Yenamong. Yena, Monyalwa, o ikeme go tšwa go bohle ba bangwe. Ke Mosadi wa go ikema, Nonyana ye kgolo ya marothorotho ye e fapanago le tšohle tše dingwe. Le elelwa Beibele ka seo, “Nonyana ye kgolo ya marothorotho.” Eupša, O bile le Leina la Gagwe, O bile le Bophelo bja Gagwe. Ka gore . . .

⁶⁰⁰ Ba dirile nonyana marothorotho bjang? Bobedi e be e le tše tšhweu, gomme ka gona ba thaotše hlogo go nonyana e tee gomme ba falaletša madi godimo ga nonyana ye nngwe. Gomme nonyana ye nngwe e be e kgamathetše ka madi a mahubedu, gomme e phaphaseditše diphego tša yona ka mokgwa *wo*, gomme madi a goelela, “mokgethwa, mokgethwa, mokgethwa,” ge a hlapiša fase.

⁶⁰¹ Kafao Kriste, Molekani wa go hwa, o beile Madi a Gagwe, Madi a Gagwe go tšwa Bophelong bja Gagwe, ka go rena; o fafa- . . .re rwele Madi a Gagwe, re goelela, “Mokgethwa, mokgethwa, mokgethwa, go Morena!” Ke nonyana ya go lebega boarogi. Nnete, ke yona. Eupša Yena, Monyalwa, o—o tsebagatšwa ka Yena, gomme O ikeme go tšwa go bohle ba bangwe. “Gomarela feela go yena ge feela bobedi le phela. Gomarela feela go Yena, Lentšu,” aowa, ga go bootswa, ga go leswao le tee la kerekeleina, ga go leswao le tee la thututumelo, ga go bootswa le gatee. Lentšu, gomme Yena a nnoši!

602 “Godimo ga Kriste leswika la go tia ke a ema, mabala a mangwe ohle ke kwenamohlaba,” go boletše Eddie Perronet. Uhuh.

603 Yeo ke yona, Kriste, Lentšu! O be a le Lentšu; Yena ke Lentšu. Gomme Kereke e ba Lentšu, ka Yena go Mo dira karolo ya Gagwe, gomme leo ke Lentšu gape. Ka sebele go tsebagatšwa ke Yena, phahlo ya Gagwe e nnoši! Phahlo ya gagwe e nnoši! O lopolotšwe ke Yena, ka Yena, bakeng sa Gagwe, gomme bakeng sa Gagwe a nnoši. Yeo ke nnete. Gona, se diabololo a ngautšago ka sona, gore se utolotšwe.

604 Re ka go nako ya kotsi. Elelwang, Lengwalo le re, ge dilo tše di thoma go direga, “nako ga e sa le gona.” O a nyamalala, ge re bona ponagalo.

605 “Ditšhišinyego tša lefase.” Le a bona bona ba sekete ba bolailwe letšatši le lengwe? “Ditšhišinyego tša lefase mafelong a go fapana.”

606 O rile, “Diponagalo tša go tšhoša lefaufaug, dipilara tša mollo,” boka, di phaphametše tikologong boka dipiring tša go fofa. Ga ba tsebe gore ke eng. Le a bona? Ga ba na le kgopolo ye e itšego.

607 A le hlokometše Barongwa bao ba tlilego tlase, ba nyakišitše Sodoma pele Sodoma e senywa? Le elelwa seo? [Phuthego e re, “Amene.”—Mor.] Go be go le sehlopha sa Bona se etla fase, ba bararo ba Bona. Yo mongwe wa Bona o dutše le Abraham. Le elelwa seo? [“Amene.”] Ba be ba le Dietša go tšwa Legodimong, tšeo di tlilego fase ka go kahlolo ya go nyakišiša. Sa o tee . . .

608 Lebelelang moo bohle ba hwetšwago. Go dikologa Pentagon, le dilo, ba a ba hwetša. Yeo ke kahlolo ya lefase, Sodoma. Gomme go yo Motee a emetšwego, o tla emelwa magareng ga dikereke, e tla ba Kriste Yenamong, a itlhatsela Yenamong. Le a bona? “Diponagalo godimo ga . . . ka magodimong godimo, le maswao lefaseng fase.” Nnete.

609 Go tsebagatšwa! Oo, diabololo o ngautša ka se: Therešo ye e bonagaditšwego ya tshepišo ya Lentšu ka go Yena a nnoši.

610 Ga ba ne karabo. Ge Jesu a etla, gobaneng Bafarisei bale ba se ba dira? O rile, “Ge Ke leleketše bodiabololo ntle ka monwana wa Modimo, le ba lelekela ntle ka mang?” Le a bona? O eme a nnoši.

611 Gomme Kereke ya Gagwe e ema e nnoši. Ga se a kgokagana le selo. Eupša O tsebagaditšwe ke Modimo, go beng mmele woo Modimo a dutšego ka go ona; gomme Kereke e tsebagatšwa ka Mmele wa Gagwe, e dira selo sa go swana. Yena ke Mmele wa Gagwe, Therešo ye e bonagaditšwego ya Lentšu la Gagwe le le tshepišitšwego go matšatši a mafelelo. Gomme Yena, gomme Yena a nnoši, o ema ka Lona. Ke ka baka leo diabololo a ngautšago,

mekgatlo ye megolo ye, go bea godimo selo se sengwe go Mo tswalela. Ba ka se tsoge ba e dira. O tla tšeelwa godimo, e sego go tswalelelwa. Bjale o tsogile, gomme ka maatla a Lentšu le le hlatsetšwego le tshepišitšwe go Yena. Amene!

⁶¹² Ka fao Monyalwa a swerego tshepišo yela! “O mpoditše O tla bowa ka morago ga ka. Ke tla e dumela.” Uh-huh. Le a bona? Ee, mohlomphegi. Go kopana le Bohlogo bja Gagwe, Molopolodi wa Gagwe, Monnamogatša wa Gagwe, Kgoši ya Gagwe, Morena wa Gagwe, Moratiwa wa Gagwe, Mophološi wa Gagwe, ka go lefelo le le filwego la kopano!

⁶¹³ O na le lefelo go kopana le Bona. Le a tseba, O—O . . . Monyadi ga a tlogele selo ntle. O na le palamonwana, boitsebišo. O na le kobo ye A e aparago, diaparo tša Gagwe. Le a bona? Gomme O na le lefelo le le filwego go kopana le Yena, leo le lego ka moyeng. Se sengwe le se sengwe sohle se filwe. O na le Selalelo sa Monyanya se šetše se beilwe; baeng ba šetše ba laleditšwe, ba šetše ba kgethilwe. Barongwa bohle ba eme go dikologa, bahlanka ba Gagwe, ba tsarogile. Oo, oo, oo, oo, oo!

Oo, go ya go ba le kopano sebakabakeng,
 Monateng wola, monateng pele le pele;
 Ke ya go kopana le wena, ke ya go kopana le
 wena godimo Kua
 Ka Legaeng lela bokagodimo ga legodimo;
 Moopelo wo mobjalo o kilego wa kwewa, o
 kilego wa kwewa ka ditsebe tša go hwa,
 E tla ba letago, ke a bega!
 Gomme Morwa wa Modimo Mong, O tla ba
 Yena a hlabeletšago, (ponagalo ya go tlala ya
 Modimo.)
 Ka kopanong yela sebakabakeng. (Oo, nna!)

⁶¹⁴ Šetšang mabohlatse a Gagwe bjale.

Le kwele ka—kwele kanegelo e bolelwa ya
 Moshe ka lehlakanokeng,
 Le kwele ka ga Dafida wa go hloka poifo le
 seragamabje sa gagwe;
 Le kwele kanegelo e bolelwa ya Josefa wa go
 lora,
 Ka Daniele le ditau ka mehla re a opela.
 Oo, go na le ba bantši, ba bangwe ba bantši ba
 hlatseditšwe ka Beibeleng,
 Ke hlologela bjang go kopana le bona bohle, ke
 a bega!
 Pele le pele Morena o tla re dumelela go kopana
 le bona,
 Ka kopanong yela sebakabakeng.
 Ka gore go ya go ba le kopano sebakabakeng,
 Monateng wola, monateng pele le pele;

Gomme ke ya go kopana le wena, go go
 dumediša godimo Fale
 Ka Legaeng lela bokagodimo ga legodimo;
 Moopelo wo mobjalo o kilego wa kwewa, o
 kwewa ke ditsebe tša go hwa,
 E tla ba letago, ke a bega!
 Gomme Morwa wa Modimo Mong e tla ba Yena
 yola a hlabeletšago
 Ka kopanong yela sebakabakeng. (Oo, nna!)

⁶¹⁵ A ga le rate seo? Bjale morero momenwagararo wa sephiri se segolo sa Gagwe sa kutollo o utolotšwe. Ke Yena yo mogolo. Yoo ke Yena. Oo, nna! A re e opeleng. Ke no se kgone go rera gape. Ke ikwela gabotse kudu, le a bona.

Oo, go ya go ba le kopano sebakabakeng,
 Monateng, monateng pele le pele;
 Gomme ke ya go kopana le wena, go go
 dumediša godimo Fale
 Ka Legaeng lela bokagodimo ga legodimo;
 Moopelo wo mobjalo o kilego wa kwewa, o
 kwewa ke tsebe ya go hwa,
 E tla ba letago, ke a bega!
 Gomme Morwa wa Modimo Mong, O tla ba
 Yena a hlabeletšago
 Ka kopanong yela sebakabakeng.

⁶¹⁶ A le a ya? Amene! Ka mogau wa Modimo, ka mogau wa Modimo! Le a bona? Oo, nna!

Le kwele ka ga Moshe yo monnyane ka
 lehlakanokeng,
 Le kwele ka ga Dafida wa go hloka poifo
 le seragamabje sa gagwe; (Tšona ke dikai
 tšohle.)
 Le kwele kanegelo e bolelwa ya Josefa wa go
 lora,
 Le ka Daniele le ditau ka mehla re a opela.
 Oo, go na le ba bantši, ba bangwe ba bantši ka
 Beibeleng, (E lego Yena.)
 Gomme ke hlologela go kopana le bona bohle,
 ke a bega!
 Pele le pele Morena o tla re dumelela go kopana
 le bona
 Ka kopanong yela ka . . .

⁶¹⁷ Eupša go ne yo Motee yo mogolo!

Oo, go ya go ba le kopano sebakabakeng,
 Monateng, monateng pele le pele;
 Ke ya go kopana le wena, go go dumediša
 godimo Fale
 Ka Legaeng lela bokagodimo ga legodimo;

Moopelo wo mobjalo o kilego wa kwewa, o
 kwewa ke ditsebe tša go hwa,
 E tla ba letago, ke a bega!
 Gomme Morwa wa Modimo Mong, O tla ba
 Yena yola a hlabeletšago
 Ka kopanong yela sebakabakeng.

⁶¹⁸ Bjale, re ya go kopana seng godimo Kua. A nke bohle, Mamethodist, le Mabaptist, le e ka ba eng le lego, bao ba tswetšwego gape ka Moya wa Modimo, šišinyang diatla tša yo motee go yo mongwe ge re e opela.

Oo, go ya go ba le kopano sebakabakeng,
 Monateng wola, monateng pele le pele;
 Ke ya go kopana le wena, le go go dumediša
 godimo Fale
 Ka Legaeng lela bokagodimo ga legodimo;
 Moopelo wo mobjalo wo mongwe le wo
 mongwe o kwewago, o kwewa ke ditsebe tša
 go hwa,
 E tla ba letago, ke a bega!
 Ka gore Morwa wa Modimo Mong e tla ba Yena
 a hlabeletšago
 Ka kopanong yela sebakabakeng.

⁶¹⁹ Oo, oo, oo! Oo, seo se a makatša, le a bona, bonang se A tla bago sona. Bjale lebelelang.

⁶²⁰ Re no swanela go tswalela, bagwera. E nyakile go ba iri ya bobedi, le a bona, gomme re tla—re tla ba fa mo selalelong. Ke no ba le letlakala ka morago ga letlakala la se go le bjalo, le a bona, kafao re no ya go swanela go tswalela ka se. Ga go na mafelelo go sona.

⁶²¹ Ke kutollo. Ke Gosafelego bjalo ka ge Lentšu la Modimo le le Gosafelego. Lebelelang, eupša morero momenwagararo wa sephiri se segolo sa Modimo o utolotšwe! Modimo a bonagaditšwe ka go Kriste; Kriste a bonagaditšwe ka Kerekeng; gore a lopolle Efa yo a lahlegilego morago go leemo la setlogo ka serapeng sa Edene. Oo, nna!

⁶²² Oo, go ya go ba dinako tše dingwe tše kgolo ka Letšatši leo! Ya. Le gonabjale. Re a e dumela. A ga le e dumele? Ke no nagana ka pina yela nako le nako ge ke nagana ka yona.

⁶²³ O itlhatseditše Yenamong ka go Daniele, le ka go Moshe, le ka go Jeremia. Ba be ba le eng? Baprofeta ba Lentšu le tlilego go bona, bona banna ba bagolo. Le a bona, le kwele kanegelo e bolelwa ya Josefa wa go lora, le a bona, le Daniele ka legolong la ditau, le bohle ba bangwe ba, le a tseba. Bona, bao, e be e le bamang? Baprofeta. Le a bona? Eupša yo Motee yo mogolo. . . Modimo o be a no ba, lebakanyana, a kaya ka go bona.

⁶²⁴ O ikaile Yenamong ka go Adama, a tseba se se lokilego, eupša o sepeletše ntle go lopolla mosadimogatša wa gagwe, gobane o

be a le phošo. Kriste o be a se a swanela go ba sebe, eupša O sepeletše ntle gomme o tšere sebe, go lopolla ngwana wa Gagwe yo a lahlegilego. Le a bona? Le a bona? O ikaile Yenamong.

... gomme Moshe ka lehlakanokeng,
 Gomme le kwele ka ga Dafida wa go hloka
 poifo le seragamabje sa gagwe;
 Le kwele kanegelo e bolelwa ya Josefa wa go
 lora, (Moprofeta.)
 Le ka Daniele le ditau ka mehla re a opela.
 Oo, go na le ba bantši, ba bangwe ba bantši ka
 Beibeleng,
 Gomme ke . . .

625 Bona, bona ke Beibele.

Gomme ke . . .

Bohle ba bonagadišwe ka go Yena, go le bjalo. Le a bona? Ntle le Yena, bohle ba ile. Le a bona? Gomme ke swanetše go ba karolo ya Seo, go ba Yena. Amene! Le a bona?

Gomme ke hlologela go kopana le bona bohle,
 ke a bega. (Yeo ke nnete.)
 Eupša Morwa wa Modimo Mong, O tla ba Yena
 yola a hlabeletšago
 Ka kopanong sebakabakeng.

626 Bahebere 11, e rila, “Ba ka se kgone go phethagala ntle le rena.” Diatla le maoto di ka se kgone go phethagala ntle le mabjoko, tsebo, hlogo, le go ya pele. Le a bona? Gomme bohle re phethagadišwe ka go Yena, “Kafao ka Moya o tee bohle re kolobeletšwa ka Mmeleng o tee,” re lokologile go tšwa Kahlolong; re fetile go tšwa sebeng, go ya lehung. . . Amene! “Morwa wa Modimo Mong e tla ba Yena a hlabeletšago ka kopanong yela ka moyeng.” A le a Mo rata?

Ke a Mo rata, ke a Mo rata
 Gobane . . .

627 Morena Jesu, tlotšo ya Moya wo Mokgethwa e tla godimo ga disakatuku tše, Morena, gomme fodiša balwetši. A nke go be bjalo, ge ba se bea godimo ga yona. Ke a rapela gore O tla e dira bjalo, Leineng la Jesu. Amene.

... Mohlare wa Khalibari.

628 E no nagana, “Kriste, o utolotšwe,” thwi ka go rena bjale, thwi bjale ka go rena. O dirile bjang, O utolotšwe bjang? Gobane O nthatile pele. O dirile eng?

Gomme a lefela phološo ya ka
 Godimo . . .

629 Letago! Morongwa yo mogolo yola wa Kgwerano, yo Motee yola Yo a bego a na le Moshe ka lešokeng, Yena Yo a tlilego go Paulo tseleng go ya Damaseko, Yena wa go swana o dumeletše

seswantšho sa Gagwe go tšewa le rena; Yena yola wa go swana yo a bego a le ka seswantšhong ka go kgatišobaka ya *Life* letšatši le lengwe; Lentšu le le swanago, ka Modimo yo a swanago, ka dikanala tše di swanago, ka tsela ye e swanago, ka tshepišo ye e swanago! “Kae kapa kae mo ba babedi goba ba bararo ba kgbokanego Leineng la Ka, Ke gona magareng ga bona.” Gona O mo. “Barongwa ba Modimo ba dikaneditše bao ba Mmoifago,” bao ba lekeletše feela go Lentšu la Gagwe. Ga go motho a ka kgonago go hlompha Lentšu lela ntle le go boifa Modimo. Le a bona? Ka gona, šo Yena o ka mo mosong wo, le rena, ge re Mo rapela ka Moya.

⁶³⁰ Oo, ge e sa le Molaetša wo mothata ka mokgwa wo, ke nagana re no swanela go Mo rapela nthatana gannyane ka Moyeng. Le a bona, e nong go tswalela mahlo a lena gomme a re opeleng yeo go Yena gape, “Ke a Mo rata, ke a Mo rata,” feela ge le—le phagamiša diatla tša lena, boka, go Yena.

Ke a Mo rata, ke a Mo rata
Gobane . . . nthatile pele
Gomme a lefela phološo ya ka
Godimo ga mohlare wa Khalibari.

Oo, nna, re Mo rata bjang!

Tumelo ka go Tate, tumelo ka go Morwa,
Tumelo ka go Moya wo Mokgethwa, ba bararo
ba ke Batee;
Matimone a tla roromela, gomme badiradibe
ba tsoga;
Tumelo go Jehofa e dira e ka ba eng e šikinyege.

⁶³¹ Amene! Letago go Modimo! Re Mo rata bjang! E no Mo rapela ka pelong ya gago bjale, e no Mo tlotla, e no—e no nagana ka fao A dirilego botse. Lebelelang se A re diretšego. Mengwaga ye yohle ya dipono, ga go e tee e kilego ya palelwa. Se sengwe le se sengwe A se boletšego se tla direga, se tla feela tlwa ka tsela ye A se boletšego.

⁶³² Ke a le rata. Le se le bale melao ya Modimo go lena, bana ba bannyane, “Ratanang seng.” Rata yo mongwe le yo mongwe. Go loka goba phošo, modiradibe goba mokgethwa, ba rate, go le bjalo. Ge o sa dire, gona rapela Modimo go go thuša, gobane Modimo o ratile modiradibe. Gomme tlhago ya Modimo e ka go wena. Ge monna a le phošo, mo rate, go le bjalo. Le se tšee karolo go dibe tša gagwe. Le a bona? Le se tšee karolo go dibe tša gagwe. Eupša ka bobose, e sego ka go baba le go kgalema, ka bobose mmotše ka kholofelo ya Bophelo ye e khutšago ka go wena, ka Jesu Kriste a utollwa go wena ke Moya wo Mokgethwa.

Tšea Leina la Jesu le wena,
Ngwana wa mahloko le madimabe;
Le tla go fa thabo le khomotšo,
Oo, Le tšee (Le se le bale bjale.) mogohle o yago.

Oo, le bohlokwa . . . (Leina leo!) . . . O . . .

633 Re na le Leina la Gagwe. Re biditšwe ka Leina la Gagwe.

Kholofelo ya lefase le thabo ya Legodimo;
Leina le Bohlokwa, O bose bjang!
Kholofelo ya lefase le thabo ya Legodimo.

634 Bjale ke ya go le fa sephiri se sennyane, go fihla ke kopana le lena gape, elelwang se, ge re ema, elelwang se:

Leineng la Jesu go a inangwa,
Go wa go ikala maotong a Gagwe,
Kgoši ya dikgoši Legodimong re tla Mo rweša
korone, (Re tla Mo rweša korone!)
Ge leeto la rena le fedile.

Leina le Bohlokwa, (Leina le Bohlokwa!) (O
bose bjang!)
Kholofelo ya . . .

635 Eng? Kutollo semenwagararo! Kholofelo le thabo ya Legodimo, e utolotšwe ka go Yena.

Leina le Bohlokwa, (Leina le Bohlokwa!) O
bose bjang!
Kholofelo ya lefase le thabo ya . . .

636 Eng? Kholofelo ya lefase le thabo ya Legodimo, se sengwe le se sengwe se bonagatšwa ka go Kriste. Modimo, Kereke, se sengwe le se sengwe gape, se bonagatšwa ka go Kriste. Beibele ke Kriste. Beibele ke Lentšu le le ngwadilwego. Leo, Yena ke Lentšu. Ponagalo ya Lona ke bohlatse bja Bophelo bo etla ka nameng ya Lentšu, go Le bonagatša. Oo, a ga go makatše!

Tšea Leina la Jesu le . . .

Bjale theetšang sekgauswi bjale.

Bjalo ka Kotse . . . (Le se lebale seo bjale) . . .
moreo wo mongwe le wo mongwe;
Ge meleko go go dikologa e kgobokana, (o
swanetše go dira eng?)

E no hema Leina le Lekgethwa leo ka thapelo.
Leina le Bohlokwa, (Leina le Bohlokwa!) O
bose bjang! (O bose bjang!)
Kholofelo ya lefase le thabo ya Legodimo;
Leina le Bohlokwa, (Leina le Bohlokwa!) O
bose bjang!
Kholofelo ya lefase le thabo ya Legodimo.

637 Go se tsebe . . . Nnete, go beng semoya, le šetša dilo tša semoya. Go se tsebe se; Modimo o a se tseba. Eupša ge o ka retologa le go lebelela sešupanako, se godimo ga mothalo, iri ya bobedi, bofelo bja Kgogedi ya Bobedi. Kgogedi ya Boraro e batametše! Le a bona?

Leineng la Jesu go a inangwa,

Go wa go ikala maotong a Gagwe,
 Kgoši ya dikgoši Legodimong re tla Mo rweša
 korone,
 Ge leeto la rena le fedile.
 Leina le Bohlokwa . . .

Kgogedi ya Bobedi e dirilwe go bonagatšwa!

Kholofelo ya lefase le thabo ya Legodimo;
 Leina le Bohlokwa, O bose bjang!
 Kholofelo ya lefase le thabo ya Legodimo.

⁶³⁸ A le hlokometše Moya o tšea pina ya go swana le go e rotoša
 go nnoto ya godingwana ka mokgwa wola? Kgogedi ya go latela
 e batametše! Amene! Uh-huh.

Tšea Leina la Jesu le wena,
 Go thari go feta o nagana!

. . . mahloko le madimabe;
 Le tla go fa thabo le khomotšo,
 Oo, Le tšee mogohle o yago.

Leina le Bohlokwa, (Leina le Bohlokwa!) O
 bose bjang!
 Kholofelo ya lefase le thabo ya Legodimo;
 Leina le Bohlokwa, O bose bjang!
 Kholofelo ya lefase le thabo . . .

Bjale ge meleko e etla, o dira eng?

Tšea Leina la Jesu le wena,
 Bjalo ka Kotse go tšwa go molaba wo mongwe
 le wo mongwe;
 Ge meleko . . . (Sengwe go go dira o se dumele
 bjale.) . . . kgobokana,
 E nong go elelwa, hema Leina le Lekgethwa leo
 ka thapelo.

Leina le Bohlokwa, O bose bjang!
 Kholofelo ya lefase le thabo ya Legodimo;
 Leina le Bohlokwa, (Leina le Bohlokwa!) O
 bose bjang!
 Kholofelo ya lefase le thabo ya Legodimo.


⁶³⁹ A re inamišeng dihlogo tša rena bjale, yo mongwe le yo
 mongwe, ka tlhomphekgo. Lebelelang bjale.

Leineng la Jesu go a inangwa . . .

⁶⁴⁰ [Maleme le tlhathollo di a fiwa—Mor.] Bjale ge le kwešiša,
 Moya wa Morena o rothetše ka kopanong, godimo ga maleme a go
 se tsebje, o bolela le monna a sa tsebe; go le hlatholla ka monna
 yo mongwe a sa tsebe. Lentšu la Morena! Le elelwa ge lenaba
 le be le etla godimo gomme ba be ba sa tsebe se ba bego ba tla
 se dira? Moya wa Morena o wetše godimo ga monna, gomme wa
 utolla se se bego se swanetše go dirwa. Oo, nna!

⁶⁴¹ E nong go inamiša dihlogo tša rena bjale, ka go kokobela.
Modimo a le šegofatše.

Go fihla re kopana! go fihla re kopana!
Go fihla re kopana maotong a Jesu;
Go fihla re kopana!

Go lokile, modiša. 

63-0728 Kriste Ke Sephiri Sa Modimo Se Se Utollotšwego
Branham Tabernacle
Jeffersonville, Indiana U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org